



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-328/24
Sarajevo, 21.02.2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 36. sjednici održanoj dana 21.02.2024. godine, usvojilo je

Izvještaj o aktivnostima Grada Sarajeva u oblasti međunarodne saradnje u 2023. godini.

PREDSJEDAVALA GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

IZVJEŠTAJ
O AKTIVNOSTIMA GRADA SARAJEVA
U OBLASTI MEĐUNARODNE SARADNJE U 2023. GODINI

Sarajevo, februar 2024. godine

Adresa: Hamdije Kreševljakovića 3

71 000 Sarajevo

Tel.: +387 33 407 443

Fax: +387 33 208 341

Email: grad@sarajevo.ba

Web: www.sarajevo.ba



SADRŽAJ

UVOD

MEĐUNARODNA SARADNJA NA NIVOU GRADOVA

MEĐUNARODNI SKUPOVI

SARADNJA S DIPLOMATSKO-KONZULARNIM PREDSTAVNIŠTVIMA

OSTALE AKTIVNOSTI NA PLANU MEĐUNARODNE SARADNJE

AKTIVNOSTI GRADA SARAJEVA U OKVIRU MEĐUNARODNIH ASOCIJACIJA

OCJENA STANJA

ZAKLJUČNA RAZMATRANJA

UVOD

U izvještajnom periodu aktivnosti Grada Sarajeva u oblasti međunarodne saradnje odvijale su se na bilateralnom nivou u formi saradnje sa pobratimskim, prijateljskim i drugim gradovima i međunarodnim institucijama; na multilateralnom nivou kroz zajedničke aktivnosti sa drugim gradovima okupljenim oko određenog projekta i kroz organiziranje ili učešće u međunarodnim skupovima od značaja za Grad Sarajevo; učešćem u radu međunarodnih asocijacija čiji je Grad Sarajevo član; te saradnjom sa diplomatsko-konzularnim predstavništvima sa sjedištem u Bosni i Hercegovini i izvan nje i međunarodnim organizacijama i specijalnim misijama u Bosni i Hercegovini, kao i sa visokim zvaničnicima, premijerima i državniciima iz Evrope i svijeta.

Tokom 2023. godine, Grad Sarajevo je uložio veliki napor na jačanju međunarodne saradnje kao jednog od ključnih faktora razvoja, te na uspostavljanju, održavanju i razvijanju veza sa gradovima regiona, Evrope i svijeta.

Cijeneći svoje ekonomske, kulturne, obrazovne, turističke i druge potencijale, učinio je veliki iskorak pozicionirajući se na regionalnom i međunarodnom nivou kao mjesto inovativnih ideja i rješenja, kao moderan, otvoren, evropski grad i ravnopravan partner za međunarodne projekte i procese. Te vrijednosti su prepoznate naročito u mandatu nove gradske administracije, koja je svojim proaktivnim pristupom osnažila međunarodnu saradnju i privukla interes brojnih gradova za bratimljenjem ili partnerstvom, te što je najvažnije za saradnjom na konkretnim projektima finansiranim od strane Evropske unije.

U skladu sa odlukama koje je Gradsko vijeće Grada Sarajeva usvojilo, potpisani su sljedeći memorandumi/sporazumi/deklaracije:

- Memorandum o razumijevanju između Grada Rima i Grada Sarajeva,
- Memorandum o razumijevanju za uspostavljanje Regionalne mreže gradova za zapadni Balkan u okviru inicijative „Jačanje mreže projektnih timova odabranih gradova WB6 za efikasnije korištenje sredstava EU i drugih donatora”.
- Deklaracija gradonačelnika za bolju prevenciju, pripravnost i odgovor na pandemije,
- Memorandum o razumijevanju između Grada Kaira, Arapska Republika Egipat, i Grada Sarajeva, Bosna i Hercegovina,
- Sporazum o bratimljenju između Grada Şanlıurfa, Republike Turska, i Grada Sarajeva, Bosna i Hercegovina,
- Memorandum o razumijevanju između Grada Sarajeva, Bosna i Hercegovina, i Grada Annapolisa, Savezna američka država Maryland.

Sporazumi koji nisu potpisani:

- Memorandum o razumijevanju između Grada Sarajeva i Grada Bakua o uspostavljanju pobratimskih odnosa.
- Sporazum o saradnji između Opštine Bar i Grada Sarajeva.

Ostali dokumenti koji su potpisani u predmetnom periodu su:

- Memorandum o razumijevanju za provođenje mjera održive urbane mobilnosti u Sarajevu, potpisan između Grada Sarajeva, Ministarstva saobraćaja Kantona Sarajevo (Adnan Šteta) i

Deutsche Gesellschaft für Internationale Zusammenarbeit (GIZ) (Sibylle Strahl, koordinatorka energetske i klimatske odjela).

Susreti sa čelnicima gradova regiona, Evrope i svijeta, ambasadorima, premijerima, državnici:

Bosanskohercegovačka prijestolnica je kroz diplomatiju gradova postala poželjan i pouzdan partner i sagovornik, što potvrđuju i brojni kontakti s gradonačelnicima gradova Evrope i svijeta, ambasadorima, premijerima, državnici.

Susreti sa čelnicima gradova regiona, Evrope i svijeta: u izvještajnom periodu ostvareni su kontakti i susreti sa preko 30 čelnika gradova regiona, Evrope i svijeta, među kojima su gradonačelnici: Berna, Općine Karšijaka, Ogulina, Skoplja, Svetog Nikole, Wolfsburga, Bara, Istanbula, Bakua, New Yorka, Pule, Collegna, Innsbrucka, Elbasana, Leskovca, Guangzhoua, Strasbourga, Hataya, Dubrovnika, Prata, Washingtona, Varaždina, Novog Pazara, Rima, Zagreba, Sofije, Sanliurfe, te drugi predstavnici gradova.

Grad Sarajevo su posjetili brojni visoki zvaničnici i državni iz Evrope i svijeta, među kojima su: ministrica vanjskih poslova Republike Slovenije; državna sekretarka za Evropu i članica francuske vlade; predsjednik Vlade Republike Slovenije; ministar vanjskih poslova Španije; potpredsjednica Vlade Republike Kosovo; komandantica Nacionalne garde američke savezne države Maryland; državni sekretar za evropske poslove Republike Portugal, predsjednica Međunarodnog rezidualnog mehanizma za krivične sudove; kandidatkinja za predsjednicu Crne Gore; ministrica vanjskih poslova i Evropske unije Vlade Katalonije; ministar vanjskih poslova Kraljevine Danske; ministar odbrane Kraljevine Norveške; specijalni izaslanik britanskog premijera za Zapadni Balkan; austrijska savezna ministrica za EU i ustavna pitanja; francuski specijalni izaslanik za zapadni Balkan; predsjednica Slovačke Republike.

Saradnja s diplomatsko - konzularnim predstavništvima i misijama: Grad Sarajevo su posjetili ili je ostvaren kontakt sa predstavnicima diplomatsko-konzularnih predstavništava sa sjedištem u i izvan BiH, među kojima su ambasade: Arapske Republike Egipat, Republike Kazahstan, Republike Sjeverne Makedonije, Izraela, Vatikana, Slovačke, Republike Armenije, Japana, Kine, Republike Italije, Republike Bugarske, Velike Britanije, SAD, Republike Francuske, SR Njemačke, Republike Austrije, te međunarodnih organizacija i specijalnih misija u BiH: Delegacija EU u BiH, Međunarodna organizacija za migracije (IOM) u BiH, UN u BiH, Svjetska banka- Misija u Bosni i Hercegovini, Sekretarijat vijeća za regionalnu saradnju (RCC), Međunarodna finansijska korporacija IFC u Bosni i Hercegovini.

Grad Sarajevo je sudjelovao u brojnim međunarodnim skupovima kao i u radu međunarodnih asocijacija čiji je član, kao što su Svjetska unija olimpijskih gradova, MedCities i B40 Mreža balkanskih gradova.

Od najznačajnijih događaja izdvojili bismo sljedeće:

- Na poziv Kongresa Sjedinjenih Američkih Država, gradonačelnica Sarajeva Benjamina Karić i predsjedavajući Gradskog vijeća Jasmin Ademović prisustvovali su 71. Nacionalnom molitvenom doručku, održanom u Washingtonu.
- Gradonačelnica Sarajeva Benjamina Karić i gradonačelnik Rima Roberto Gualtieri potpisali su Memorandum o razumijevanju između Grada Rima i Grada Sarajeva u Rimu.

- Gradonačelnica Sarajeva Benjamina Karić i guverner Kaira Khaled Abdel Aal potpisali su Memorandum o razumijevanju između Grada Kaira, Arapska Republika Egipat, i Grada Sarajeva, Bosna i Hercegovina, u Kairu.
- Gradonačelnica Sarajeva Benjamina Karić i gradonačelnik Şanlıurfe Zeynel Abidin Beyazgül potpisali su Sporazum o bratimljenju između Grada Şanlıurfe i Grada Sarajeva, u Sarajevu.
- Gradonačelnica Sarajeva Benjamina Karić i gradonačelnik Annapolisa Gavin Buckley potpisali su Memorandum o razumijevanju između Grada Sarajeva i Grada Annapolisa, Savezna američka država Maryland.
- Povodom 6. aprila – Dana grada Sarajeva, Turska fondacija „Maarif”, Grad Konya i Općina Seldžuk, u saradnji sa Općinom Stari Grad, organizirali su izložbu radova nastalih na umjetničkim radionicama u „Maarif Schools of Sarajevo” i Mevlevijskom centru. Izložba je bila postavljena u Gazi Husrev-begovom hanikahu u periodu od 04. do 11.04.2023. godine.
- U okviru tradicionalne prijateljske saradnje gradova Sarajeva i Beča, Ured Grada Beča u Sarajevu organizirao je Konferenciju Vienna Science Days – Dani Beča i nauke, u okviru koje je Grad Sarajevo uzeo aktivno učešće.
- 50. godišnjica bratimljenja Sarajeva i Friedrichshafena održana je u Friedrichshafenu 27.-30.04.2023., a u Sarajevu 19.-24.10.2023. godine.
- Gradu Sarajevu je uručena Evropska diploma Vijeća Evrope, u Strasbourgu u junu 2023. godine.
- Na poziv Međunarodnog Olimpijskog Komiteta, Grad Sarajevo je bio dio globalne kampanje let's Move, projekcijom loga Let's Move na Vijećnici, što je i 22. juna, te se time Sarajevo svrstalo među sve ostale velike olimpijske gradove koji su učinili isto kao što su Pariz, Sidney, Barcelona i svi prethodni i budući olimpijski gradovi.
- Udruženje iz katalonskog grada Terrassa „Minyons de Terrassa” izvelo je 09.07.2023. godine performans, spektakularne „ljudske tornjeve“, posvećen 30. godišnjici katalonske kooperacije u Sarajevu i 28. godišnjici sjećanja na žrtve genocida u Srebrenici s vjerom da se velika historijska tragedija nikada i nikome ne ponovi.
- Potpisan Memorandum o razumijevanju o uspostavljanju Mreže gradskih projektnih timova za Zapadni Balkan, Sarajevo, 07.03.2023. Gradonačelnici Bara, Leskovca, Svetog Nikole, Elbasana, Mostara i Sarajeva, te predstavnici gradova Podgorica, Priština i Novi Pazar, u prisustvu dr. Daniel Stinsky, predstavnika njemačke ambasade u Sarajevu i dr. Natalije El Hage, direktorice GIZ ureda u Sarajevu, okupili su se u Vijećnici 07.03.2023. kako bi ozvaničili uspostavljanje Mreže gradskih projektnih timova za Zapadni Balkan, potpisivanjem Memorandum o razumijevanju. Cilj je što efikasnije korištenje sredstava EU i drugih donatora”.
- Grad Sarajevo uvodi sistem upravljanja kvalitetom u javnoj upravi po uzoru na Beč, 13.07.2023. godine.
- Gradonačelnica Sarajeva Benjamina Karić ugostila je 13.07.2023. godine u Vijećnici Roya Gutmana koji je sinonim za istinu, hrabrost, principe. Ovaj poznati američki novinar i

publicista boravio je u Sarajevu zbog prve promocije svoje knjige „Svjedok genocida“ u BiH, i to na 30. godišnjicu od njene objave. Izvještavajući o ratnim događanjima u Sarajevu i BiH, prvi je otkrio postojanje logora smrti, te svijetu obznanio istinu izvještajima kojima je sačuvao hiljade života.

- U okviru međunarodne saradnje Grada Pule i Grada Sarajeva, Hrvatsko društvo likovnih umjetnika Istre (HDLU), u saradnji sa Gradom Sarajevom i Javnom ustanovom „Collegium artisticum“ Sarajevo, organiziralo je selektivnu tematsku izložbu „Pranje mozga – Brainwash“ koja je bila otvorena od 19.07. do 08.08.2023. godine.
- Priključenje gradonačelnice Međunarodnom izvršnom odboru Mreže jakih gradova, 26.07.2023. godine.
- Promocija stripa „Valter brani Sarajevo“ 10.08.2023. U Historijskom muzeju BiH promoviran najtiražniji bh. strip i jedna od rijetkih bosanskohercegovačkih publikacija koja je pronašla svoje mjesto u Evropi – „Valter brani Sarajevo“, autora Ahmeta Muminovića na francuskom jeziku. Nezavisni izdavač iz Pariza Gilles Kraemer, objavio ga je u saradnji sa svojim kolegom Almirom Šehalićem, direktorom Agarthe Comics-a u Sarajevu.
- Prezentacija arhitektonskog projekta Muzeja ARS AEVI. Dana 30.10.2023. godine u Vijećnici je uz prisustvo i obraćanje predstavnika bosanskohercegovačkih, italijanskih, evropskih i međunarodnih vlasti i organizacija, održana završna prezentacija arhitektonskog projekta Muzeja ARS AEVI.
- U skladu s Memorandumom o zajedničkoj saradnji između Grada Sarajeva i Grada Tianjina, u drugoj polovini 2023. godine izgrađena je replika Sebilja u Tianjinu u jednom od najposjećenijih parkova tog kineskog pobratimskog grada koji važi za jedan od ekonomskih centara sjeverne Kine i najvećih svjetskih luka.
- Gradonačelnica Benjamina Karić je gradonačelnici Washingtona Muriel Bowser uručila Zahvalnicu Grada Sarajeva. Gradonačelnica Bowser je proglasila 1. mart – Dan nezavisnosti Bosne i Hercegovine, Danom bosansko-američkog prijateljstva, te je pod njenim rukovodstvom donešena proklamacija kojom se 11. juli obilježava Danom sjećanja na genocid u Srebrenici.
- Prilikom posjete predsjednika Gradske skupštine Grada Zagreba 11.08.2023. razgovarano je o raznim temama, među kojima je nastavak projekta za djecu iz porodica koje se nalaze u stanju socijalne potrebe, a koji bi besplatno išli na ljetovanja u odmaralište u Novom Vinodolskom, kao što bi i djeca iz porodica koji se nalaze u stanju socijalne potrebe iz Zagreba zimovala na sarajevskim olimpijskim planinama.
- Sa delegacijom Grada Guangzhoua, trećeg po veličini kineskog grada, najvećeg trgovačkog, industrijskog i kulturnog središta južne Kine, razgovarano o uspostavljanju i jačanju odnosa dva grada u oblasti turizma i kulture, sa posebnim naglaskom na filmsku industriju. Sa direktorom Sarajevo Film Festivala bilo je riječi i o uspostavljanju partnerskih veza i kontakata dva grada preko Sarajevo Film Festivala i Guangzhou Međunarodnog festivala dokumentarnog filma.
- Grad Magdeburg odao počast žrtvama i preživjelim opsade Sarajeva 92.-96., postavljanjem banera s prikladnim tekstom.

- Kontinuirana podrška Grada Friedrichshafena nastavila se i tokom posjete delegacije tog grada u oktobru, tako da je prilikom posjete Domu zdravlja „Omer Maslić” izaslanik gradonačelnika Friedrichshafena rukovodiocu Organizacione jedinice Dom zdravlja Novo Sarajevo, uručio ček/donaciju u iznosu od 3.000 eura, dok je prilikom posjete Domu za djecu bez roditeljskog staranja Bjelave, predsjednik Udruženja „Pro Sarajevo“ ovoj instituciji uručio donaciju u iznosu od 1.000 eura. U ime Grada Friedrichshafena uručena je donacija Srednjoj muzičkoj školi Sarajevo, dok je predsjednik Udruženja „Pro Sarajevo“ uručio donaciju Zavodu za zbrinjavanje mentalno invalidne djece i omladine Pazarić.
- Grad Sarajevo je u septembru 2023.godine bio domaćin i počasni pokrovitelj *Sarajevske energetske i klimatske sedmice (SECW 23)*, značajnog međunarodnog događaja za BiH i njenu prijestolnicu, koji ima za cilj ubrzavanje i usmjeravanje tranzicije energetike i ublažavanja klimatskih promjena.
- Sarajevo grad filma UNESCO-a predstavljen je 30.10.2023. na 18. izdanju filmskog festivala u Rimu, Rome Film Festu, u sklopu programa Roma Cinedays 2023.
- Grad Sarajevo bio domaćin 19. Generalne skupštine Mreže mediteranskih gradova MedCities, 21.-23.11.2023. Ovaj događaj je okupio gradove Jordana, albanskog Roskoveca, pobratimskog Tripolija, francuskog Montpelliera, marokanskog Tetuana i bratske Pule, a prisustvovali su i predstavnici Ancone, Antalye, Barcelone, Chefchaouena, Gaziantepa, Glyfada, Izmir, Hataya, Jbell-Byblosa, Jerasha, Larnace, Limassola, Marseilla, Mersina.
- Prezentacija aplikacije Grada Sarajeva za Evropsku prijestolnicu mladih 2026, Brisel, 14.11.2023. Grad Sarajevo je aplicirao za status Evropske prijestolnice mladih 2026. i našao se među pet finalista za prestižnu titulu, uz gradove Malaga, Izmir, Vila de Conde i Tromso. Gradonačelnica Sarajeva Benjamina Karić i predstavnica mladih Amila Čengiđ boravile su u Briselu 14.11.2023. godine, gdje su pred žirijem predstavile aplikaciju Sarajeva za Evropsku prijestolnicu mladih 2026.
- U skladu sa odlukama Gradskog vijeća Grada Sarajeva usvojenim na 32. sjednici održanoj 25.10.2023. godine, na Svečanoj akademiji održanoj povodom 25. novembra – Dana državnosti BiH, uručena su sljedeća Priznanja Grada Sarajeva:
Počasni građanin Grada Sarajeva – francuskom pozorišnom režiseru François Tanguyju Priznanje (posthumno).
Počasni građanin Grada Sarajeva – maestru Riccardu Mutiju, dirigentu svjetskog glasa.
Počasni građanin Grada Sarajeva – Gervasio Sánchezu, španskom novinaru, ratnom reporteru i fotografu.

Aktivnosti koje su Programom međunarodne saradnje bile planirane, a nisu realizirane:

- Manifestacija „Dani Sarajeva u Podgorici” i „Dani Podgorice u Sarajevu”.

➤ MEĐUNARODNA SARADNJA NA NIVOU GRADOVA

Pomoć Novom Pazaru za sanaciju šteta od poplava, 20.01.2023.

Povodom poplava koje su u januaru 2023. godine zadesile Novi Pazar, Grad Sarajevo je odlučio građanima tog prijateljskog grada uputiti pomoć u iznosu od 30.000 KM.

Gradonačelnik Novog Pazara Nihat Biševac uputio je pomoć Sarajevu kojeg su 2022. godine zadesile poplave.

Posjeta gradonačelnika Ogulina Dalibora Domitrovića, 21.01.2023.

Zamjenica gradonačelnice Anja Margetić Stakić upriličila je 21.01.2023. godine u Vijećnici prijem za Dalibora Domitrovića, gradonačelnika Grada Ogulina. Tokom susreta iskazan je obostrani interes za razmjenu iskustva i intenzivnijom saradnjom u oblasti kulture, turizma i sporta u vidu konkretnih projekata.

Online sastanak s predstavnicima Grada Prata, 24.01.2023.

Zamjenica gradonačelnice Grada Sarajeva Anja Margetić Stakić, održala je online sastanak s pomoćnikom gradonačelnika Grada Prata Gabriele Bosijem. Tema sastanka bilo je uspostavljanje saradnje između Grada Sarajeva i Grada Prata.

Grad Sarajevo je pozvan da se pridruži Gradu Pratu, njegovom pobratimskom Gradu Wangenu i još jednom austrijskom gradu u europskom projektu koji ima za cilj promociju njemačkog jezika kroz razmjenu i druženje 15-ak srednjoškolaca koji uče njemački jezik.

Sagovornici su izrazili spremnost za zajedničku saradnju naročito u oblastima kulture i sporta.

Službena posjeta Gradu Rimu, 25.-27.01.2023.

Delegacija Grada Sarajeva koju su činili gradonačelnica Benjamina Karić, zamjenica predsjedavajućeg Gradskog vijeća Grada Sarajeva Mirela Džehverović, i gradska vijećnica Biljana Lazarević, boravila je u službenoj posjeti Rimu na poziv gradonačelnika italijanske prijestolnice Roberta Gualtierija.

Tokom prijema, Karić i Gualtieri potpisali su Memorandum o razumijevanju između Grada Rima i Grada Sarajeva, koji će se zalagati za jačanje prijateljstva i partnerstva na svim područjima od interesa za građane Sarajeva i Rima.

Obilježavanje 1051. obljetnice Feste sv. Vlaha i Dana grada Dubrovnika, 02.-03.02.2023.

Na poziv gradonačelnika Dubrovnika Mate Frankovića, zamjenik gradonačelnice Grada Sarajeva Haris Bašić i gradska vijećnica Enisa Spahić, boravili su u Dubrovniku povodom obilježavanja 1051. obljetnice Feste sv. Vlaha i Dana grada Dubrovnika.

Predstavnici Grada Sarajeva prisustvovali su Svečanoj sjednici Gradskog vijeća, te ceremoniji otvaranja Feste sv. Vlaha. Ovim činom se potvrđuje izuzetno prijateljstvo i namjera da Gradske uprave Sarajeva i Dubrovnika nastave uspješnu saradnju, pogotovo u oblasti kulture i turizma.

Bilateralni susret sa gradonačelnicom Washingtona Muriel Bowser, Washington, 03.02.2023.

Na poziv Kongresa Sjedinjenih Američkih Država, delegacija Grada Sarajeva koju su činili gradonačelnica Benjamina Karić, predsjedavajući Gradskog vijeća Jasmin Ademović, i šef Odjeljenja za kabinetske poslove Stručne službe za poslove Gradskog vijeća Amir Vrca, prisustvovali su 71. Nacionalnom molitvenom doručku, održanom u Washingtonu 01. i 02.02.2023. godine.

U okviru programa boravka, delegacija Grada Sarajeva se sastala sa gradonačelnicom Washingtona Muriel Bowser. Tokom susreta razgovarano je o sličnostima i razlikama dvaju glavnih gradova i potencijalnim pravcima saradnje.

Ovim su po prvi put i zvanično uspostavljene veze između Sarajeva i Washingtona, sa ciljem povezivanja naših gradova, otvaranjem brojnih mogućnosti za saradnju u različitim oblastima, razmjenom informacija i iskustva u obostranom interesu.

Promocija knjige Cornelia Marks „Prozori u Sarajevo i Magdeburg“, 21.02.2023.

Povodom 45. godišnjice bratimljenja gradova Sarajevo i Magdeburg, održana je online promocija knjige „Prozori u Sarajevo i Magdeburg“, autorice Cornelia Marks. Knjiga govori o životnim pričama žena u 20. i na početku 21. stoljeća, a u vezi sa ratom i izbjeglištvom.

Učesnice okruglog stola iz Magdeburga bile su autorica Marks, predstavnice Grada Magdeburga dok su učesnice iz Sarajeva bile zamjenica gradonačelnice Anja Margetić Stakić, bivša direktorica Muzičke škole Sarajevo Emina Dubravić, književnica iz Sarajeva Adisa Bašić, te Amina Badnjević-Bešić koja je tokom rata u BiH bila izbjeglica u Magdeburgu, a danas uposlenica Goethe instituta u Sarajevu.

Učešće gradonačelnice u HALK TV programu Grada Izmir, 22.02.2023.

Gradonačelnica Sarajeva Benjamina Karić je učestvovala uživo u TV programu Grada Izmir za podršku žrtvama zemljotresa u Turskoj.

TV prijenos uživo je održan uz učešće novinara, političara i gradonačelnika iz različitih zemalja svijeta kako bi se podigla međunarodna svijest o razornoj situaciji s kojom se suočavaju građani Turske, pružila moralna podrška i prikupila sredstva.

Gradonačelnica je imala kratko obraćanje u kojem je uputila poruku podrške i solidarnosti sa žrtvama zemljotresa.

Online sastanak s predstavnicima Grada Prata, 24.02.2023.

Online sastanak pomoćnika gradonačelnika Grada Prata Gabriele Bosija, direktorice Muzeja Grada Sarajeva Senke Ibrišimbegović i direktora Centra za savremenu umjetnost „Luigi Pecci“ iz Prata Stefana Collicelli Cagola, održan je u cilju uspostavljanja saradnje između umjetnika dva pobratimska grada.

Službena posjeta Gradskoj skupštini Grada Zagreba, 09.-11.03.2023.

Predsjedavajući Gradskog vijeća Grada Sarajeva Jasmin Ademović sa saradnicima je, na poziv predsjednika Gradske skupštine Grada Zagreba Joška Klisovića, boravio u službenoj posjeti Gradu Zagrebu.

Tema sastanka bila je unaprjeđenje dosadašnjih odnosa dvaju gradova. Dogovoreno je potpisivanje novog, unaprijeđenog Sporazuma o saradnji između Grada Sarajeva i Grada Zagreba, u kojem bi se, između ostalog, razradili i unaprijedili i drugi aspekti zajedničkih interesa dva glavna grada.

Inicirano je i ponovo pokretanje zajedničkih projekta koji se nisu mogli realizirati za vrijeme pandemije.

Delegacija Grada Sarajeva posjetila je i Gradsku upravu Grada Zagreba gdje im je predstavljen način rada i nadležnosti Odjela komunalnog redarstva i Zagreb Smart City Hub – platforma koja je središnje mjesto za pronalaženje, pregled i korištenje informacija o Gradu Zagrebu.

Susret sa gradonačelnikom Grada Bakua Eldarom Azizovim, Baku, 10.03.2023.

Na marginama 10. Global Baku Foruma koji je na temu „Svijet današnjice: izazovi i nade” održan u periodu po 9. do 12. marta 2023. godine, gradonačelnica Grada Sarajeva Benjamina Karić se 10. marta sastala sa gradonačelnikom azerbejdžanske prijestolnice, Bakua, Eldarom Azizovim.

Bila je to prilika za otvaranje novih mogućnosti za saradnju i njegovanje tradicionalno dobrih odnosa naših gradova i zemalja. Tokom susreta razgovarano je o obnovi sporazuma o bratimljenju iz 1972. godine, te jačanju saradnje konkretnim projektima na polju infrastrukture, privrede, zaštite kulturno-historijskog naslijeđa, a posebno umrežavanjem institucija kulture.

Poziv gradonačelnika Ankare za saradnju povodom zemljotresa koji su pogodili Tursku, 07.03.2023.

Gradonačelnik Ankare Mansur Yavaş poslao je dopis gradonačelnici Sarajeva u kojem predlaže saradnju povodom razornih zemljotresa koji su pogodili Tursku 06.02.2023. godine. U dopisu je ukratko opisao aktivnosti koje je Gradska općina Ankara poduzela kako bi pomogla žrtvama zemljotresa. Nadalje, naveo je kako smatra da Grad Sarajevo može biti ključan za usmjeravanje ekspertize i neophodnih resursa koji bi pomogli proces obnove i oporavka turskih gradova koji su pogođeni zemljotresom.

Učešće u humanitarnoj kampanji „Teleton”, Sarajevo, 16.03.2023.

Gradonačelnica Grada Sarajeva Benjamina Karić sudjelovala je u „Teleton” humanitarnoj kampanji prikupljanja novca za stradale u zemljotresima u Turskoj i Siriji, koju je organizirala Radiotelevizija Bosne i Hercegovine (BHRT) u saradnji s Udruženjem Pomozi.ba.

Posjeta gradonačelnika Varaždina Nevena Bosilja, Sarajevo, 17.03.2023.

Zamjenica gradonačelnice Anja Margetić Stakić upriličila je u Vijećnici prijem za Nevena Bosilja, gradonačelnika Grada Varaždina i Slađanu Miočić, pročelnicu Upravnog odjela za gospodarske djelatnosti. Tokom susreta iskazan je obostrani interes za razmjenom iskustva i intenzivnijom saradnjom u oblasti kulture, turizma i sporta u vidu konkretnih projekata.

Susret s gradonačelnikom Guangzhoua Guo Yonghangom, Guangzhou (NR Kina), 25.-27.03.2023.

Gradonačelnica Grada Sarajeva je sudjelovala u radu 2. Azijskog foruma mladih lidera (Asia Youth Leaders Forum), koji je u organizaciji Kineske Fondacije „Za mir i razvoj“, Kineske asocijacije za javnu diplomatiju, Narodne vlada općine Guangzhou i Asocijacije mladih lidera Azije, održan u kineskom gradu Guangzhou od 25. do 27.03.2023. godine.

Na margini ovog događaja, gradonačelnica Karić se sastala sa gradonačelnikom Grada Guangzhoua Guo Yonghangom i njegovim zamjenikom, Lai Zhihongom.

Sa generalnim sekretarom Kineske fondacije za mir i razvoj XU Jianguom, razgovarala je o mogućnostima kulturne razmjene gradova i predstavljanju turističke ponude Sarajeva.

Izložba povodom 6. aprila – Dana grada Sarajeva, Sarajevo, 04.04.2023.

Povodom 6. aprila – Dana grada Sarajeva, Turska fondacija „Maarif”, Grad Konya i Općina Seldžuk, u saradnji sa Općinom Stari Grad, organizirali su izložbu radova nastalih na umjetničkim radionicama u „Maarif Schools of Sarajevo” i Mevlevijskom centru. Izložba je bila postavljena u Gazi Husrev-begovom hanikahu u periodu od 04. do 11.04.2023. godine.

Obilježavanje 6. aprila – Dana Grada Sarajeva

Na poziv Grada Sarajeva, Svečanoj sjednici Gradskog vijeća koja je održana povodom 6. aprila – Dana grada Sarajeva, prisustvovale su sljedeće delegacije: Matteo Biffoni, gradonačelnik Prata; Dennis Weilmann, gradonačelnik Wolfsburga; Nihat Biševac, gradonačelnik Novog Pazara i Ensar Škrijelj, pomoćnik gradonačelnika Novog Pazara; Filip Sušac, zamjenik gradonačelnika Vukovara i Ana Lovrić, savjetnica za odnose s javnošću Grada Vukovara; Ksenija Ostriž, zamjenica gradonačelnika Koprivnice i Tomislav Golubić, pročelnik Upravnog odjela za izgradnju grada, upravljanje nekretninama i komunalnog gospodarstva Grada Koprivnice; Jasmin Deraković, potpredsjednik Gradskog vijeća Grada Dubrovnika; Ramazan Kabasakal, šef Odjeljenja za međunarodnu saradnju Grada Ankara; gradske zastupnice Skupštine Grada Zagreba Rada Borić i Davorka Moslavac Forjan; Ashot Hovakimian, ambasador Republike Armenije za BiH.

Gosti Grada Sarajeva bili su i Maja Maričić koja je preuzela priznanje „Počasni građanin Grada Sarajeva” koje je posthumno dodijeljeno Milanu Mladenoviću, te učesnici projekta “Grijanje opkoljenog Sarajeva” Ad Beljaars i Jan van Gaalen, kojima je gradonačelnica Grada Sarajeva uručila zahvalnice 5. aprila.

Priznanje “Počasni građanin Grada Sarajeva” posthumno je dodijeljeno Milanu Mladenoviću, a “Plaketa Grada Sarajeva”, Vincentu Tanu.

Bilateralni sastanak sa gradonačelnikom Wolfsburga Dennisom Wilemannom, Sarajevo, 07.04.2023.

Na margini trodnevnog obilježavanja Dana početka opsade i Dana grada Sarajeva, gradonačelnica Grada Sarajeva Benjaminina Karić susrela se sa gradonačelnikom Wolfsburga Dennisom Weilmannom.

Tokom razgovora gradonačelnica Karić je istakla da je Povelja prijateljstva sa Gradom Wolfsburgom potpisana davne 1985. godine, upravo u vrijeme kada je gradonačelnik Sarajeva bio akademik Kemal Hanjalić, kojem je 6. aprila 2023. na Svečanoj sjednici Gradskog vijeća Grada Sarajeva, uručena Šestoaprilska nagrada Grada Sarajeva“.

Čelnici dva pobratimska grada su razgovarali o jačanju saradnje Sarajeva i Wolfsburga, naročito u oblasti kulture i obrazovanja. „

Prijem Generalnog sekretara Međunarodnog centra „Nizami Ganjavi” Rovshana Muradova, Sarajevo, 13.04.2023.

Generalni sekretar Međunarodnog centra „Nizami Ganjavi“ koji organizuje međunarodni Global Baku Forum, Rovshan Muradov, susreo se sa gradonačelnicom Benjamininom Karić u Vijećnici 13.04.2023. godine.

Tokom razgovora sagovornici su se osvrnuli na učešće u 10. Global Baku Forumu, održanom u martu 2023. godine pod nazivom „Svijet današnjice: izazovi i nade” koji je u azerbejdžanskoj prijestolnici okupio lidere, političare i eksperte iz cijelog svijeta, te omogućio razmjenu iskustava u oblasti energetike, zdravstva, obrazovanja, održivog razvoja i globalne ekonomije.

Sagovornici su se složili da postoji mnogo oblasti za saradnju, kao što su kultura, zaštita kulturno-historijskog nasljeđa, sport i turizam, a s tim u vezi gradonačelnica je predložila da se dva grada međusobno zbliže održavanjem izložbi njihovih umjetnika u Sarajevu i Bakuu.

Službena posjeta gradonačelnice Grada Sarajeva Vatikanu, 19.04.2023.

Gradonačelnica Sarajeva Benjamina Karić boravila je 19.04.2023. godine u službenoj posjeti Vatikanu gdje se susrela sa Svetim Ocem papom Franjom. Gradonačelnica je prilikom susreta istakla da Papina podrška i nastojanja da život i dostojanstvo svih ljudi, bez obzira na vjeru i naciju, budu vrhunska vrijednost i vodilja, čine ga jednom od najvećih figura i autoriteta našeg doba.

U okviru službene posjete Vatikanu gradonačelnica se sastala s vatikanskim tajnikom za odnose s državama mons. Paulom Richardom Gallagherom. Prilikom susreta istakla je da je ova posjeta još jedna potvrda uzajamno dobrih prijateljskih veza, snažne podrške Vatikana miru i stabilnosti, te prosperitetnoj europskoj budućnosti Bosne i Hercegovine i njenog glavnog grada Sarajeva.

Gradonačelnica se u sklopu službene posjete Svetoj stolici, sastala sa ambasadorima u Vatikanu i Italiji, Igorom Žontarom i Slavkom Matanovićem i posjetila obje ambasade, izrazivši zadovoljstvo razgovorom sa diplomatima koji iskreno i otvoreno rade na afirmiranju Bosne i Hercegovine i jačanju njene međunarodne pozicije i veza.

Svečano obilježavanje 20. aprila – Dana grada Novog Pazara, 20.04.2023.

Na poziv gradonačelnika Novog Pazara Nihata Biševca, svečanom obilježavanju 20. aprila – Dana grada Novog Pazara, prisustvovala je delegacija Grada Sarajeva koju su činili gradski vijećnici Enisa Spahić i Bajro Biber.

Posjeta delegacije iz Trenta, 24.04.2023.

Dogradonačelnica Margetić sastala se sa delegacijom Grada Trenta koja je u posjeti glavnom gradu Bosne i Hercegovine.

Svečano obilježavanje Dana grada Vukovara, 02.-03.05.2023.

Na poziv gradonačelnika Vukovara Ivana Penave, svečanom obilježavanju Dana grada Vukovara prisustvovali su gradski vijećnici Biljana Lazarević i Ratko Orozović. U skladu sa programom, delegacija je odala počast polaganjem vijenca kod spomen obilježja na Memorijalnom groblju žrtava iz Domovinskog rata, te je prisustvovala svečanom euharistijskom slavlju u crkvi sv. Filipa i Jakova, te Svečanoj sjednici Gradskog vijeća Grada Vukovara.

Svečano obilježavanje 5. maja – Dana oslobođenja i Dana grada Pule, 04.-06.05.2023.

Na poziv gradonačelnika Pule Filipa Zoričića, svečanom obilježavanju 5. maja – Dana oslobođenja i Dana grada Pule, prisustvovala su zamjenica gradonačelnice Grada Sarajeva Anja Margetić Stakić i gradska vijećnica Enisa Spahić. Pored bogatog kulturno-umjetničkog programa, povodom 78. obljetnice oslobođenja i Dana Grada, održana je Svečana sjednica Gradskog vijeća Grada Pule u okviru koje su laureatima uručene nagrade i priznanja.

Svečano obilježavanje Dana grada Splita i blagdana svetog Duje, Split, 05.-08.05.2023.

Na poziv gradonačelnika Splita Ivica Puljka, svečanom obilježavanju 7. maja – Dana grada Splita i dana zaštitnika grada svetog Duje, prisustvovali su gradski vijećnici Grada Sarajeva, Alem Logo i

Muamer Mekić. Svečanost je obilježena bogatim kulturno-umjetničkim programom te Svečanom sjednicom Gradskog vijeća Grada Splita na kojoj su uručene nagrade laureatima, nagrade za životno djelo, te pojedinačne i kolektivne nagrade.

50. godišnjica bratimljenja Sarajeva i Friedrichshafena 27.-30.04.2023.

Povodom obilježavanja 50. godišnjice pobratimskih veza između Grada Sarajeva i Grada Friedrichshafena delegacija Grada Sarajeva boravila je u tom njemačkom gradu od 27. do 30.04.2023. godine.

Gradonačelnik Friedrichshafena Andreas Brand je 28. aprila u prostorijama Gradske uprave upriličio prijem za delegaciju Grada Sarajeva, tokom kojeg se razgovaralo o prijateljstvu dva grada koje je započelo *Deklaracijom o sporazumu o prijateljstvu i saradnji* potpisanog 1972.godine. Razgovarano je o intenziviranju kontakata i saradnje između gradskih uprava i građana. Delegacija Grada Sarajeva zahvalila je na nemjerljivom doprinosu ovog njemačkog grada i njegovih građana kako u toku, tako i nakon agresije na naš grad i zemlju, a posebno na donacijama koje su pomogle obnovu i opremanje Doma zdravlja „Omer Maslić“.

Tokom boravka, dogradonačelnica Margetić je posjetila plivački klub Friedrichshafen u „Sportbadu“, a u razgovoru sa predstavnicima Gradske uprave Grada Friedrichshafena izražena je obostrana želja za intenziviranjem saradnje u svim poljima od interesa za građane naša dva grada, naročito u oblasti kulture, sporta, turizma i obrazovanja.

Posjeta gradonačelnika Berna, Aleca von Graffenrieda sa delegacijom, 04.05.2023.

Predsjedavajući Gradskog vijeća Grada Sarajeva Jasmin Ademović, zajedno sa svojom zamjenicom Mirelom Džehverović i ministrom privrede Kantona Sarajevo Zlatkom Mijatovićem, upriličio je prijem delegacije Grada Berna koju su činili gradonačelnik Grada Berna Alec von Graffenried sa saradnicima.

Delegacije su razmijenile i informacije o nadležnostima gradova i kantona u dvjema državama.

Predsjedavajući Ademović je predstavio dva koncepta koji mogu biti središta zajedničkih interesa dvaju gradova i polja razvijanja konkretne saradnje. Ukratko je predstavio projekt „Čista rijeka Miljacka“ i naglasio da bi iskustva Grada Berna u realizaciji sličnog projekta u njihovom gradu, sigurno dobro došla Sarajevu. Nadalje je predložio saradnju u segmentu razvijanja projekta pametnog grada te razmjene iskustava u procesu digitalizacije.

U tom smislu, predsjedavajući je predložio, potpisivanje sporazuma o saradnji između Grada Sarajeva i Grada Berna.

Studijsko putovanje City-to-City, Cirihi, Švicarska, 28.05.-02.06.2023.

Grad Cirihi i Projekat urbane transformacije Sarajevo (UTPS) organizovali su za predstavnike Grada Sarajeva studijsku posjetu Cirihi od 28.05. do 02.06.2023. godine. Predstavnici Grada koji su učestvovali su: Velida Mehić, Nermina Suljević i Arijana Musić. Ciljevi studijske posjete su bili: kako olakšati razmjenu između javnih institucija za planiranje, tj. između Grada Ciriha i Sarajeva, upoznati predstavnike Grada Sarajeva o upravljanju urbanističkim planiranjem u Cirihi, posebno o mogućnostima, izazovima i uskim grlima s kojima se suočavaju tokom razrade opštinskog glavnog plana.

Prijem diplomatske i kulturne delegacije Republike Bugarske, Sarajevo, 02.06.2023.

Diplomatska i kulturna delegacija Republike Bugarske predvođena zamjenikom ambasadora Nikolom Nikolovim posjetila je 02.06.2023. godine sarajevsku Vijećnicu. Njihov domaćin bio je

zamjenik gradonačelnice Grada Sarajeva Haris Bašić, a tema razgovora bile su izložbe „Isak Samokovlija“ i „Pozdrav iz Samokova i Čamkurija“, otvorene u galeriji „MAK“ Muzeja književnosti i pozorišne umjetnosti.

Prijem komandantice Nacionalne garde Marylanda Janeen Birckhead, Sarajevo, 19.06.2023.

Gradonačelnica Grada Sarajeva Benamina Karić primila je u Vijećnici general majora Janeen Birckhead, komandanticu Nacionalne garde američke savezne države Maryland.

Tokom prijema, Karić i Birckhead su konstatovale kako je mirno i sigurno okruženje u Bosni i Hercegovini i Sarajevu, temelj za svaki napredak i razvoj. Susret sa komandanticom Birckhead bio je prilika i za razgovor o uspostavljanju saradnje među glavnim gradovima BiH i Maryland, Sarajeva i Annapolisa.

Gradonačelnica Karić istakla da naše zemlje povezuje multikulturalnost, otvorenost, uspješno partnerstvo naših oružanih snaga, dugo dva desetljeća, te naglasila želju da se ti dobri odnosi unaprijede i saradnjom između naših prijestolnica.

U tom kontekstu Karić je predala Nacrt Memoranduma o razumijevanju, kao i poziv za gradonačelnika Annapolisa, Gavina Buckleyja da posjeti glavni grad BiH u vrijeme „Sarajevo film festivala“, kada bi došlo do potpisivanja memoranduma i uspostave konkretne saradnje u oblasti kulture, zdravstva i privrede. Nacrt Memoranduma će biti uručen i guverneru i državnom sekretaru Maryland-a.

Susret sa gradonačelnicom Strasbourga Jeanne Barseghian, Strasbourg, 22.06.2023.

Tokom boravka u Strasbourgu povodom uručjenja Evropske diplome Vijeća Evrope, gradonačelnica Sarajeva Benamina Karić sastala se 22.06.2023. godine sa Jeanne Barseghian, gradonačelnicom Strasbourga. Iz sjedišta Evropskog parlamenta, Vijeća Evrope i Evropskog suda za ljudska prava, zajedno su poslale poruku o važnosti mira, demokratije i zajedništva. Gradonačelnica Karić je istakla da Sarajevo i BiH biraju put zajedničkih vrijednosti: multikulturalnosti, suživota i međureligijskog dijaloga. Naglasila je želju za bržim integrisanjem BiH i njene prijestolnice u evropske strukture, te da se Evropska ideja održava i na lokalnom nivou.

Posjeta gradonačelnika Rima Roberta Gualtierija, Sarajevo, 06.07.2023.

Gradonačelnica Sarajeva Benamina Karić ugostila je u Vijećnici 06.07.2023. godine gradonačelnika Grada Rima Roberta Gualtierija, koji je došao u pratnji direktora Ureda za međunarodne odnose Gabriele Annisa i savjetnika u Uredu za međunarodne odnose Ugo Papija.

Prijemu su prisustvovali predsjedavajući Gradskog vijeća Grada Sarajeva Jasmin Ademović, zamjenica predsjedavajućeg Mirela Džehverović, zamjenica gradonačelnice Anja Margetić Stakić, i ambasador Republike Italije u BiH Marco di Ruzza.

Ovo je bila prva službena posjeta jednog gradonačelnika Rima Gradu Sarajevu.

Karić i Gualtieri su se složili da će zajednički raditi na uvođenju direktne avio-linije Sarajevo-Rim, kako bi u skladu sa svojim mogućnostima realizirali ovu važnu konekciju za naše građane, osnažili turizam i jačali veze naših gradova.

Dogovoreno je održavanje „Dana Sarajeva u Rimu“, u sklopu kojih će biti predstavljeni kultura, umjetnost i gastronomija, te obje prijestolnice promovirane kao UNESCO gradovi filma.

Ceremonija otvorenja 74. Dubrovačkih ljetnih igara, Dubrovnik, 10.07.2023.

Na poziv gradonačelnika Dubrovnika Mate Frankovića, gradski vijećnici Vedad Deljković i Srđan Simonović, prisustvovali su otvorenju Dubrovačkih ljetnih igara koje su obilježavale 74 godine od

svog utemeljenja. Od 10. jula do 27. augusta Dubrovnik je bio dom umjetnosti i pozornica na kojoj su se priređivale raznovrsne kvalitetne dramske, plesne i glazbene izvedbe.

Grad Sarajevo uvodi sistem upravljanja kvalitetom u javnoj upravi po uzoru na Beč, 13.07.2023.

U sklopu uvođenja novog programa za upravljanje kvalitetom u institucijama javne uprave (CAF) uposlenici Gradske uprave Grada Sarajeva prisustvovali su stručnoj radionici bečkog Centra za administrativna istraživanja KDZ. Radionica je održana u prostorijama Ureda Grada Beča.

Pomoćnica gradonačelnice za održivi razvoj Nermina Suljević, istakla je tom prilikom da Grad Sarajevo ima dugogodišnju uspješnu saradnju s Gradom Bečom koju realiziramo uz pomoć Ureda Grada Beča u Sarajevu, te da se koristi svaka prilika da se dobre prakse iz Beča preslikaju u Sarajevo. Naglasila je da je uvođenje CAF metodologije od velikog značaja za Sarajevo, te izrazila nadu da će Grad Sarajevo uspješnom implementacijom ovog modela uprave biti primjer dobre prakse i inspiracija i drugim jedinicama lokalne samouprave da koriste ovaj alat.

Svečano otvorenje 70. Pulskog filmskog festivala, Pula, 15.07.2023.

Na poziv direktorice Pulskog filmskog festivala Tanje Miličić, zamjenica gradonačelnice Grada Sarajeva Anja Margetić Stakić, prisustvovala je svečanom otvorenju 70. Pulskog filmskog festivala, koje je održano u areni 15.07.2023. godine. Nakon svečanog otvorenja, Festival je otvorio film *Hotel Pula* redatelja Andreja Korovljeva. Pulski filmski festival je najveći filmski festival u Hrvatskoj te najposjećenija kulturna manifestacija te zemlje.

Svečano otvorenje izložbe „Pranje mozga – Brainwash“, Collegium artisticum, 19.07.2023.

U okviru međunarodne saradnje Grada Pule i Grada Sarajeva, Hrvatsko društvo likovnih umjetnika Istre (HDLU) u saradnji sa Gradom Sarajevom i Javnim ustanovom „Collegium artisticum“ Sarajevo, organiziralo je selektivnu tematsku izložbu „Pranje mozga – Brainwash“ koja je bila otvorena od 19. jula do 8. augusta 2023. godine.

Svečano otvorenje izložbe istarskih umjetnika održano je u Galeriji Collegium artisticum 19.07.2023. godine. Izložbu je otvorila gradonačelnica Sarajeva Benjamina Karić koja je kazala da je ovaj zajednički umjetnički projekat gradova Sarajeva i Pule, poput filmskih festivala dva grada, dao posebnu notu odličnim bratskim i partnerskim vezama.

Prijem delegacije Opštine Ulcinj, Sarajevo, 21.07.2023.

Zamjenica gradonačelnice Grada Sarajeva Anja Margetić Stakić primila je delegaciju Opštine Ulcinj, predvođenu predsjednikom Omerom Bajraktarijem. Tokom susreta u Vijećnici, sagovornici su najavili uspostavljanje saradnje između dva grada. Također su se složili da postoje svi preduvjeti za razmjenu ideja i inicijativa na konkretnim projektima u oblasti turizma, kulture, očuvanju kulturno-historijskog naslijeđa, privrede.

Predstavnici Ulcinja boravili su u Sarajevu u cilju prezentacije projekata na Prvom sajmu nekretnina – Bosnia Property Show 2023. na trgu ispred ARIA centra koji je okupio širok spektar renomiranih izlagača iz Turske, Hrvatske, Srbije, Crne Gore, Bahrajna i BiH.

Službena posjeta Gradu Kairu, 29.07.-01.08.2023.

Na poziv guvernera Kaira Khaleda Abdel Aala, gradonačelnica Sarajeva Benjamina Karić i sekretar Gradske uprave Aida Bajramović boravile su u glavnom gradu AR Egipat, gdje su 30.07.2023. godine gradonačelnica Sarajeva i guverner Kaira potpisali Memorandum o razumijevanju.

Ceremonija otvaranja 29. Sarajevo Film Festivala, 11.08.2023.

Ceremoniji otvaranja 29. Sarajevo Film Festivala, koja je održana 11.08.2023. godine, prisustvovali su gradonačelnici Pule – Filip Zoričić, Sanliurfe – Zeynel Abidin Beyazgül, Novog Pazara – Nihat Biševac, Sofije – Yordanka Fandakova, Collegna – Francesco Casciano, Ogulina – Dalibor Domitrović, Goražda – Ernest Imamović, Mostara – Mario Kordić, zatim predsjednik Gradske skupštine Grada Zagreba Joško Klisović, šef Kancelarije za normativno-pravne poslove i javne nabavke Grada Cetinja Marko Brnović, direktorica Auschwitz Instituta za prevenciju genocida i masovnih zločina Gabriella Ghindea sa zamjenikom.

Prijem gradonačelnika Collegna Francesca Casciana, 10.08.2023.

Gradonačelnik pobratimskog Grada Collegna Francesco Casciano, koji je bio gost Grada Sarajeva povodom ceremonije otvorenja 29. Sarajevo Film Festivala, sastao se s gradonačelnicom Sarajeva u Vijećnici 10.08.2023. godine. Tokom susreta razgovarano je o 25 godina dugoj saradnji između naša dva grada.

U čast 25. godišnjice pobratimstva, gradonačelnik Collegna je poklonio Gradu Sarajevu maslinu – „drvo prijateljstva i mira” i plaketu kojom se obilježava ovaj značajni jubilej sa zajedničkom porukom: „Unire le citta per unire i popoli“ – „Ujedinjavanje gradova za ujedinjenje naroda“. Gradonačelnici Karić i Casciano, zasadili su „drvo prijateljstva i mira” u Botaničkoj bašti Zemaljskog muzeja BiH.

Prijem gradonačelnika Sanliurfe i potpisivanje Sporazuma o bratimljenju, 11.08.2023.

Gradonačelnik Şanlıurfe Zeynel Abidin Beyazgül, koji je u Sarajevu boravio povodom svečanog otvorenja 29. Sarajevo Film Festivala susreo se s gradonačelnicom Sarajeva Benjaminom Karić u Vijećnici 11.08.2023. godine. Tom prilikom, gradonačelnici Sarajeva i Şanlıurfe ukazali su na važnost razvijanja kulturnih, ekonomskih i drugih odnosa dva grada, u skladu sa tradicionalnim prijateljstvom naroda Turske i Bosne i Hercegovine.

Potom je, u skladu sa Odlukom Gradskog vijeće Grada Sarajeva o davanju saglasnosti gradonačelnici Grada Sarajeva za potpisivanje Sporazuma o bratimljenju između Grada Sarajeva i Grada Şanlıurfu, usvojenom na 14. sjednici održanoj 04.04.2022. godine, uslijedilo potpisivanje Sporazuma od strane dva gradonačelnika.

Prijem predsjednika Gradske skupštine Grada Zagreba Joška Klisovića, 11.08.2023.

Predsjedavajući Gradskog vijeća Grada Sarajeva Jasmin Ademović i zamjenik gradonačelnice Grada Sarajeva Samir Avdić, primili su u Vijećnici 11.08.2023. delegaciju Gradske skupštine Grada Zagreba, koju su činili predsjednik Joško Klisović i pročelnica Stručne službe Mirjana Lichtner.

Tokom susreta razgovarano je o raznim temama, među kojima je nastavak projekta za djecu iz porodica koje se nalaze u stanju socijalne potrebe, a koji bi besplatno išli na ljetovanja u odmaralište u Novom Vinodolskom, kao što bi i djeca iz porodica koji se nalaze u stanju socijalne potrebe iz Zagreba zimovala na sarajevskim olimpijskim planinama.

Razgovarano je o obnovi sporazuma o saradnji između Grada Sarajeva i Grada Zagreba koji je potpisan 02.04.2001. godine.

Prijem gradonačelnice Sofije Yordanke Fandakove, 12.08.2023.

Gradonačelnica Sofije Yordanka Fandakova, koja je u Sarajevu boravila povodom svečanog otvaranja 29. Sarajevo Film Festivala, bila je gost gradonačelnice Sarajeva Benjamine Karić 12.08.2023. godine.

Sarajevo i Sofija dijele članstvo u Mreži kreativnih gradova UNESCO-a i domaćini su renomiranih filmskih festivala, a Memorandumom o saradnji potpisanim u februaru prošle godine, uspostavljen je snažan temelj za izgradnju kvalitetnih odnosa gradova i građana.

Gradonačelnice su razgovarale o brojnim temama, uključujući infrastrukturne projekte među kojima su projekat „Čista rijeka Miljacka”, izgradnja metroa u Sofiji, otpadne vode, edukacija i zelene politike.

Prijem rukovodeće vijećnice Grada Beča Veronice Kaup-Hasler, 16.08.2023.

Zamjenik gradonačelnice Sarajeva Samir Avdić primio je 16.08.2023. rukovodeću vijećnicu Grada Beča za kulturu i nauku Veronicu Kaup-Hasler, koja je došla u pratnji zamjenika austrijske ambasadorice u BiH Dominika Uraka.

Tokom susreta razgovarano je o tradicionalno dobrim vezama između Grada Sarajeva i Grada Beča, te brojnim projektima saradnje koji doprinose boljem upoznavanju i učvršćenju prijateljskih veza naših gradova.

Kaup-Hasler je govorila o digitalnom humanizmu, koji za cilj ima da ljudi budu u centru digitalnog razvoja i da se tehnologija koristi za dobrobit građana, te o važnosti zastupljenosti žena, kako u zajednici, tako i oblasti naučnog istraživanja.

Bilateralni susret gradonačelnika Zagreba i Sarajeva, Sarajevo, 18.08.2023.

Gradonačelnik Zagreba Tomislav Tomašević, koji je boravio u Sarajevu povodom ceremonije zatvaranja 29. Sarajevo Film Festivala, sastao se s gradonačelnicom Sarajeva Benjaminom Karić u Vijećnici 18.08.2023. godine.

Tokom susreta razgovarano je u unaprijeđenju saradnje bosanskohercegovačke i hrvatske prijestolnice, Sarajeva i Zagreba, koja traje više od dvije decenije. Razmijenjene su ideje o simboličnoj sadnji drveta prijateljstva u Zagrebu i Sarajevu.

Najavljen je i nastavak tradicije ljetovanja djece slabijeg imovinskog statusa iz Sarajeva na Jadranu u Novom Vinodolskom i zimovanja djece slabijeg imovinskog statusa iz Zagreba u Sarajevu.

Obilježavanje 79. godišnjice oslobođenja grada Prata, Prato, 06.-09.09.2023.

U povodu obilježavanja 79. godišnjice oslobođenja grada Prata i historijske parade „Corteggio Storico 2023”, zamjenica predsjedavajućeg Gradskog vijeća Mirela Džehverović i gradske vijećnice Biljana Lazarević, Enisa Spahić i Lajla Ćosović boravile su u službenoj posjeti ovom gradu.

Delegacija Grada Sarajeva prisustvovala je protokolarnim događajima iz programa obilježavanja ove manifestacije te, između ostalog, prezentaciji projekta „Zajedno za budućnost Evrope”, „Maršu mira“, kao i obilježavanju 35. godišnjice bratimljenja sa gradovima Ebensee, Wangen, te ceremoniji sadnje drveća u Giardino La Querce.

Tokom susreta s delegacijom Grada Sarajeva, gradonačelnik Prata Matteo Biffoni se zahvalio što Grad Sarajevo njeguje dugogodišnje pobratimske veze sa Gradom Pratom te izrazio zadovoljstvo što su te veze još više ojačale u njegovom desetogodišnjem mandatu.

Pijem delegacije kineskog grada Guangzhou, 08.09.2023.

Zamjenik gradonačelnice Sarajeva Samir Avdić primio je 08.09.2023. godine u Vijećnici višečlanu delegaciju kineskog grada Guangzhou koju je predvodio ministar za javnost Du Xinshan. Izrazivši gostima dobrodošlicu u glavni grad BiH, gdje borave po prvi put, dogradonačelnik Avdić naglasio je važnu ulogu gradova u međunarodnoj saradnji, te posebno izdvojio odličnu saradnju i prijateljstvo Sarajeva sa Tjencinom i Pekingom.

Tokom susreta izražena je zajednička želja za uspostavljanjem i jačanjem odnosa dva grada u oblasti turizma i kulture, sa posebnim naglaskom na filmsku industriju.

Sastanku je prisustvovao i direktor Sarajevo Film Festivala Jovan Marjanović, pa je bilo riječi i o uspostavljanju partnerskih veza i kontakata dva grada preko Sarajevo Film Festivala i Guangzhou Međunarodnog festivala dokumentarnog filma.

Zatvaranje izložbe „Sarajevo 1992-1996. Najduža opsada”, Rovereto, 07.-10.09.2023.

Zamjenica gradonačelnice Sarajeva Anja Margetić Stakić, u italijanskom gradu Rovereto, prisustvovala je svečanosti zatvaranja izložbe fotografija pod nazivom „Sarajevo 1992-1996. Najduža opsada”.

Dogradonačelnica Margetić se u svom obraćanju zahvalila velikom prijatelju Sarajeva, autoru izložbe, ratnom fotoreporteru Mariu Bocci, koji se svojim fotografijama želio dostojanstveno i s poštovanjem prisjetiti građanki i građana Sarajeva, čije je sudbine obilježila četverogodišnja opsada grada. Margetić se u Roveretu, koji nosi titulu grada mira, susrela sa Giuliom Robol, zamjenicom gradonačelnika i Ariannom Miorandi, vijećnicom zaduženom za međunarodne odnose i evropske projekte. Složile su se da je ovo divan početak buduće zajedničke saradnje dva grada.

Obilježavanje Dana opštine Bogatić (Republika Srbija), 10.-11.09.2023.

Gradski vijećnik Almedin Miladin prisustvovao je obilježavanju Dana opštine Bogatić 10.09.2023. godine. Tokom boravka, Miladin je s predsjednikom Opštine Milanom Damjanovićem razgovarao o uspostavljanju uže saradnje koja će biti fokusirana na projekte prekogranične saradnje koji se finansiraju sredstvima Evropske Unije, a koji imaju za cilj promociju i zaštitu ljudskih prava osoba sa invaliditetom poboljšanjem njihovog zapošljavanja pružanjem novih znanja i vještina, što će doprinijeti sveukupnom unaprjeđenju njihovog položaja i kvaliteta života.

Dogovoreno je da Grad Sarajevo i Opština Bogatić potpišu sporazum o saradnji u predstojećem periodu.

Službena posjeta Gradu Innsbrucku, 12.-13.09.2023.

Gradonačelnica Sarajeva Benjamina Karić, na poziv gradonačelnika Georga Willia, boravila je u službenoj posjeti pobratimskom Gradu Innsbrucku, svjetski priznatom skijaškom centru.

Innsbruck ima sedam gradova pobratima – uključujući glavni grad Bosne i Hercegovine. Dva grada su povezana od 1980. godine

Tokom susreta razgovarano je o dugogodišnjem partnerstvu koje je rezultiralo mnogim vidovima saradnje – od zajedničkih umjetničkih aktivnosti sa školskom djecom iz naša dva grada, studentima iz Sarajeva koji studiraju u Innsbrucku, do podrške u vidu donacije vatrogasnih i spasilačkih vozila iz Innsbrucka. Gradonačelnica se sastala i sa članovima Bošnjačkog kulturnog centra u Innsbrucku.

Prijem direktora Međunarodnog sajma privrede i investicija SEE INVEST EXPO, 12.09.2023.

Međunarodni sajam privrede i investicija SEE INVEST EXPO, koji će se 2024. godine održati u Kragujevcu, prilika je da se predstavi Grad Sarajevo sa svojim privrednim i ekonomskim potencijalima. Poziv za učešće Grada Sarajeva stigao je od organizatora – Grada Kragujevca, Šumadija sajma i Regionalne agencije za ekonomski razvoj Šumadije.

Tim povodom zamjenik gradonačelnice Sarajeva Samir Avdić primio je u Vijećnici 12.09.2023. direktora Sajma Aleksandra Štajna, s kojim je razgovarao o konceptu i benefitima ove prestižne dvodnevne sajamske manifestacije u regionu i šire.

Obilježavanje Dana Grada Ogulina, 14.09.2023.

Na poziv gradonačelnika Dalibora Domitrovića i predsjednika Gradskog vijeća Marinka Hermana, obilježavanju Dana Grada Ogulina 14.09.2023. godine, prisustvovao je gradski vijećnik Ratko Orozović. U okviru programa, položen je vijenac na Trgu hrvatskih rodoljuba te je održana Svečana sjednica Gradskog vijeća Grada Ogulina.

Prijem delegacije Grada Gorontalo iz Republike Indonezije, Sarajevo, 18.09.2023.

Zamjenici gradonačelnice Sarajeva, Samir Avdić i Anja Margetić Stakić, ugstili su u Vijećnici 18.09.2023. delegaciju Grada Gorontalo iz Republike Indonezije na čelu sa dogradonačelnikom Ryan Fachrisan Konom. Prijemu su prisustvovali i predstavnici Ambasade Indonezije u BiH.

Dogradonačelnik Avdić je naglasio otvorenost Grada Sarajeva za saradnju i partnerstvo, te da je potencijal u realizaciji brojnih projekata u oblasti privrede i kulture, a posebno u oblasti turizma.

Dogradonačelnik Kono zahvalio je na dobrodošlici i prijemu, te izrazio uvjerenje da će ova posjeta Sarajevu otvoriti nova vrata budućoj saradnji i izgradnji bolje kvalitete života naših građana.

Prijem delegacije Direkcije Grada Istanbula za obnovu Bosfora, Sarajevo, 21.09.2023.

Zamjenik gradonačelnice Samir Avdić primio je delegaciju Direkcije Grada Istanbula za obnovu Bosfora, Tolunay Çebi i Sezin Karcan Kaya, u Vijećnici 21.09.2023.

Sagovornici su istakli da je zajednički cilj ojačati tradicionalno bliske pobratimske veze koje traju skoro tri decenije, s posebnim fokusom na oblast urbanog planiranja. Razgovarali su o aktuelnim infrastrukturnim projektima bosanskohercegovačke prijestolnice, unaprjeđenju kvalitete javnog prostora, hortikulturnog uređenja, ali i zaštiti kulturnog naslijeđa, pri čemu je dogradonačelnik Avdić istakao otvorenost Grada da usvoji dobra rješenja i prakse prijateljske Turske.

Grad Magdeburg odao počast žrtvama i preživjelim opsade Sarajeva 92.-96., septembar 2023.

Gradsko vijeće Magdeburga, na inicijativu Frakcije Die Linke i Frakcije FDP/Stranka za zaštitu životinja, na sjednici održanoj 17.08.2023. godine donijelo je odluku da se u Staroj Gradskoj vijećnici – u dvorani posvećenoj pobratimskim gradovima – postavi baner sa tekstom kojim će se odati počast žrtvama i preživjelim opsade Sarajeva od 1992. do 1996. godine.

Na istoj sjednici, Gradsko vijeće Magdeburga usvojilo je i inicijativu za odavanje počasti žrtvama Zaporozja, ukrajinskog grada s kojim Grad Magdeburg ima uspostavljene pobratimske odnose od 2008. godine.

Posjeta delegacije Grada Friedrichshafena – obilježavanje 50. godišnjice pobratimskih veza, 19.-22.10.2023.

Povodom obilježavanja 50. godišnjice pobratimskih veza između Grada Sarajeva i Grada Friedrichshafena, delegacija Grada Friedrichshafena, predvođena zamjenikom gradonačelnika Dieterom Stauberom i predsjednikom Udruženja „Pro Sarajevo“ Zoranom Arvajom, boravila je u Sarajevu u periodu od 19. do 22.10.2023. godine.

Zamjenici gradonačelnice Sarajeva, Anja Margetić Stakić i Samir Avdić, ugodili su delegaciju u Vijećnici 20. oktobra, te je tokom prijema razgovarano je o osvjedočenom prijateljstvu koje dva grada nastavljaju dostojanstvenim obilježavanjem ovog značajnog jubileja, ali i konkretnom saradnjom na obostrano zadovoljstvo.

Dana 21.10.2023. godine, uz prigodan kulturno-umjetnički program, obilježena je 50. godišnjica pobratimskih veza između Sarajeva i Friedrichshafena. Zvanicama su se prigodnim govorima obratili zamjenica gradonačelnice Sarajeva Margetić Stakić, zamjenik gradonačelnika Friedrichshafena Stauber i predsjednik Udruženja „Pro Sarajevo“ Arvaj.

Bilateralni susret sa gradonačelnikom Brisela, Philippe Closeom, Brisel, 15.11.2023.

Na margini Kijev Investment Foruma koji se održavao u Briselu 16.11.2023. godine, gradonačelnik Brisela Philippe Close upriličio je bilateralni susret sa predsjedavajućim Gradskog vijeća Grada Sarajeva Jasminom Ademovićem 15.11.2023. godine.

Tokom susreta razgovaralo se, između ostalog, i o napretku Bosne i Hercegovine na evropskom putu, te iskazanom interesu i podršci Brisela BiH za ulazak u Evropsku uniju. Predsjedavajući Ademović upoznao je domaćina s aktuelnim projektima Grada Sarajeva, a gradonačelnik Brisela je poseban interes iskazao za projekt obilježavanja 40. godišnjice ZOI 1984 i ponudio gostoprimstvo Gradu Sarajevu za buduće aktivnosti pri lobiranju za domaćinstvo Zimskih olimpijskih igara mladih 2032. godine. Također, ponudio je svu pomoć i podršku pred tijelima Evropske komisije, s ciljem stvaranja uslova za realizaciju Projekta „Tech4Green“ na Vidikovcu, a posebno opremanja kompjuterom visokih performansi (HPC).

Potpisan Memorandum o razumijevanju između Grada Sarajeva i Grada Annapolisa, 16.11.2023.

Prilikom radne posjete ministra odbrane Bosne i Hercegovine Saveznoj američkoj državi Maryland i susreta sa najvišim civilnim i vojnim zvaničnicima u njenom glavnom gradu Annapolisu 13.04.2023., inicirano je da se 20 godina uspješna partnerska saradnja između oružanih snaga naše dvije države u okviru Programa državnog partnerstva, proširi i na civilni nivo, te je s tim u vezi predloženo uspostavljanje saradnje između Grada Sarajeva i Grada Annapolisa.

U okviru svečanog obilježavanja 20. godišnjice Programa državnog partnerstva između Bosne i Hercegovine i Nacionalne garde Maryland, koje je održano je u Annapolisu, 16.11.2023. godine, gradonačelnica Sarajeva Benjamina Karić se online putem obratila zvanicama koje su činili guverner Marylanda, članovi vojnog rukovodstva Nacionalne garde Maryland, predstavnici Oružanih snaga Bosne i Hercegovine, Ministarstva odbrane BiH, Ambasade Bosne i Hercegovine u SAD-u, Vanjsko-trgovinske Komore BiH, bh. dijaspore, delegacija Estonije i pobratimskih gradova Marylanda.

Povodom ove svečanosti, gradonačelnici dva grada potpisali su Memorandum o razumijevanju između Grada Sarajeva i Grada Annapolisa.

Obilježavanje Dana sjećanja na žrtvu Vukovara 1991.-2023., Vukovar, 17.-18.11.2023.

Obilježavanju Dana sjećanja na žrtvu Vukovara 1991.-2023., koje je pod sloganom „Vukovar – moj izbor i u dobru i u zlu“, održano u periodu od 17. do 18.11.2023. godine, prisustvovali su gradski vijećnici, Biljana Lazarević i Vedran Dodik.

Prijem delegacije Nacionalne zajednice Bošnjaka Istre, Sarajevo, 17.11.2023.

Delegaciju Nacionalne zajednice Bošnjaka Istre, primio je zamjenik gradonačelnice Samir Avdić 17.11.2023. godine. Gosti su predstavili dosadašnji rad Nacionalne zajednice Bošnjaka Istre i plan rada za 2024. godinu, a razgovarano je o bilateralnoj kulturnoj i ekonomskoj saradnji Hrvatske i BiH, te o unaprjeđenju kulturne saradnje između dva pobratimska grada, Sarajeva i Pule.

Dan opštine Kotor – 21.11.2023.

Toni Vukadin, gradski vijećnik Grada Sarajeva prisustvovao je na Svečanoj sjednici povodom obilježavanja Dana opštine Kotor. Organiziran je poseban prijem za delegacije prijateljskih gradova: Pule, Prerova, Ohrida, Mostara, Beograda, Gaziantepa, Segedina.

Prijem gradonačelnika Grada Hataya Lütfü Savaşa, Sarajevo, 23.11.2023.

Grad Sarajevo je bio domaćin dvodnevne 19. Generalne skupštine Mreže mediteranskih gradova „MedCities“, koja je okupila brojne gradonačelnike i predstavnike gradova članica. Jedan od učesnika bio je i gradonačelnik turskog Grada Hataya Lütfü Savaş kojeg su u sarajevskoj Vijećnici 23.11.2023. godine na bilateralnom sastanku ugostili dogradonačelnik Samir Avdić i predsjedavajući Gradskog vijeća, Jasmin Ademović.

Sagovornici su istakli važnost uspostavljanja jače saradnje gradova, njegujući tradicionalno dobru saradnju Bosne i Hercegovine i njene prijestolnice sa Republikom Turskom.

Dan oslobođenja Bara 24.11.2023.

Gradski vijećnici Bajro Biber i Enisa Spahić, su kao predstavnici Grada Sarajeva prisustvovali Danu oslobođenja Bara. Predsjednika Opštine Bar je organizirao prijem za delegacije gradova pobratima i ostalih gostiju. Pored svečane sjednici Skupštine Bara, položeno je cvijeće na mjestu nekadašnjeg koncentracionog logora na Topolici.

Obilježavanje 25. novembra – Dana državnosti BiH

U okviru obilježavanja 25. novembra – Dana državnosti Bosne i Hercegovine, delegacija Grada Sarajeva, predvođena gradonačelnicom Karić i dogradonačelnikom Samirom Avdićem, položila je cvijeće i odala počast poginulim braniocima države Bosne i Hercegovine i njenog glavnog grada na spomen-obilježjima.

U posjeti Gradu Sarajevu na ovaj veliki dan bili su i predstavnici Grada Izmir i turske Općine Karšijaka, koji su položili vijence na spomen-obilježjima Vječna vatra, Kovači i Spomen obilježje ubijenoj djeci opkoljenog Sarajeva 1992.-1995.

Svečanoj akademiji koja je održana u Vijećnici ovim povodom, prisustvovali su predsjednik Bošnjačkog nacionalnog vijeća Sjeverne Makedonije i predsjednik Bošnjačkog demokratskog saveza Sjeverne Makedonije, kao i navedena delegacija Grada Izmir i Općine Karšijaka.

Prijem gradonačelnika Novog Pazara Nihata Biševca, 27.11.2023.

Gradonačelnica Sarajeva Benjamina Karić primila je gradonačelnika Novog Pazara u tehničkom mandatu Nihata Biševca.

Razgovarano je o tradicionalno dobrim odnosima koji vežu naša dva grada i njihove građane, te je izražena obostrana želja za unaprjeđenje saradnje budućim zajedničkim projektima.

Uzvratna izložba Collegium Artisticuma u Puli, 01.12.2023.

Gostujuća izložba u sklopu međunarodne kulturne saradnje gradova Sarajeva i Pule organizirana je povodom obilježavanja 10. godišnjice pobratimskih odnosa između Grada Sarajeva i Grada Pule. Organizatori izložbe su Grad Sarajevo, Grad Pula, JU „Collegium artisticum“ Sarajevo, Udruženje likovnih umjetnika primijenjenih umjetnosti i dizajnera u Bosni i Hercegovini i Hrvatsko društvo likovnih umjetnika Istre.

Posjeta Pitera Vagnera, člana delegacije Evropske Unije, 01.12.2023.

Gradonačelnica Sarajeva Benjamina Karić ugostila je danas u Vijećnici Pitera Vagnera, koji je kao član delegacije Evropske unije, u službenoj posjeti Ministarstvu odbrane BiH. Razgovarano je o putu BiH u Evropsku uniju i NATO, što bi doprinijelo sigurnosti, političkoj stabilnosti i većem investiranju.

Posjeta delegacije Grada Sarajeva Zagrebu, 01.-03.12.2023.

Gradonačelnica Sarajeva Benjamina Karić i predsjedavajući Gradskog vijeća Jasmin Ademović boravili su u dvodnevnoj posjeti prijateljskom Zagrebu od 01-03.12.2023.godine. Delegacija Grada Sarajeva je na poziv zagrebačkog gradonačelnika Tomislava Tomaševića prisustvovala na otvorenju Adventa. Gradonačelnica Karić je imala bilateralni susret sa kolegom Tomaševićem, s kojim je razgovarala o temama važnim za gradove na čijem su čelu. Nakon svečanog otvaranja Adventa, gradonačelnica Karić i predsjedavajući Ademović posjetili su Božićni humanitarni diplomatski bazar na poziv uvažene ambasadorice BiH u Republici Hrvatskoj, Elme Kovačević-Bajtal.

Posjeta učenika Srednje muzičke škole iz Kotora, 08.-10.12.2023.

Grad Sarajevo je ugostilo profesore i učenike Srednje muzičke škole „Vida Matjan“ iz Kotora ,u periodu od 08.-10.12.2023.godine te su prisustvovali generalnoj probi i premijeri opere Đakoma Pučinija „Madam Baterflaj“ u Narodnom pozorištu.

Posjeta Direkcije za klimatske promjene Grada Istanbula, 18.-20.12.2023.

Grad Sarajevo bio je domaćin delegaciju iz Istanbula koju su činili predstavnici Grada Istanbula, Turskog vijeća za zelenu gradnju CEDBIK, te kompanija Florowise i Demir Enerji, a na temu Net Zero Misije. Tokom posjete, predstavljen je pilot projekat Grada Istanbula "Build 4 GreenIST" i Vodič za prijelaz na zelenu i karbon neutralnu gradnju. Održani su sastanci sa Radnom grupom Kantona Sarajevo za Net Zero misiju, sa koordinatorima za Net Zero Misiju, te predstavnicima projekta Urban Transformation Project Sarajevo (UTPS).

Obilježavanje Dana Podgorice, 19.12.2023.

Na poziv gradonačelnice Podgorice, gđe Olivera Injac, gradski vijećnik Ratko Orozović prisustvovao je proslavi 19. decembra – Dana grada Podgorice. Nakon polaganja vijenaca na spomeniku Partizanu borcu na Gorici, održana je svečana Sjednica u Crnogorskom narodnom pozorištu te se pored gradonačelnice Podgorice prisutnima obratio i predsjednik države Jakov Milatović.

Službena posjeta gradonačelnice Istanbulu, 20.-22.12.2023.

Službena posjeta Gradu Istanbulu tokom koje je održan intervju, zajedno sa gradonačelnikom Istanbula Ekremom Imamogluom, za Centralni dnevnik Face TV koji je emitiran iz pobratimskog grada Istanbula.

➤ MEĐUNARODNI SKUPOVI

71. Nacionalni molitveni doručak, Washington, 01. i 02.02.2023.

Na poziv Kongresa Sjedinjenih Američkih Država, delegacija Grada Sarajeva koju su činili gradonačelnica Benjamina Karić, predsjedavajući Gradskog vijeća Jasmin Ademović, i šef Odjeljenja za kabinetske poslove Stručne službe za poslove Gradskog vijeća Amir Vrca, prisustvovali su 71. Nacionalnom molitvenom doručku, održanom u Washingtonu 01. i 02.02.2023. godine.

Tokom boravka u Washingtonu, delegacija Grada Sarajeva je imala priliku razgovarati sa Koenom Davidseom, izvršnim direktorom Svjetske banke (World Bank) u njenom sjedištu u Washingtonu. Gradonačelnica se zahvalila na interesu Svjetske banke za razvoj Sarajeva i infrastrukturne projekte koji se odvijaju u tom gradu.

Potom je uslijedio susret sa Paulom McCarthyem, direktorom Međunarodnog republikanskog instituta (IRI) za Evropu i njegovom zamjenicom Elisabeth Montgomery, sa kojima je razgovarano o uspješnim praksama na gradskom i kantonalnom nivou, položaju i osnaživanju mladih i žena u političkim partijama kao i iskustvima istih na odgovornim funkcijama, te saradnji gradova na Zapadnom Balkanu

U studiju Glasa Amerike (Voice of America), gradonačelnica je govorila o posjeti Washingtonu i pozivu na molitveni doručak.

Prilikom susreta sa kongresmenom Joe Wilsonom koji se posebno interesuje i bavi pitanjima vanjske politike u Zastupničkom domu Kongresa SAD-a, još jednom je potvrđena opredijeljenost američkih zakonodavaca ujedinjenoj, multietničkoj i suverenoj BiH, te podrška SAD na njenom putu u euroatlantske integracije kao najvažnijem vanjskopolitičkom cilju.

Delegacija Grada Sarajeva se sastala sa gradonačelnicom Washingtona, glavnog grada SAD, Muriel Bowser. Time su po prvi put i zvanično uspostavljene veze između Sarajeva i Washingtona, sa ciljem povezivanja naših gradova, otvaranjem brojnih mogućnosti za saradnju u različitim oblastima, razmjenom informacija i iskustva u obostranom interesu.

Također, delegacija se sastala i sa predstavnicima bh dijaspore Bheart.

Boravak u Washingtonu okončan je sastankom sa predstavnicima Marshall Legacy Institute (MLI) i U.S. Department of State, sa kojima je razgovarano o uspjesima projekta „Sarajevo bez mina 2020“ kao i budućim prilikama za saradnju na deminiranju i oslobađanju prostora od mina i drugih neeksplozivnih sredstava u Bosni i Hercegovini.

Tokom prijema, delegacija Grada Sarajeva je svojim domaćinima, izvršnoj direktorici MLI-a Elise Becker, direktorici Ureda za uklanjanje i smanjenje oružja Karen Chandler i njihovim saradnicima, predstavila aktivnosti Gradskog vijeća i aktuelne projekte Grada Sarajeva.

Sajam Christmasworld, Frankfurt/Main, 04.-06.02.2023.

Na poziv francuske grupacije Blachere Illumination – predstavništvo u R Hrvatskoj, pomoćnik gradonačelnice Elvir Hadžiahmetović i Merima Hadžiabdić, šefica Odsjeka u Službi za lokalno poslovanje koja je realizirala projekat Praznično ukrašavanje u gradu Sarajevo, boravili su u Frankfurtu/Main, SR Njemačka, povodom Sajma Christmasworld, u periodu 04.-06.02.2023. godine. Obzirom da su dizajneri Blachere Illumination specijalizirani za inovativni dizajn svjetlosnog ukrašavanja ulica, trgova, gradova, izrazili su spremnost za pripremu idejnih rješenja za potrebe Grada Sarajeva na besplatnoj osnovi.

Radionica „Mreže snažnih gradova“, Sarajevo, 08.-09.02.2023.

„Mreža snažnih gradova”, nezavisna globalna mreža koja okuplja više od 160 gradova, bila je organizator dvodnevne radionice na temu borbe protiv terorizma, u periodu od 08. do 09.02.2023. Zamjenica gradonačelnice Anja Margetić Stakić sudjelovala je na radionici u okviru koje su gradski čelnici i predstavnici vlada iz zemalja cijelog regiona, razgovarali o mjerama koje se mogu poduzeti na lokalnom nivou, ali i iz perspektive državne sigurnosti.

Inicijalna radionica programa „Žensko političko rukovodstvo“ Cape Town, 15.-17.02.2022.

Zamjenica gradonačelnice Anja Margetić Stakić sudjelovala je na inicijalnoj radionici programa „Žensko političko vodstvo“ na poziv Švedske agencije za međunarodnu razvojnu suradnju (SIDA) i Švedskog međunarodnog centra za lokalnu demokraciju (ICLD). Ova radionica je održana u Western Capeu (Južnoafrička Republika) u periodu od 15. do 17.02.2023. godine.

Svrha radionice je da sudionici programa razviju zajedničko razumijevanje sadržaja, strukture, metodologije i upravljanja programom.

Sastanak UO Projekta Tribute i sastanak transnacionalne mreže stakeholdera, Zagreb, 06.-09.01.2023.

Predstavnici Gradske službe za održivi razvoj prisustvovali su sastanku projektnog tima za TRIBUTE, te sastanku Mreže stakeholdera u okviru projekta TRIBUTE. Pored Grada Sarajeva, sastanku su prisustvovali predstavnici Politecnico di Milano, kao vodeći partner, te gradovi Zagreb, Podgorica, Novi Sad, Ljubljana, Maribor, Patras, Milano. Na sastanku se razgovaralo o dosadašnjoj implementaciji projekta, te su se konkretizirali dogovori u vezi nastavka aktivnosti, sa posebnim fokusom na implementaciju pilot aktivnosti, što je za Grad Sarajevo značilo uspostavljanje ostrva mobilnosti u okviru kojih se nalaze punionice za električna vozila, pametne klupe i parkinzi za bicikla.

Međunarodna konferencija „Karabagh s tragovima nacionalnog naslijeđa“, Sarajevo, 23.02.2023.

Na poziv ambasadora Republike Azerbejdžan u BiH dr. Vilayat Guliyeva, zamjenik gradonačelnice Grada Sarajeva Haris Bašić prisustvovao je konferenciji povodom 31. godišnjice masakra u azerbejdžanskom Hodžaliju (Khojali), koja je održana u hotelu Europe 23.02.2023. godine.

Prisutnima su se obratili Ambasador Vilayat Guliyev, zastupnik u Parlamentu Republike Azerbejdžan Mushfig Jafarov, predsjednica Udruženja „Pokret majki enklava Srebrenica i Žepa” Munira Subašić i mnogi drugi, koji su poručili da je vrlo važno njegovati kulturu sjećanja i iznositi činjenice kako se ovakvi zločini ne bi dogodili više nikada i nikome u svijetu.

TAIEX TRATOLOW Regionalna radionica o urbanoj adaptaciji i Akcionom planu za održivu energiju i klimatske promjene (SECAP), Istanbul, 21.-23.02.2023.

Zamjenica gradonačelnice Sarajeva Anja Margetić Stakić sudjelovala je na TAIEX TRATOLOW Regionalnoj radionici o urbanoj adaptaciji i Akcionom planu za održivu energiju i klimatske promjene (SECAP), koja je održana u Istanbulu 22. i 23.02.2023. godine.

Namjera radionice bila je razmjena iskustva i dobre prakse između gradova i urbanih područja, te iniciranje projekata sa posebnim osvrtom na održivu energiju i klimatske promjene. Također, radionica je imala za cilj jačanje napora korisnika ka regionalnom i lokalnom planiranju adaptacije i njihovo povezivanje radi smanjenja rizika od katastrofa.

Dogradonačelnica Margetić se u ime Grada Sarajeva obratila na temu "Primjeri urbane adaptacije i otpornosti sa fokusom na klimatske rizike od vrućine i pluvijalnih poplava".

Sastanak predstavnika ECoD mreže, Sarajevo, 22.-24.02.2023.

U sklopu projekta kojeg organizira Gradska služba za održivi razvoj održan je sastanak radionica za 18 članova mreže ECOD na temu evropski gradovi kao mreža Evropske prijestolnice demokratije. Teme razgovora i radionice su bili budući planovi ECOD Mreže. Pri posjeti gradu Sarajevu kao domaćinu, gosti su obišli Informativni centar Sarajevo.

10. Global Baku Forum: The World of Today: Challenges and Hopes, Baku, 08.-12.03.2023.

Na poziv Međunarodnog centra „Nizami Ganjavi“ gradonačelnica Grada Sarajeva Benjamina Karić sudjelovala je na 10. Global Baku Forumu na temu „Svijet današnjice: izazovi i nade“, koji je održan od 08. do 12.03.2023. godine.

Glavne teme Foruma bile su prijete globalnoj sigurnosti, zdravlje za sve, budućnost obrazovanja, nauka, tehnologija i inovacije. Gradonačelnica je imala obraćanje na panelu „Klimatska pravda: izazovi za pravednu ravnopravnu energetska tranziciju“ u kojem se osvrnula na aktivnosti Grada Sarajeva u oblasti održivog razvoja i energetske tranzicije. Posebno je istakla učešće Grada Sarajeva u misiji „100 Klimatski neutralnih i pametnih gradova do 2030“.

2. Asia Youth Leaders Forum, Guangzhou (NR Kina), 25.-27.03.2023.

Gradonačelnica Grada Sarajeva je sudjelovala u radu 2. Azijskog foruma mladih lidera (Asia Youth Leaders Forum), koji je u organizaciji Kineske Fondacije „Za mir i razvoj“, Kineske asocijacije za javnu diplomatiju, Narodne vlada općine Guangzhou i Asocijacije mladih lidera Azije, održan u kineskom gradu Guangzhou od 25. do 27.03.2023. godine.

Na margini ovog događaja, gradonačelnica Karić se sastala sa gradonačelnikom Grada Guangzhoua Guo Yonghangom i njegovim zamjenikom, Lai Zhihongom.

Sa generalnim sekretarom Kineske fondacije za mir i razvoj XU Jianguom, razgovarala je o mogućnostima kulturne razmjene gradova i predstavljanju turističke ponude Sarajeva.

Konferencija evropskih gradova "Grad kao poslodavac", Beč, 26.-27.04.2023.

Grad Beč je 26. i 27.04.2023. godine organizirao još jednu u nizu svojih „European Cities Conferences“, ovaj put na temu kadrovskih poslova, a ispred Grada Sarajeva događaju je prisustvovala Senada Kočan, pomoćnica gradonačelnice za opću upravu i zajedničke poslove.

Tokom konferencije na temu „Grad kao poslodavac“, Grad Beč i njegovi partneri iz Mreže gradova analizirali su prilike i trenutne izazove sa kojima se suočavaju gradske uprave u oblasti ljudskih resursa. Gradske uprave koje dobro funkcioniraju glavni su kapital za kvalitet života u gradovima.

Sastanak Radne grupe za Zapadni Balkan Evropskog odbora regija, Brisel, 04.05.2023.

Značaj kandidatskog statusa za lokalne i regionalne vlasti u BiH, tema je sastanka u Briselu kojem 04.05.2023. godine prisustvovala gradonačelnica Grada Sarajeva Benjamina Karić, na poziv Evropskog komiteta regija (CoR).

Gradonačelnica je u sjedištu Evropske unije, na panelu posvećenom BiH, u okviru „Dana proširenja EU“, govorila o svojim iskustvima i procesima koje vodimo u bh. prijestolnici. Karić je istakla da je snažna lokalna uprava, transparentna i odgovorna, uvijek spremna odgovoriti na potrebe i interese svojih građana jedan od strateških ciljeva u integracijskom procesu BiH u EU te da BiH cijeni podršku naših domaćina, predstavnika Evropskog komiteta regija (CoR) na evropskom i reformskom putu BiH i zemalja jugoistoka Evrope koja je ključna za stabilan, bolji i ljepši Zapadni Balkan.

Sastanak potpisnika „Deklaracije o podršci obnovi i održivom razvoju Kijeva i šire oblasti“ putem video linka, 04.05.2023.

Na poziv gradonačelnika Kijeva Vitalija Klička i gradonačelnika Brisela Philippa Closea, zamjenik gradonačelnice Grada Sarajeva Haris Bašić sudjelovao je putem video-linka na konferenciji posvećenoj obnovi Kijeva pogođenog ratom i poslijeratnim ekonomskim oporavkom regiona.

Naime, nakon Kijevskog investicijskog foruma, održanog u Briselu u novembru 2022. godine, Grad Kijev i Grad Brisel žele mobilizirati mrežu potpisnika „Deklaracije o potpori oporavku i održivom razvoju Kijeva i okolnih teritorija“ kako bi napravili novi korak u podršci glavnom gradu Ukrajine.

Evropski susreti „Grad za medijaciju – kao faktor mirnog suživota“, 16.05.2023.

Povodom obilježavanja 16. maja – Međunarodnog dana zajedničkog života u miru, zamjenica predsjedavajućeg Gradskog vijeća Mirela Džehverović učestvovala je online u radu okruglog stola pod nazivom „Medijacija, kao faktor politike grada“, a u okviru događaja Evropski susreti „Grad za medijaciju“ kao faktor mirnog suživota koji se, u organizaciji Evropskog udruženja društvenih medija CreE.A, na čelu sa predsjednikom André Moisanom, Udruženja MOSAICO, Međunarodne NVO AİSA i Grada Torina, održao u Torinu.

12. Sarajevo Business Forum, 16.05.2023.

12. Sarajevo Business Forum otvoren je 16.05.2023.godine svečanom ceremonijom u Vijećnici. Na samom početku, ispred Grada Sarajeva prisutne je pozdravio predsjedavajući Gradskog vijeća Jasmin Ademović koji je iskazao dobrodošlicu svim učesnicima na ovaj izuzetno važan događaj za razvoj bosanskohercegovačke privrede i promociju naše zemlje u svijetu.

Zamjenik gradonačelnice Sarajeva Haris Bašić je dodijelio specijalna priznanja “Medaljon Grada Sarajeva” za značajan doprinos u razvoju privrede i promociji regije bivšem predsjedniku Republike Slovenije Borutu Pahoru i državnom ministru vanjske trgovine Ujedinjenih Arapskih Emirata Thani bin Ahmed Al Zeyoudiju.

Radionica u organizaciji švedske agencije za međunarodni razvoj i saradnju (Sida) i ICLD, Stockholm, Švedska, 23.05-03.06.2023.

Međunarodni centar za lokalnu demokratiju ICLD je pozvao dogradonačelnicu Anju Margetić Stakić na učešće na Programu obuke „Women's Political Leadership 2023“. Program ženskog političkog liderstva je održan od 23. maja do 3. juna 2023.godine u Štokholmu, Švedskoj.

8. Forum EU Strategije za jadransko-jonsku regiju, Sarajevo, 23. - 25.05.2023.

8. Forum EU Strategije za jadransko-jonsku regiju, u organizaciji Direkcije za europske integracije Vijeća ministara Bosne i Hercegovine, Ministarstva vanjskih poslova Bosne i Hercegovine, i Europske komisije uz podršku EUSAIR Facility Point projekta, održan je u Sarajevu 23. do 25.05.2023. godine.

Na Forumu je učestvovala i Konferencija perifernih pomorskih regija (CPMR), svojevrsna „think-tank“ organizacija koja ima za cilj zagovaranje jednakog razvoja regija europskog područja. Njihovo djelovanje je pretežno usmjereno na socijalnu, ekonomsku i teritorijalnu koheziju, pomorsku politiku, plavi rast i pristupačnost.

Kako bi se predstavila područja djelovanja CPMR-a i razmijenila mišljenja o mogućim oblastima saradnje, predstavnici CPMR-a održali su sastanak s predsjedavajućim Gradskog vijeća Grada Sarajeva Jasminom Ademovićem.

Prva radionica Fast-track cities Centralne i Istočne Europe, Beč, 12.06.2023.

Na poziv Međunarodne Asocijacije doktora koji se bave liječenjem side (IAPAC), šefica Odsjeka za saradnju sa zdravstvenim ustanovama i organizacijama Merima Hadžiabdić, učestvovala je na Prvoj radionici Fast-track cities (gradovi brzog odgovora) Centralne i Istočne Europe, održanoj 12.06.2023. godine, u Beču, Republika Austrija.

Na Svjetski dan AIDS-a, 1. decembra 2014. godine, gradonačelnici iz cijelog svijeta okupili su se u Parizu, da bi potpisali Parišku deklaraciju o gradovima brzog odgovora, kojom su se obavezali da okončaju epidemiju AIDS-a do 2030. godine.

Konferencija o ulozi žena u mirovnim procesima i sprječavanju konflikata na Balkanu, Priština, 13.06.2023.

U plenarnoj sali Skupštine Kosova 13.06.2023. godine održana je 2. godišnja konferencija na temu „Nema mira bez žena“, koju je organizovala zamjenica premijera Kosova za pitanja manjina i ljudska prava Emilija Redžepi u saradnji sa organizacijom Međunarodne federacije žena za svjetski mir. Konferenciju je prigodnim govorom otvorio premijer Kosova Albin Kurti, a tokom nekoliko panela razgovaralo se o doprinosu žene u mirovnim procesima, prevenciji sukoba i bezbjednosti ljudi na Balkanu.

Konferencija „Dijalog o politikama o usklađivanju prioriteta na zapadnom Balkanu – Vizija 2030. Digitalni/zeleni/zdravstveni putevi“, Sarajevo, 13.09.2023.

Dana 13.09.2023. godine u Sarajevu je održana konferencija „Dijalog o usklađivanju prioriteta na Zapadnom Balkanu – Vizija 2030 – Digitalni/Zeleni/Zdravi putevi“ u organizaciji UNSA koja je okupila predstavnike vlada, Evropsku komisiju i brojne eksperte iz ovih oblasti.

Zamjenik gradonačelnice Samir Avdić obratio se učesnicima u ime Grada Sarajeva, istakavši da ova aktuelna tema zahtijeva učešće i napore svih nivoa vlasti te da su zdrava društva temelj prosperitetnih zajednica. Kazao je da „Projekat 'Policy Answers' i konferencije poput ove igraju ključnu ulogu za konkretan dijalog, ali i koordiniran odgovor i reakciju. Naglasio je da je cilj stvoriti sinergiju sa regionalnim i EU inicijativama, te posvetiti se zajedničkoj viziji digitalne, zelene i zdrave budućnosti Zapadnog Balkana“.

Webinar: Politike mladih i angažman mladih generacija u razvoju politike, demokratskim procesima i tržištu rada, 15.09.2023.

Zamjenik gradonačelnice Samir Avdić sudjelovao je u webinaru koji je u organizaciji sekretarijata Globalnog parlamenta gradonačelnika (GPM) održan 15.09.2023. godine. Tema webinara bila je iskustvo mladih lidera sa posebnim fokus na politike mladih i angažman mladih generacija u razvoju politike, demokratskim procesima i tržištu rada.

Evropska regionalna konferencija o kineskim multinacionalnim kompanijama, investicijama i inicijativi „Pojas i put” u Pan-Evropi, Sarajevo, 19.09.2023.

Grad Sarajevo je bio domaćin dvodnevne Evropske regionalne konferencije o kineskim multinacionalnim kompanijama, investicijama i inicijativi „Pojas i put” u Pan-Evropi, koju je 19.09.2023. godine organizirala međunarodna organizacija BWI iz Ženeve zajedno sa sindikatima šumarstva i drvne industrije iz BiH.

Zamjenik gradonačelnice Sarajeva Samir Avdić imao je čast da u ime Grada Sarajeva otvori ovaj značajan događaj za BiH, istakavši zadovoljstvo što je bh. prijestolnica domaćin ove konferencije i što može biti dio ove važne inicijative.

4. Globalni samit „Mreže jakih gradova“, New York (SAD), 19. do 22.09.2023.

Na poziv izvršnog direktora „Mreže jakih gradova“, gradonačelnica Grada Sarajeva Benjamina Karić sudjelovala je na 4. Globalnom samitu „Mreže jakih gradova“ koji je održan na marginama 78. zasjedanja Generalne skupštine Ujedinjenih naroda (UNGA) u New Yorku od 19. do 22.09.2023. godine.

4. Globalni samit je okupio više od stotinu gradonačelnika i lidera gradova iz cijelog svijeta i više od stotinu članova lokalne vlasti iz više od 115 gradova i više od 45 zemalja svijeta. U okviru ovog događaja, gradonačelnica Sarajeva Benjamina Karić imala je priliku sastati se sa gradonačelnikom New Yorka Ericom Adamsom.

Sarajevska energetska i klimatska sedmica (SECW)- Međunarodna konferencija „Energetska tranzicija – put u novu energetska i klimatska budućnost regije”, 25.-29.09.2023.

Gradonačelnica Benjamina Karić u ime Grada Sarajeva, domaćina i počasnog pokrovitelja *Sarajevske energetske i klimatske sedmice (SECW 23)*, značajnog međunarodnog događaja za BiH i njenu prijestolnicu, koji ima za cilj ubrzanje i usmjeravanje tranzicije energetike i ublažavanja klimatskih promjena, pozdravila je brojne domaće i strane zvaničnike, goste i učesnike, u Vijećnici 25.09.2023. godine.

Centralni dio događaja bila je Međunarodna konferencija „Energetska tranzicija – put u novu energetska i klimatska budućnost regije”, na kojoj je jedan od panelista 26.09.2023. godine, bio zamjenik gradonačelnice Sarajeva Samir Avdić.

„Sarajevska energetska i klimatska sedmica“ koja je trajala od 26. do 29. septembra, okupila je više od 200 panelista i preko 1.000 učesnika iz svih krajeva svijeta.

Završna Konferencija CLEVER Cities, Hamburg, 25.-28.09.2023.

Na poziv ICLEI European Secretariat GmbH, Senada Dizdar, Šef odsjeka za komunalne i stambene poslove Grada Sarajeva, prisustvovala završnoj Konferenciji CLEVER Cities, održanoj u Hamburgu, 25. do 28.09.2023.

Tema Konferencije bila je biodiverzitet i rješenja bazirana na prirodi, odnosno („Priroda u gradove – Unaprjeđenje društvenog uticaja kroz NbS (Nature based Solutions – rješenja zasnovana na prirodi). Prisutni su bili predstavnici UbN SEE Hub (za Jugoistočnu Evropu), sa kojima je Dizdar ostvarila kontakt i razgovore o potencijalnim projektima za buduću saradnju.

Konferencija Vienna Science Days - Dani Beča i nauke, Sarajevo, 27.-28.09.2023.

U okviru dugogodišnje saradnje Beča i Sarajeva, u Sarajevu je 27.09.2023. godine otvorena dvodnevna konferencija *Vienna Science Days*, koja otvara platformu za razmjenu ideja i rješenja za promociju održivosti i inovacija u urbanim sredinama. U fokusu konferencije bili su upravljanje gradom, transparentna uprava, javni prevoz, zelena energija, održiva poljoprivreda u gradskoj sredini.

Konferencija „Dan nauke“ bio je posvećen temama „Zelena energija“ i „Urbana poljoprivreda“. Konferenciju su otvorili Stefan Sauermann, prorektor i šef odsjeka za Master Medical Engineering & eHealth na FH Technikum Wien, Dušanka Bošković, prorektorica za kvalitet Univerziteta u Sarajevu, Jasmin Ademović, predsjedavajući Gradskog vijeća Grada Sarajeva i Marcus Schober, poslanik bečkog pokrajinskog parlamenta i gradski vijećnik.

Učesnike je pozdravio zamjenik gradonačelnice Sarajeva Samir Avdić, ukazavši na aktivnosti i gradske projekte koje administracija Sarajeva vodi kako bi se ostvarili ciljevi održivog razvoja koju svi gradovi nastoje da postignu, a sekretar Gradskog vijeće Grada Sarajeva Mila Eminović, imala je obraćanje u okviru teme „Transparentna uprava“.

17. Nacionalni kongres Italijanske asocijacije Vijeća evropskih općina i regija, Milano, 28.-30.09.2023.

17. Nacionalni kongres AICCRE – Italijanske asocijacije Vijeća evropskih općina i regija, pod nazivom "Sjedinjene evropske države“, održan je u Milanu od 28. do 30.09.2023. godine.

Događaju je u ime Grada Sarajeva prisustvovala zamjenica gradonačelnice Anja Margetić Stakić koja je prenijela iskustva građana BiH i što Evropa znači našim građanima, te koliko gradovi i bratimljenje mogu pomoći integraciji Bosanaca u Evropi.

Studijska posjeta Gradu Rijeka: Učenje iz iskustava Grada Rijeke u razvoju i provedbi EU projekata, 02. - 05.10.2023.

U organizaciji Mreže asocijacija lokalnih vlasti jugoistočne Europe NALAS, Velida Mehić i Merima Hadžiabdić boravile su u studijskoj posjeti Gradu Rijeka, u periodu od 02. do 05.10.2023. godine. Glavni cilj posjeta bio je učenje iz iskustva Grada Rijeke u razvoju i provedbi EU projekata, a u sklopu jačanja kapaciteta za razvoj projekata gradova članica Mreže gradova EU za Zapadni Balkan.

Učešće na konferenciji *Urban Mobility Days 2023* – European Commission, Sevilla, Španija, 04.-06.10.2023.

U period od 04. do 06.10.2023. godine održana je konferencija *Urban Mobility Days 2023 – UMD23*, u organizaciji Evropske komisije. Predstavnik Grada Sarajeva na pomenutom događaju je bila Nejra Selimović, stručna savjetnica Stručne službe za poslove Gradskog vijeća. Ova konferencija predstavlja najbitniji događaj na temu održive urbane mobilnosti u Evropi i okupila je sve najvažnije subjekte, kao i partnere koji su bili uključeni u izradu SUMP-a zajedno sa Gradom Sarajevo. Konferencija je spojila dva vodeća događaja iz evropskog prometnog kalendara: Forum CIVITAS i nekadašnju Evropsku konferenciju o planovima održive urbane mobilnosti (SUMP).

13th Ljubljana Forum on the Future of Cities Ljubljana, 05.-06.10.2023.

Zamjenica gradonačelnice Sarajeva Anja Margetić Stakić učestvovala je na 13. Ljubljanskom forumu o budućnosti gradova. Na sesiji pod nazivom „Gradovi u 2030., izazovi i projekti“, uz prisustvo predstavnika gradova naše regije i Evrope, Margetić Stakić je istakla da želimo da Sarajevo bude grad zelenih površina, čistog zraka, čistih rijeka, sa sofisticiranim i praktičnim mogućnostima urbane mobilnosti, grad u kojem će svi stanovnici i posjetitelji uživati i kvalitetno provoditi vrijeme. Kroz zanimljive panele, diskusije i prezentacije, razmijenjene su korisne inicijative, ideje i prakse koje će doprinijeti kvalitetnoj energetskej efikasnosti, urbanoj mobilnosti i digitalnoj transformaciji, te poboljšanju klimatskih uslova.

Forum Lokalnih Zajednica u okviru Zelene Agende, Tirana, 12.10.2023.

Na poziv Regionalnog vijeća za saradnju (RCC), zamjenik gradonačelnice Sarajeva Samir Avdić učestvovao je 12.10.2023. godine na Forumu lokalnih zajednica u okviru Zelene agende za Zapadni Balkan čiji je domaćin bio Grad Tirana.

Na margini Foruma, zamjenik Samir Avdić se susreo sa gradonačelnikom pobratimske Tirane, Erionom Veliajem.

Kad je riječ o temi Foruma, Avdić i Veliaj su se složili da dijeljenjem najboljih praksi, znanja i resursa mogu se podstaknuti promjene i ubrzati napredak ka zelenijoj i održivoj budućnosti Sarajeva i Tirane.

10. Samit Bloomberg Harvard City Leadership programa, Washington, 17.-21.10.2023.

Gradonačelnica Sarajeva Benjamina Karić je učestvovala na 10. Samitu Bloomberg Harvard City Leadership programu, koji je održan u Washingtonu, 17. do 21.10.2023. godine. Glavna tema konferencije bile su prilike i izazovi koje generativna umjetna inteligencija predstavlja za gradske lidere. Pored glavne teme agenda uključuje i inovacije u urbanoj mobilnosti, borbu protiv nasilja u gradovima, rješenja za problem beskućnika i upotrebu inovacija za rješavanje stambene krize, odgovor gradova na klimatske promjene, zaštitu okoliša, inovacije u javnoj upravi, izazove koje migracije predstavljaju za grad itd.

Karić se ovom prilikom ponovo susrela sa gradonačelnicom Washingtona Muriel Bowser kojoj je kao istinskom prijatelju uručila Zahvalnicu Grada Sarajeva. Naime, gradonačelnica Bowser je proglasila 1. mart – Dan nezavisnosti Bosne i Hercegovine, Danom bosansko-američkog prijateljstva, te je pod njenim rukovodstvom donesena proklamacija kojom se 11. juli obilježava Danom sjećanja na genocid u Srebrenici.

Regionalni samit arhitekture SFERA 2023, Sarajevo, 20.10.2023.

U Sarajevu je održan Regionalni samit arhitekture Sfera 2023 koji je okupio regionalne i svjetske stručnjake arhitekture. Na svečanom otvorenju u Narodnom pozorištu 20.10.2023. godine, prisutnima se u ime Grada Sarajeva obratio zamjenik gradonačelnice Samir Avdić, istakavši da su urbanizam i planiranje prostora, svuda u svijetu, neophodan tehnički, društveni, ekonomski i kulturni instrument u kreiranju funkcionalnog i zdravog životnog okruženja svakog pojedinca. Istakao je ponos na bogato graditeljsko naslijeđe Sarajeva koje se treba i mora njegovati i čuvati, istovremeno oplemenjujući ga sadržajima i duhom novog vremena.

Konferencija „Postizanje klimatski neutralnih gradova na Zapadnom Balkanu“, Elbasan, 24.10.2023.

Zamjenica gradonačelnice Sarajeva Anja Margetić Stakić i pomoćnica gradonačelnice za održivi razvoj Nermina Suljević učestvovala su u radu konferencije na temu „Postizanje klimatski neutralnih gradova na Zapadnom Balkanu“ koja je održana u albanskom gradu Elbasanu.

Fokus Konferencije bio je na tri grada – Sarajevo, Podgoricu i Elbasan, koji su dio Net Zero Misije EU i porodice od 112 gradova koji učestvuju u Misiji. Eksperti iz EU, te iz navedena tri grada, razmijenili su informacije i iskustva u vezi Net Zero Misije.

100. godišnjica proglašenja Republike Turske, 28.10.-01.11.2023.

Zamjenik gradonačelnice Sarajeva Samir Avdić boravio je u službenoj posjeti turskoj prijestolnici u periodu od 28.10. do 01.11.2023. godine, gdje je zajedno sa delegacijama gradova iz cijeloga svijeta učestvovao u radu „Stogodišnjice Ankara Foruma“.

Poziv na Forum koji se održavao u okviru obilježavanja 100. godišnjice proglašenja Republike Turske, uputio je gradonačelnik Ankare Mansur Yavaş, s kojim se Avdić susreo tokom boravka.

Složili su se da je konkretnim zajedničkim aktivnostima potrebno osnažiti saradnju Sarajeva i Ankare koji 2024. godine obilježavaju značajan jubilej – 30 godina pobratimskih veza.

Dogradonačelnik Avdić je učestvovao i na sesiji u čijem fokusu je bila otpornost gradova, klimatske promjene i izazovi koje donose prirodne katastrofe.

Socio-Ecological Forum „Cities in Transition“, Skopje, 10.-11.11.2023.

Zamjenica gradonačelnice Sarajeva Anja Margetić Stakić učestvovala je, u periodu od 10. do 11.11.2023. godine, na 3. Socio-ekološkom forumu u Skoplju na temu „Preoblikovanje naših gradova putem klimatski pozitivnog razvoja“.

U svom obraćanju izrazila je zadovoljstvo što je Grad Sarajevo dio ove važne inicijative koja, kako je istakla, nije samo nužnost, već i obaveza u svjetlu klimatskih promjena s kojima se suočavamo. Osvrnuvši se na iskustva i dobre prakse Grada Sarajeva, podcrtala je kampanju koja se vodila ka smanjenju otpada s posebnim fokusom na bacanje hrane.

Prezentacija aplikacije Grada Sarajeva za Evropsku prijestolnicu mladih, Brisel, 14.11.2023.

Grad Sarajevo je aplicirao za status Evropske prijestolnice mladih 2026. i našao se među pet finalista za prestižnu titulu, uz gradove Malaga, Izmir, Vila de Conde i Tromso. S tim u vezi, gradonačelnica Sarajeva Benjamina Karić i predstavnica mladih Amila Čengić boravile su u Briselu 14.11.2023. godine, gdje su pred žirijem predstavile aplikaciju Sarajeva za Evropsku prijestolnicu mladih 2026.

Evropska prijestolnica mladih je titula koju dodjeljuje Evropski omladinski forum, osmišljena da Koalicija koja provodi inicijativu Sarajevo EPM 2026 uključuje: Grad Sarajevo, Općinu Stari Grad, Općinu Centar Sarajevo, Općinu Novo Sarajevo, Općinu Novi Grad Sarajevo, Udruženje za socijalni, kulturni i kreativni razvoj ZORA, Institut za razvoj mladih KULT, Vijeće mladih Federacije BiH, Vijeće mladih Općine Novo Sarajevo, Vijeće mladih Općine Novi Grad Sarajevo i Vijeće mladih Općine Stari Grad.

Sastanak Radne grupe Europskog komiteta regija (CoR) za zapadni Balkan, Banja Luka, 15.11.2023.

Na poziv Radne grupe za odnose sa Zapadnim Balkanom Europskog odbora regija (WBWG CoR) zamjenica gradonačelnice Grada Sarajeva Anja Margetić Stakić sudjelovala je na sastanku Radne grupe u Banja Luci 15.11.2023. godine na sesiji 2: „Dobra uprava u lokalnoj i regionalnoj administraciji“.

Povod događaja je spoznaja – među institucijama EU-a i zemljama partnerima – da za pridruživanje zemlje EU-u nije dovoljno pripremiti svoju državnu vlast i administraciju. Lokalne i regionalne vlasti također će morati biti potpuno spremne za pristupanje, budući da će 70% zakonodavstva EU-a utjecati na njih.

Kijev Investment Forumu 2023, Brisel, 16.11.2023.

Predsjedavajući Gradskog vijeća Grada Sarajeva Jasmin Ademović, učestvovao je na Kijev Investment Forumu 2023 koji je održan u Briselu 16.11.2023. godine. Forum, u svom 8. izdanju, nastavlja igrati ključnu ulogu u poticanju rasprava o održivom oživljavanju šire regije Kijeva.

Ovogodišnja glavna tema, „Održivo oživljavanje šire regije Kijeva“, usmjerena je na raspravu o ratnim izazovima, saradnji između gradova i ulaganjima u održivu transformaciju.

Predsjedavajući Gradskog vijeća Jasmin Ademović bio je jedan od govornika prvog panela posvećenog isticanju značaja kontinuirane saradnje između gradova.

Godišnji samit „Globalnog parlamenta gradonačelnika“, Skopje, 17.-19.11.2023.

Na poziv Sekretarijata „Globalnog parlamenta gradonačelnika“ i gradonačelnice Grada Skopja, gradonačelnica Sarajeva Benjamina Karić učestvovala je na godišnjem samitu pod nazivom: „Osnažujući, angažirani i inkluzivni gradovi: osiguravanje demokracije i razvoja za buduće generacije“. U okviru Samita kojeg su otvorili predsjednik Republike Sjeverne Makedonije Stevo Pendarovski i gradonačelnica Skopja Danela Arsovska, gradonačelnica Karić je sudjelovala na plenarnoj debati „Osnažujući gradovi“

Tokom posjete Skopju, gradonačelnica se sa delegacijom Grada Sarajeva, sastala sa gradonačelnicom Skoplja Danelom Arsevskom i predstavnicima Bošnjačkog nacionalnog vijeća u Republici Sjevernoj Makedoniji.

Posjeta delegacije Direkcije za klimatske promjene Grada Istanbula, 18.-20.12.2023.

Predstavnici Direkcije za klimatske promjene Grada Istanbula boravili su u posjeti Gradu Sarajevu u periodu 18.-20.12.2023. godine. Cilj posjete je razmjena iskustava i informacija o projektu „Build4GreenIstanbul“ koju Direkcija za klimatske promjene Grada Istanbula provodi u okviru EU Misije klimatski neutralnih i pametnih gradova.

U tu svrhu održan je sastanak između predstavnika Direkcije za klimatske promjene Grada Istanbula, predstavnika kompanija – saradnika na implementaciji projekta CEDBIK, Florowise i Demir Energy iz Istanbula i Radne grupe Kantona Sarajevo za implementaciju projekta „Net Zero“ i koordinatora projekta „Net Zero“ iz Službe za održivi razvoj Grada Sarajeva.

➤ SARADNJA S DIPLOMATSKO-KONZULARNIM PREDSTAVNIŠTVIMA

Sastanak s ambasadorom AR Egipat Yasserom Abdelrahmanom Ali Sorourom, 09.01.2023.

Gradonačelnica Grada Sarajeva Benjamina Karić održala je 09.01.2023. sastanak sa ambasadorom Arapske Republike Egipat u BiH Nj. E. Yasserom Abdelrahmanom Ali Sorourom, tokom kojeg je gosta informirala da je Gradsko vijeće Grada Sarajeva usvojilo Odluku o potpisivanju Memoranduma o razumijevanju između Grada Kaira i Grada Sarajeva, na 22. sjednici održanoj 28.12.2022. godine.

Ambasador je izrazio zadovoljstvo tom odlukom, te je zajedno sa gradonačelnicom ocijenio da će se ovim Sporazumom dodatno unaprijediti prijateljski odnosi između Bosne i Hercegovine i Egipta, te podstaknuti saradnja između njihovih prijestolnica u konkretnim oblastima, kao što su turizam, kultura, privreda, zaštita okoliša, ali i u mnogim drugim poljima od obostranog interesa.

Ambasador Ali Sorur je pozvao gradonačelnicu da u narednom periodu posjeti Grad Kairo kako bi sa guvernerom Khaledom Abdelom Aalom, potpisala Memoranduma o razumijevanju.

Nastupna posjeta ambasadora Republike Kazahstan Altaya Abibullayeva, 13.02.2023.

Zamjenik gradonačelnice Grada Sarajeva Haris Bašić primio je u nastupnu posjetu ambasadora Republike Kazahstan Nj.E. Altaya Abibullayeva.

Zamjenik Bašić je istakao da su odnosi između Bosne i Hercegovine i Kazahstana dobri i prijateljski, ali da ih je potrebno dodatno osnažiti uspostavljanjem konkretne saradnje između Grada Sarajeva i glavnog grada Kazahstana Astane, ali i grada Almatyja i drugih kazahstanskih gradova.

Ambasador je izrazio otvorenost svoje zemlje za uspostavljanje saradnje sa Bosnom i Hercegovinom i njenom prijestolnicom, te je u tu svrhu predložio potpisivanje memoranduma o saradnji između Grada Sarajeva i Astane, te predložio da gradonačelnica Grada Sarajeva posjeti glavni grad Kazahstana.

Nastupna posjeta ambasadora Republike Bugarske Valerija Ivanova Yotova, 13.02.2023.

Gradonačelnica Sarajeva Benjamina Karić primila je 13.02.2023. godine u nastupnu posjetu ambasadora Republike Bugarske u BiH Nj.E. Valerija Ivanova Yotova. Karić je ambasadoru poželjela uspješan mandat u BiH, izražavajući uvjerenje da će svojim angažmanom dodatno unaprijediti odnose Bosne i Hercegovine i Republike Bugarske.

U fokusu razgovora bila je bilateralna i regionalna saradnja i mogućnosti za njen daljnji razvoj. Istaknuto je uspješno partnerstvo Bosne i Hercegovine i Bugarske, te odlična saradnja glavnih gradova, Sarajeva i Sofije, koji su potpisali Sporazum o saradnji 2022. godine, te nastavili da njeguju prijateljstvo i partnerstvo u oblasti kulture, turizma, green cities-a, te kao članice Mreže kreativnih gradova UNESCO-a, kroz renomirani Sarajevo Film Festival i Sofijski filmski festival.

Nastupna posjeta ambasadorice Izraela Galit Peleg, 13.02.2023.

Gradonačelnica Sarajeva Benjamina Karić je u Vijećnici ugostila ambasadoricu Izraela, Galit Peleg. Ovaj prvi zvanični susret je bila prilika za otvaranje niza tema od zajedničkog interesa s ciljem jačanja veza Sarajeva sa izraelskim gradovima preko razvojnih projekata, turističkih posjeta i kulturnih manifestacija.

Gradonačelnica Karić je istakla da Grad Sarajevo ima izuzetne odnose sa sarajevskom Jevrejskom opštinom, čije aktivnosti podržava te naglasila da smo ponosni na doprinos jevrejske zajednice razvoju našeg društva.

Oproštajna posjeta ambasadora Republike Sjeverne Makedonije, 15.02.2023.

Gradonačelnica Sarajeva Benjamina Karić primila je 15.02.2023. godine u oproštajnu posjetu ambasadora Republike Sjeverne Makedonije u BiH, Nj. E. Ekrema Ebibija. Tokom razgovora istakla je poštovanje prema ličnom angažmanu koji je ambasador koji ste tokom svog mandata uložili u razvoj srdačnih i prijateljskih odnosa Bosne i Hercegovine i Sjeverne Makedonije. Ambasador Ebibi je kazao da je njegov angažman bio izazovan, ali i koristan za ukupan razvoj odnosa dviju zemalja, te ukazao na nastavak podrške Bosni i Hercegovini istom dinamikom na njenom putu u euroatlantske integracije.

Posjeta gradonačelnice Karić apostolskom nunciju Francis Assisiju Chulikattu, 20.02.2023.

Gradonačelnica Sarajeva Benjamina Karić sastala se sa apostolskim nuncijem u BiH, Nj. E. mons. Francis Assisi Chullikattom 20.02.2023. godine. Tokom susreta izrazila je zahvalnost na ohrabrenju i prijateljskoj podršci koju je Vatikan uvijek pokazivao prema Sarajevu i Bosni i Hercegovini. Malo se zemalja u svijetu može pohvaliti da je čak tri puta u 30 godina, od kada je stekla nezavisnost, BiH pružila gostoprimstvo dvojici poglavara Katoličke crkve.

Prijem apostolskog nuncija Francis Assisija Chulikatta, 14.03.2023.

Gradonačelnica Sarajeva Benjamina Karić sastala se sa apostolskim nuncijem u BiH, Nj. E. mons. Francis Assisi Chullikattom 14.03.2023. godine. Tokom susreta dogovorena je posjeta Papi Franju u Vatikanu 19.04.2023. godine, te su dogovoreni detalji vezani za proceduru prijema kod poglavara Katoličke crkve. Planirano je uručenje zahvalnice i poziva da posjeti Grad Sarajevo.

Prijem ambasadora NR Kine u BiH, Nj.E. Ji Pinga, 15.03.2023.

Gradonačelnica Sarajeva Benjamina Karić ugostila je 15.03.2023. godine ambasadora NR Kine u BiH, Nj.E. Ji Pinga.

Sagovornici su istakli dosadašnju vrlo uspješnu saradnju koja se posebno odnosi na više od 40 godina dugu pobratimsku vezu Sarajeva i Tianjina. U to ime, kineski ambasador je poručio da će se u Tianjinu izgraditi jedan od simbola našeg grada, replika baščaršijskog Sebilja.

Osim toga, po riječima Pinga, ova prijateljska zemlja spremna je izraditi novu bistu Valteru Periću koja bi bila postavljena ispred obnovljene Bistričke stanice u Sarajevu.

Obilazak Zavoda „Mjedenica“ sa ambasadorom slovačke Romanom Hlobeňom, 16.03.2023.

Gradonačelnica Sarajeva Benjamina Karić s ambasadorom Slovačke Romanom Hlobeňom i njegovim zamjenikom Patrikom Turošikom posjetila je Zavod Mjedenica 16.03.2023. godine. Grad Sarajevo je, uz potporu Ambasade Slovačke i SlovakAid-a, nabavio novu opremu za kineziološki i logopedski kabinet namijenjen većini korisnika ove ustanove.

Novoopremljeni kineziološki i logopedski kabinet od velikog je značaja za unaprjeđenje vještina i edukaciju djece s poteškoćama u razvoju, roditeljima kojima puno znači svaki vid napretka koji njihova djeca postignu, a i samom pedagoškom osoblju kojem će ova oprema pomoći u postizanju boljih rezultata i napredovanju u radu s djecom.

Sastanak sa ambasadorom Republike Armenije za BiH Ashotom Hovakimianom, 07.04.2023.

Na margini trodnevnog obilježavanja Dana početka opsade i Dana grada Sarajeva, gradonačelnica Grada Sarajeva Benjamina Karić susrela se sa ambasadorom Republike Armenije Nj. E. Ashotom Hovakimianom.

Sastanak sa šeficom Odjela za odnose s javnošću i kulturu Ambasade Japana, 12.04.2023.

Zamjenica gradonačelnice Anja Margetić Stakić održala je sastanak sa predstavnicima Ambasade Japana u BiH. Margetić se zahvalila ambasadi i Vladi Japana na svesrdnoj pomoći i podršci koju pružaju BiH i njenom glavnom gradu.

Tokom sastanka razgovarano je o unaprjeđenju saradnje sa Gradom Hiroshimom sa kojim Grad Sarajevo ima potpisanu *Deklaraciju o razmjeni iskustava i saradnji* od 13.01.2017. godine, kao i saradnji sa olimpijskim gradom Sapporom koji ima geografske sličnosti sa Sarajevom.

Sastanak sa predstavnicima ambasade NR Kine, Sarajevo, 14.04.2023.

Predstavnici Odsjeka za komunalne poslove i Odjeljenja za međunarodnu saradnju, održali su 14.04.2023. godine sastanak sa predstavnicima ambasade NR Kine vezano za realizaciju projekta izrade statue Vladimira Perića Valtera.

Sastanak sa otpravnikom poslova u Ambasadi Republike Sjeverne Makedonije i predsjednikom Dijaspore Makedonije, 20.04.2023.

Zamjenica gradonačelnice Anja Margetić Stakić održala je sastanak sa otpravnikom poslova u Ambasadi Republike Sjeverne Makedonije g. Borčo Damjanov i predsjednikom Dijaspore Makedonije g. Gordan Jordanov u četvrtak 20.04.2023. godine. Jordanov je ukratko predstavio udruženje, njihovo djelovanje kao i buduće planove. U cilju pomoći u funkcioniranju makedonske manjine u Bosni i Hercegovini, g. Jordanov je zamolio za ustupanje jedne prostorije Grada Sarajeva na korištenje, povremeno, gdje će se predstavnici manjine sastajati.

Svečano obilježavane 30 godina aktivnosti Udruženja „Luciano Lama“ u BiH, 20.04.2023.

Svečanom obilježavanju 30 godina aktivnosti Udruženja „Luciano Lama“ u BiH koje je održano u bašti italijanske ambasade 20.04.2023. godine, u prisustvu ambasadora Italije Nj.E. Marca Di Ruzze, prisustvovala je zamjenica gradonačelnice Anja Margetić Stakić. Tom prilikom zasađeno je stablo, simbol mira, uz uručenje plakete od strane delegacije Udruženja.

Nastupna posjeta ambasadorice Republike Gane Franciske Ešijeti-Odunton, 21.04.2023.

Zamjenica gradonačelnice Grada Sarajeva Anja Margetić Stakić primila je 21.04.2023. godine u nastupnu posjetu Francisku Ešijeti-Odunton, ambasadoricu Republike Gane za Bosnu i Hercegovinu.

U razgovoru je ukazala na potrebu uspostavljanja konkretne saradnje između država BiH i Gane i njihovih glavnih gradova Sarajeva i Accre, u oblasti privrede, kulture, obrazovanja.

Nj.E. Ešijeti-Odunton iskazala je spremnost da radi na unaprjeđenju bilateralnih odnosa, ističući da su i međunarodni forumi dobra prilika za razgovore i dogovore o projektima.

Sastanak s ambasadorom AR Egipat Yasserom Abdelrahmanom Ali Sorourom, 07.06.2023.

Gradonačelnica Grada Sarajeva Benjamina Karić razgovarala je u Vijećnici sa ambasadorom AR Egipat Yasserom Abdelrahmanom Ali Sorourom.

Tema sastanka je bila potpisivanje Memoranduma o razumijevanju između Grada Kaira i Grada Sarajeva, koji je usvojen na 22. sjednici Gradskog vijeća održanoj 28.12.2022. godine. Na sastanku je dogovorena posjeta gradonačelnice Kairu i potpisivanje Memoranduma 29.07.2023. godine u Kairu.

Sastanak s ambasadorom Italije, NJ.E. Marko di Ruzzom, 12.06.2023.

Zamjenik gradonačelnice Grada Sarajeva Haris Bašić se sastao sa ambasadorom Italije, NJ.E. Marko di Ruzzom u Vijećnici 12.06.2023. godine. Tokom prijema izrazili su zadovoljstvo uspostavljanjem partnerskih veza između Sarajeva i Rima, što je potvrđeno potpisima na Memorandum gradonačelnika Benjamine Karić i Roberta Gualtierija krajem januara ove godine u italijanskoj prijestolnici.

Sudionici ovog susreta razgovarali su i o skorašnjoj posjeti gradonačelnika Rima g. Gualtierija Sarajevu, u sklopu koje će se razmatrati brojne mogućnosti u pravcu izgradnje novih mostova saradnje, realizacijom zajedničkih projekata i manifestacija.

Svečano otvorenje Drugog Indonezijskog vikenda u Sarajevu, 16.06.2023.

Zamjenik gradonačelnice Grada Sarajeva Haris Bašić je zajedno sa ambasadorom Indonezije Roemom Konom svečanim presijecanjem vrpce otvorio Indonezijski vikend na platou Sarajevo City Centar (SCC) 16.06.2023. godine.

Događaj posvećen priključenju Međunarodni francuski koledž u Sarajevu obrazovnoj mreži Odyssey, Sarajevo, 23.06.2023.

Zamjenica gradonačelnice Anja Margetić Stakić prisustvovala je prikladnom programu kojim je obilježena 25. godišnjica Međunarodnog francuskog koledža u Sarajevu (CIFS), koji je nedavno postao član edukativne grupe Odyssey Education, koja spaja najbolje od francuskog i međunarodnog obrazovanja.

Prijem britanskog ambasadora Juliana Reillya i gajdaša narednika Douglasa Warrena, 20.06.2023.

Preljepom aulom naše Vijećnice danas su odzvanjali zvuci marševa koje je na gajdama odsvirao engleski narednik Douglas Warren u čast prvog službenog rođendana britanskog kralja Charlesa III. Gradonačelnica Sarajeva Benjamina Karić tim povodom je upriličila prijem za britanskog ambasadora Juliana Reillya i gajdaša narednika Douglasa Warrena s kojima je popila poslijepodnevni čaj, uputila iskrene čestitke britanskom suverenu, uz poziv da posjeti Sarajevo i BiH.

Sastanak sa Međunarodnom finansijskom korporacijom – IFC, 04.07.2023.

Zamjenica gradonačelnice Grada Sarajeva Anja Margetić Stakić primila je u Vijećnici 04.07.2023. godine predstavnik Međunarodne finansijske korporacije na čelu sa direktoricom IFC-a Ladom Buševac. Cilj ove posjete je bio da se istraže potencijalna područja saradnje sa Gradom Sarajevom u razvoju urbane infrastrukture te prostoru za finansiranje istog. Glavna tema sastanaka je bio projekat „Čista rijeka Miljacka”. Predstavnic Međunarodne finansijske korporacije su naglasili

zainteresiranost za projekat koji je upravo predmet njihovog djelovanja ali da se ipak radi o specifičnom zadatku na kojem će biti potrebno prvenstveno raditi na rješavanju postojećih izazova.

Sastanak s ambasadorom AR Egipat Yasserom Abdelrahmanom Ali Sorourom, 18.07.2023.

Gradonačelnica Grada Sarajeva Benamina Karić održala je sastanak sa ambasadorom Arapske Republike Egipat u BiH Nj. E. Yasserom Abdelrahmanom Ali Sorourom 18.07.2023. godine, tokom kojeg je razgovarano o detaljima službene posjete delegacije Grada Sarajeva Gradu Kairu u periodu od 29.07. do 01.08.2023. godine.

Oproštajna posjeta ambasadorice Republike Francuske Christine Toudic, 18.07.2023.

Gradonačelnica Grada Sarajeva Benamina Karić, primila je u oproštajnu posjetu ambasadoricu Republike Francuske u BiH Christine Toudic 18.07.2023. godine. Tokom mandata ambasadorice Toudic uspješno su ostvareni historijski kontakti Sarajeva i Pariza. Zahvaljujući izuzetnom angažmanu ambasadorice održan je sastanak sa predsjednikom Emmanuelom Macronom u Jelisejskoj palati i sa gradonačelnicom Pariza, Anne Hidalgo. Ovo su bili prvi susreti u posljednjih 30 godina.

Sastanak gradonačelnice sa Visokim predstavnikom Christianom Schmidtom, 08.08.2023.

Gradonačelnica Sarajeva Benamina Karić održala je sastanak sa Visokim predstavnikom Schmidtom sa kojim je pored aktuelnih tema razgovarala i o nedavnoj posjeti Lozani. Naime, gradonačelnica Karić zajedno sa visokim predstavnikom Christianom Schmidtom, susrela se u Lozani u maju 2023.godine sa predsjednikom Međunarodnog olimpijskog komiteta Thomasom Bachom povodom 40. godišnjice Zimskih olimpijskih igara u Sarajevu.

Sastanak sa koordinatoricom UN u BiH Ingrid Macdonald, 11.08.2023.

Dr. Ingrid Macdonald, rezidentna koordinatorica Ujedinjenih nacija u Bosni i Hercegovini, bila je gost gradonačelnice Benamine Karić u Vijećnici. Između ostalog, razgovarale su o inicijativi „Mladi za inkluziju, jednakost i povjerenje“, u okviru koje Ujedinjene nacije, zajedno sa UNESCO-om, podržavaju prestižnu nagradu za najbolju režiju SFF-a.

Prijem u čast guvernera austrijske pokrajine Kärnten (Koruška), dr. Petera Kaisera 01.09.2023.

Guverner austrijske pokrajine Kärnten (Koruška), dr. Peter Kaiser, boravio je u službenoj posjeti gradu Sarajevu.

U tu čast, prijem u rezidenciji austrijskog veleposlanstva upriličila je ambasadorica Republike Austrije u BiH, Nj.E. Ulrike Hartmann. Prijemu je prisustvovao zamjenik gradonačelnice Sarajeva Samir Avdić koji je pozdravio dolazak guvernera u bosanskohercegovačku prijestolnicu, ističući dobru bilateralnu suradnju s Austrijom, austrijskim veleposlanstvom u BiH i uvaženom veleposlanicom Hartmann.

Prijem novog regionalnog menadžera Međunarodne finansijske korporacije (IFC) za Zapadni Balkan, Nicolasa Marquiera, 21.09.2023.

Zamjenik gradonačelnice Sarajeva Samir Avdić upriličio je 21.09.2023. godine u Vijećnici prijem za novog regionalnog menadžera Međunarodne finansijske korporacije (IFC) za Zapadni Balkan,

Nicolasa Marquiera, 21.09.2023. godine. Tokom sastanka razmotreni su modaliteti kako bi se unaprijedili već postojeći dobri odnosi i pojačala posvećenost rastu privatnog sektora i njegovog ulaganja u ključna područja, koja se prevashodno odnose na zaštitu životne sredine, klimatske promjene održivi razvoj.

Sastanak sa ambasadorom Azerbajdžana, 25.09.2023.

Gradonačelnica Grada Sarajeva Karić i zamjenik gradonačelnice Samir Avdić upriličili su prijem za ambasadora Azerbajdžana g. Guliyev, a tema sastanak je bilo učešće na Drugom Nacionalnom Urban Forumu. Također, razgovarano je o budućoj saradnji i potpisivanju Memoranduma o razumijevanju između Bakua i Sarajeva.

Prijem američkog ambasadora Michaela Murphya, Sarajevo, 27.09.2023.

Gradonačelnica Sarajeva Benjamina Karić upriličila je prijem za američkog ambasadora Michaela Murphya u Vijećnici 27.09.2023. godine.

Tokom susreta gradonačelnica se zahvalila na kontinuiranoj podršci, i uvijek jasnim i otvorenim istupima ambasadora u javnosti o cjelovitom i teritorijalnom integritetu BiH. Sagovornici su se složili da nedavno uspostavljene veze Sarajeva sa Washingtonom i New Yorkom dodatno osnažuju tradicionalno prijateljstvo i strateško partnerstvo Bosne i Hercegovine i Sjedinjenih Američkih Država.

Prijem ambasadora Arapske Republike Egipta 27.09.2023.

Gradonačelnica Grada Sarajeva Benjamina Karić održala je sastanak sa ambasadorom Arapske Republike Egipat u BiH Nj. E. Yasserom Abdelrahmanom Ali Sorurom, tokom kojeg je razgovarano o uspješno realiziranoj službenoj posjeti delegacije Grada Sarajeva Gradu Kairu u periodu od 29.07. do 01.08.2023. godine.

Nastupna posjeta ambasadora Francuske François Delmasa, 28.09.2023.

Gradonačelnica Benjamina Karić ugostila je 28.09.2023. godine novoimenovanog ambasadora Francuske u Bosni i Hercegovini Francoisa Delmasa, koji je došao u pratnji prvog sekretara Ophélie Ibanez, i savjetnika za kulturu i saradnju Loé Lagrange.

Fokus njihovog razgovora bila je organizacija zajedničke manifestacije povodom 40. godišnjice Olimpijskih igara u Sarajevu, ali i Olimpijskih igara u Parizu 2024. godine.

Odavanje počasti italijanskom novinaru Gabriele Moreno Locatelliju, Sarajevo, 03.10.2023.

Povodom komemoracije italijanskom novinaru Gabriele Moreno Locatelliju, koji je 3. oktobra 1993. godine ubijen snajperskim hicem na Mostu Suade i Olge, zamjenica gradonačelnice Anja Margetić Stakić primila je tročlanu delegaciju italijanske općine Canzo, rodnog mjesta novinara Locatellija. U pratnji delegacije bio je i ambasador Republike Italije Maco Di Ruzza.

Nakon prijema, dogradonačelnica Margetić i ambasador di Ruzza odali su počast i položili cvijeće na spomen-ploču na mjestu stradanja istinskog misionara dobra, ljubavi i mira.

Prijem ambasadora SR Njemačke dr. Thomasa Fitschena, 12.10.2023.

Gradonačelnica Sarajeva Benjamina Karić u Vijećnici je ugostila ambasadora Savezne Republike Njemačke, Nj. E. Dr. Thomasa Fitschena, 12.10.2023. godine. Tom prilikom njemački ambasador

darovao je gradonačelnici Arhitektonski vodič Sarajeva, čiji je izdavač berlinska kuća DOM publishers uz podršku Goethe-Instituta.

Prijem savjetnice za saradnju i kulturu i atašea sa saradnju Ambasade Francuske, 12.10.2023.

Savjetnica za saradnju i kulturu Ambasade Francuske u Bosni i Hercegovini Loé Lagrange i ataše Anaïs Girard bile su gošće zamjenice gradonačelnice Sarajeva Anje Margetić Stakić u Vijećnici 12.10.2023. godine. Dogradonačelnica je gošćama poželjela mnogo uspjeha u misiji kulturnog zbližavanja dviju država i naroda te izrazila punu otvorenost Grada Sarajeva za sve oblike saradnje, spomenuvši da se Ambasada Francuske i Gradska uprava mogu pohvaliti realizacijom brojnih aktivnosti u oblasti kulture i obrazovanja.

Nastupna posjeta ambasadora Kraljevine Nizozemske Henk van den Doola, 20.10.2023.

Gradonačelnica Sarajeva Benjamina Karić primila je 20.10.2023. godine u Vijećnici u nastupnu posjetu ambasadora Kraljevine Nizozemske Hendrika Gerita Kornelisa van den Doola, kojem je poželjela uspješan mandat.

Tokom susreta razgovarali su o dosadašnjoj pomoći ove prijateljske zemlje Sarajevu i BiH, te o budućoj saradnji na projektima od značaja za bh. prijestolnicu.

Sastanak na temu organizacije Austrijskog bala, Sarajevo, 03.10.2023.

Na poziv gradonačelnice Grada Sarajeva, 03.10.2024. godine održan je sastanak na temu zajedničke organizacije Austrijskog bala u Vijećnici 2024. godine. Sastanku su prisustvovali Nj.E. ambasador Dr. Johann Sattler, šef Delegacije EU u BiH i specijalni predstavnik EU u BiH, ambasadorica Republike Austrije Ulrike Hartmann, i direktorica Udruženja „Austrijski bal u BiH“, Zinaida Jamakosmanović.

Prijem ambasadora BiH u Pakistanu Emira Čohodarevića, 08.11.2023.

Gradonačelnica Karić je održala prijem novoimenovanog ambasadora BiH u Pakistanu Emira Čohodarevića, sa kojim je razgovarala o unaprjeđenju saradnje dva glavna grada, Sarajeva i Islambasada.

Prijem šefice misije Međunarodne organizacije za migracije (IOM) u BiH Laure Lungarotti, 10.11.2023.

Zamjenik gradonačelnice Sarajeva Samir Avdić upriličio je 10.11.2023. godine prijem za šeficu misije Međunarodne organizacije za migracije (IOM) u BiH, Lauru Lungarotti.

Na sastanku su razmijenjena mišljenja o aktuelnoj situaciji vezanoj za migracije te o mogućnostima unaprjeđenja saradnje IOM-a sa Gradom Sarajevom i drugim institucijama u BiH.

Obilježavanje pobjede i mira, godišnjice primirja i odavanja počasti svima koji su poginuli za Francusku, 11.11.2023.

Na poziv Ambasade Republike Francuske, zamjenik gradonačelnice Samir Avdić je prisustvovao obilježavanju pobjede i mira, godišnjice primirja i odavanja počasti svima koji su poginuli za Francusku.

Prijem N.J.E. Sadik Babür Girgina, ambasadora Republike Turske u BiH, 07.12.2023

Gradonačelnica Benjamina Karić ugostila je u Vijećnici N.J.E. Sadik Babür Girgina, ambasadora Republike Turske u BiH. Karić je istakla da je Turska zemlja koju Bosna i Hercegovina i njena prijestolnica uvažavaju kao istinskog prijatelja.

Prijem ambasadora R Slovenije Nj. E. Damijana Sedara, 11.12.2023. godine

Gradonačelnica Karić je u Vijećnici ugostila ambasadora Republike Slovenije Nj. E. Damijana Sedara. Tokom susreta, izraženo je obostrano zadovoljstvo što se dobre prijateljske veze kao i već postignuta saradnja u mnogim oblastima, razmjena zajedničkih ideja i inicijativa nastaviti i budućnosti. Jedna od tema razgovora je bilo i Obilježavanje 40. godišnjice ZOI-a koje će realizirati u februaru mjesecu.

PRIJEMI VISOKIH ZVANIČNIKA I DIPLOMATA

Posjeta ministrice vanjskih poslova Republike Slovenije Tanje Fajon, 14.01.2023.

Gradonačelnica Grada Sarajeva Benjamina Karić ugostila je u Vijećnici 14.01.2023. godine potpredsjednicu Vlade i ministricu vanjskih poslova Slovenije Tanju Fajon. Sagovornice su razgovarale o izazovima sa kojima se susreće Bosna i Hercegovina, o kandidatskom statusu BiH za članstvo u Evropskoj uniji, ali i projektima koje realizira Grad Sarajevo. Osvrnule su se na tradicionalno dobre i prijateljske odnose između Slovenije i BiH, kao i na podršku koju Vlada Slovenije pruža Bosni i Hercegovini na njenom putu ka EU.

Gradonačelnica Grada Sarajeva Benjamina Karić je zbog nesebične podrške Bosni i Hercegovini na njenom evropskom putu kao i nepokolebljivom zalaganju za prosperitetniju budućnost naše domovine i njene prijestolnice, ministrici Tanji Fajon ovom prilikom uručila Zahvalnicu Grada Sarajeva.

Posjeta Laurence Bonne, državne sekretarke za Evropu i članice francuske vlade, 07.03.2023.

Laurence Boone, francuska državna sekretarka u ministarstvu za Evropu i vanjske poslove posjetom Sarajevu i BiH sastala se sa gradonačelnicom Grada Sarajeva Benjaminom Karić u Vijećnici 07.03.2023. godine.

Tokom susreta razmijenile su mišljenja o kandidatskom statusu BiH za članstvo u Evropskoj uniji i provođenju reformi koje vode funkcionalnoj i demokratskoj BiH u punom smislu.

Women, Peace and Security Networking event to mark International Women's Day – NATO, 07.03.2023.

Komandantica NATO Glavnog štaba u Sarajevu i direktorice Agencije za ravnopravnost spolova (Ministarstva za ljudska prava i izbjeglice BiH) su u Vijećnici organizirale prijem povodom Međunarodnog Dana žena. Gradonačelnica Karić je svojim prisustvom podržala ovaj događaj koji je okupio uspješne žene na polju odbrane i sigurnosti.

Posjeta kandidatkinje za predsjednicu Crne Gore prof. dr. Draginje Vuksanović-Stanković, 13.03.2023.

Kandidatkinja za predsjednicu Crne Gore prof. dr. Draginja Vuksanović-Stanković je na poziv gradonačelnice Grada Sarajeva Benjamine Karić boravila u službenoj posjeti Sarajevu. Nakon obilaska Vijećnice, gradonačelnica i gđa Vuksanović-Stanković dotakle su se tema aktuelne političke situacije u našoj zemlji, mira i sigurnosti u regionu.

Gradonačelnica je istakla da je gđa Vuksanović-Stanković jedna od najzaslužnijih za usvajanje Rezolucije o osudi genocida u Srebrenici u Crnoj Gori.

Posjeta predsjednika Vlade Republike Slovenije dr. Roberta Goloba, 13.03.2023.

Gradonačelnica Grada Sarajeva Benjamina Karić ugostila je premijera Republike Slovenije dr. Roberta Goloba u Vijećnici 13.03.2023. godine. Tokom susreta, premijer Golob je istakao da će Slovenija nastaviti pomagati Bosni i Hercegovini konkretnom političkom podrškom da što prije uđe u EU. Na tom putu, dogovorili su, bitna je i uloga glavnih gradova, Sarajeva i Ljubljane, koji predstavljaju najbolji most saradnje i bliskosti naših građanki i građana. S tim u vezi sagovornici su se složili da je uspostavljanje pobratimskih odnosa između ta dva grada još jedan pokazatelj izuzetno prijateljskih i dobrih odnosa Bosne i Hercegovine i Slovenije.

Posjeta ministra vanjskih poslova Kraljevine Španije José Manuel Albares Buena, 13.04.2023.

Gradonačelnica Sarajeva Benjamina Karić ugostila je Nj. E. José Manuel Albares Buena, ministra vanjskih poslova Kraljevine Španije 13.04.2023. godine u Vijećnici u čiju obnovu je Vlada Španije mnogo uložila.

Sagovornici su poručili da snažno prijateljstvo vezuje naše narode i države, ali i pobratimske gradove Madrid i Barcelonu.

Ministar Bueno je istakao da se to prijateljstvo nastavlja podrškom cijelom Zapadnom Balkanu na putu ka Evropskoj uniji kojom predsjedavanje, u drugoj polovini godine, preuzima Kraljevina Španija.

Posjeta državnog sekretara za evropske poslove Republike Portugal Tiaga Antunesa, 12.05.2023.

Zamjenik gradonačelnice Grada Sarajeva Haris Bašić primio je u Vijećnici 12.05.2023. godine državnog sekretara za evropske poslove Republike Portugal Nj.E Tiago Antunesa. U pratnji državnog sekretara bili su i Pedro Espirit Santos, šef kabineta portugalske Vlade i Jorge Roze de Olivier, ambasador Portugala u Rumuniji. Tokom prijema razgovaralo se o saradnji dviju prijateljskih zemalja, te o uspostavljanju snažnijih odnosa između Sarajeva i Lisabona. Razgovaralo se također o kandidatskom statusu BiH za ulazak u EU, politici i projektima Evropske Unije.

Sastanak s predsjednikom Međunarodnog olimpijskog komiteta Thomasom Bachom, Lozana, 25.-26.05.2023

Gradonačelnica Sarajeva Benjamina Karić, zajedno sa visokim predstavnikom Christianom Schmidtom, susrela se u Lozani sa predsjednikom Međunarodnog olimpijskog komiteta Thomasom Bachom.

Tema razgovora sa predsjednikom MOK-a i njegovim timom bila je 40. godišnjica Zimskih olimpijskih igara u našem gradu. Ovom prilikom, gradonačelnica Karić i Schmidt su pozvali Bacha da posjeti glavni grad Bosne i Hercegovine i lično se uvjeri u entuzijazam za olimpijsku ideju u Sarajevu.

Prijem potpredsjednika Upravnog odbora Međunarodnog republikanskog instituta (IRI) sa sjedištem u Washingtonu, Randy Scheunemanna, Vijećnica, 25.05.2023.

Predsjedavajući Gradskog vijeća Grada Sarajeva Jasmin Ademović, upriličio je u Vijećnici prijem za potpredsjednika Upravnog odbora Međunarodnog republikanskog instituta (IRI) sa sjedištem u Washingtonu, Randy Scheunemanna. Sastanak je nastavak odlične saradnje Grada Sarajeva i IRI-a koja je potvrđena i prilikom nedavne posjete delegacije Grada Sarajeva sjedištu IRI-ja u Washingtonu, u februaru ove godine. Na sastanku je razgovarano o trenutnoj političkoj situaciji u Bosni i Hercegovini, sa naglaskom na sigurnosna pitanja, borbu protiv neprimjerenih stranih utjecaja u našoj zemlji, ali i potrebu odlučnije borbe protiv korupcije u svim dijelovima Bosne i Hercegovine, odnosno dosljedno poštivanje zakona i primjenu vladavine prava na svim nivoima vlasti u Bosni i Hercegovini.

Sastanak sa predstavnicima International Finance Corporation – IFC, 07.06.2023.

Gradonačelnica Sarajeva Benjamina Karić ugostila je Ary Naima, regionalnog menadžera IFC-a za Centralnu i Jugoistočnu Evropu i Ladu Buševac, direktoricu kancelarije IFC-a za Bosnu i Hercegovinu i Crnu Goru, u Vijećnici 07.06.2023. godine.

Gradonačelnica Karić predstavila je projekte koje Grad Sarajevo planirati realizirati u narednom periodu te je naglasila da jedan od najvažnijih projekata Grada Sarajeva je projekat čišćenja rijeke Miljacke. G. Naim je predstavio funkcioniranje IFC-a te pojasnio da su trenutno uključeni u realizaciju projekata Aerodrom Sarajevo i Miljacka. Upoznao je gradonačelnicu sa narednim koracima koje će IFC poduzeti te izrazio svoju čvrstu podršku i pomoć Gradu Sarajevo.

Posjeta Nj. E. Tun dr. Mahatir bin Mohamada BiH i gradu Sarajevu, 21.06.2023.

Predsjedavajući Gradskog vijeća Grada Sarajeva Jasmin Ademović se u društvu akademika Ejupa Ganića, osnivača SSST-a, 21.06.2023. godine sastao sa Nj. E. Tun dr. Mahatir bin Mohamadom, dugogodišnjim malezijskim premijerom, počasnim građaninom Sarajeva sa počasnim doktoratom Univerziteta u Sarajevu koji je u pratnji supruge bio u posjeti gradu Sarajevu i Bosni i Hercegovini. Istaknuto je da će se prijateljske veze sa državom Malezijom i dalje nastojati održavati i unaprjeđivati, posebno u smislu privlačenja investicija u Bosnu i Hercegovinu ali i preuzimanja dobrih poslovnih praksi i rješenja.

Susret s Emilijom Redžepi, potpredsjednicom Vlade Republike Kosovo, Sarajevo, 03.07.2023.

Gradonačelnica Sarajeva Benjamina Karić sastala se 03.07.2023. godine sa Emilijom Redžepi, zamjenicom premijera Kosova za ljudska i prava nevećinskih Naroda, koja je boravila u zvaničnoj posjeti Sarajevu.

Prijem Gatti Santane, predsjednice MRMKS, Sarajevo, 10.07.2023.

Gradonačelnica Sarajeva Benjamina Karić primila je 10.07.2023. godine u Vijećnici Gatti Santanu, predsjednicu Međunarodnog rezidualnog mehanizma za krivične sudove (MRMKS), sa kojom je razgovarala o dosadašnjim i budućim projektima Informativnog centra Sarajevo koje je postalo mjesto edukacije, istraživanja, spoznaje historijskih činjenica.

Predsjednica Santana izrazila je zadovoljstvo što je Informativni centar smješten u prostoru Vijećnice koja predstavlja simbol otpora i vitalnosti sarajevskog i bh. duha.

Prijem Christiane Amanpour, CNN-ove ratne reporterke, Sarajevo, 11.08.2023.

Gradonačelnice Sarajeva Benjamine Karić je u Vijećnici održala prijem Christiane Amanpour, čuvene CNN-ova ratna reporterke, te joj uručila plaketu za „Počasnog građanina Sarajeva“.

Prijem ministra odbrane Kraljevine Norveške Bjørna Arilda Grama, Sarajevo, 27.09.2023.

Ministar odbrane Kraljevine Norveške Bjørn Arild Gram, koji je boravio u dvodnevnoj posjeti našoj zemlji i njenom glavnom gradu, posjetio je sarajevsku Vijećnicu 27.09.2023. godine, u pratnji domaćina ministra odbrane BiH Zukana Heleza i zamjenika gradonačelnice Samira Avdića. Tokom susreta Avdić je istakao da sa prijateljskom Norveškom njegujemo tradicionalno dobre bilateralne odnose, a ovom se posjetom, između ostalog, želi ojačati saradnja prijestolnica, Sarajeva i Osla.

Posjeta Larsa Lokke Rasmussena, ministra vanjskih poslova Kraljevine Danske, 29.09.2023.

Lars Lokke Rasmussen, ministar vanjskih poslova Kraljevine Danske bio je gost gradonačelnice Sarajeva Benjamine Karić u Vijećnici 29.09.2023. godine. Tokom susreta razgovarano je o uspostavljanju veza i sadržajne saradnje između prijestolnica, Sarajeva i Kopenhagena.

Prijem Stefana Schnorra, državnog sekretara njemačkog Saveznog ministarstva za digitalizaciju i saobraćaj, 04.10.2023.

Gradonačelnica Sarajeva Benjamina Karić primila je 04.10.2023. godine u Vijećnici Stefana Schnorra, državnog sekretara njemačkog Saveznog ministarstva za digitalizaciju i saobraćaj. Schnorr je boravio u Sarajevu povodom učešća na 6. Digitalnom samitu Zapadnog Balkana, najvećem digitalnom događaju o saradnji u oblasti digitalne transformacije u regiji, kojeg organizira Ministarstvo komunikacija i prometa BiH uz podršku Vijeća za regionalnu saradnju (RCC).

Posjeta ministrice vanjskih poslova i EU Vlade Katalonije Meritxell Serret, Sarajevo, 23.11.2023.

Zamjenik gradonačelnice Samir Avdić primio je ministricu vanjskih poslova i Europske unije Vlade Katalonije, Meritxell Serret, koja je u Sarajevu boravila povodom Generalne skupštine MedCities. Sastanku je prisustvovao i delegat Vlade Katalonije u jugoistočnoj Europi Eric Hauck. Tokom sastanka razgovarano je o planiranom sudjelovanju Katalonije u obilježavanju 40 godišnjice Zimskih olimpijskih igara u Sarajevu '84; tekućim projektima saradnje Katalonije i BiH u područjima kulture, obrazovanja i sporta te ulozi organizacije MedCities u okviru strategije Mediteranske makroregije.

Prijem Lorda Stuarda Peacha, specijalnog izaslanika britanskog premijera za Zapadni Balkan, 28.11.2023.

Gradonačelnica Benjamina Karić ugostila je specijalnog izaslanika britanskog premijera za Zapadni Balkan Stuarda Peacha zajedno sa predsjedavajućim Gradskog vijeća Jasminom Ademovićem. Sagovornici su istakli značaj podrške i pravovremene, institucionalne reakcije Grada na čelu sa gradonačelnicom kada je u pitanje nasilje nad ženama, ali i doprinos radu sigurnih kuća na području cijele BiH. Dotakli su se i kampanje „16 dana aktivizma protiv rodno zasnovanog nasilja” koju provodi UN Women BiH, a koju je podržao i Grad Sarajevo.

Prijem specijalnog izaslanika Republike Francuske René Troccaza, Sarajevo, 04.12.2023.

Gradonačelnica Karić je u Vijećnici primila specijalnog izaslanika Francuske za Zapadni Balkan, Rene Troccaza te je ovom prilikom, istaknuto da su ovakvi susreti dokaz jasnog opredjeljenja naših prijatelja širom svijeta da se Bosna i Hercegovina i njen glavni grad pridruže evropskoj porodici. Prvi historijski susreti u posljednjih 30 godina sa francuskim predsjednikom Emmanuelom Macronom, ali i gradonačelnicom francuske prijestolnice Anne Hidalgo, najavili su uspješnu saradnju aktuelne gradske administracije sa prijateljskom Francuskom.

Prijem predsjednice Republike Slovačke, Zuzan Čaputov 14.12.2023.

Gradonačelnica Sarajeva Benjamina Karić ugostila je u Vijećnici predsjednicu Republike Slovačke Zuzanu Čaputovu. Razgovarale su o potencijalnim partnerstvima između glavnih gradova, Sarajeva i Bratislave, jačajući saradnju na različitim područjima.

➤ **OSTALE AKTIVNOSTI NA PLANU MEĐUNARODNE SARADNJE**

Posjeta skijaša Kostelića, Magoni i Ghedina, Sarajevo, 02.03.2023.

Gradonačelnica Sarajeva Benjamina Karić bila je domaćin u Olimpijskom muzeju proslavljenom skijašu Ivici Kosteliću zajedno sa Paolom Magoni i Kristianom Ghedinom, legendom alpskog skijanja. Gradonačelnica Karić je poručila da je njegovanje vrijednosti olimpizma u fokusu djelovanja, a da ova posjeta i podrška skijaša svjetskog glasa to potvrđuje.

Prijem predsjednika Međunarodne hokejaške federacije (IIHF), Sarajevo, 04.03.2023.

Nakon 39.godina, održano je svjetsko seniorsko prvenstvo u hokeju na ledu Treće divizije – grupa B, u organizaciji Hokejaškog saveza BiH u dvorani Mirza Delibašić u KSC Skenderija u periodu od 27.02. do 05.03.2023.

Tim povodom, predsjednik Međunarodne hokejaške federacije (IIHF) Luc Tardif, boravio je u glavnom gradu BiH kao gost Grada Sarajeva u periodu od 03. do 06.03. 2023.godine.

Prijem predstavnika organizacije „Sjećanje na Srebrenicu, Sarajevo, 14.03.2023.

Gradonačelnica Grada Sarajeva Benjamina Karić primila je 14.03.2023. godine predstavnike organizacije „Sjećanje na Srebrenicu“ (Remembering Srebrenica) sa sjedištem u Velikoj Britaniji. Od svog osnivanja, prije deceniju, „Remembering Srebrenica“ svake godine organizira Sedmicu memorijalnih događanja širom Velike Britanije, posvećenu obilježavanju i odavanju počasti žrtvama genocida u Srebrenici.

Posjeta 40 učenika Silkeborg Højskole iz Kopenhaga,Danska, 17.03.2023.

Claus Staal, direktor Silkeborg Højskolea i Lise Lindholm Mikkelsen, profesorica politike i debate, su organizirali studijsko putovanje za 40 učenika njihove škole te posjetili Sarajevo. Jedan od prioriteta je bio da posjete Vijećnicu kao jedan od simbola grada. Nakon obilaska Vijećnice i MKSJ, zamjenica gradonačelnice Grada Sarajeva Anja Margetić Stakić je u ime Grada Sarajeva kratkim obraćanjem pozdravila sve prisutne i zaželjela im ugodan boravak u glavnom gradu Bosne i Hercegovine.

Uručenje Zahvalnica za projekat „Grijanje opkoljenog Sarajeva”, 05.04.2023.

U okviru programa obilježavanja Dana početka opsade Sarajeva, gradonačelnica Benjamina Karić je 5. aprila uručila zahvalnice učesnicima projekta „Grijanje opkoljenog Sarajeva”.

Svečani prijem za čelnike Evropske stolnoteniske Unije (ETTU), Sarajevo, 07.04.2023.

Grad Sarajevo bio je domaćin svečanom prijemu u Olimpijskom muzeju za čelnike Evropske stolnoteniske Unije (ETTU) i goste iz cijele Evrope. Povod je bio Evropsko prvenstvo do 21. godine koje se održava na Ilidži i 50. godišnjica Stensa, Svjetskog prvenstva u stolnom tenisu koje je 1973. godine održano u našem gradu.

Na prijemu više od 50 zvanica iz Evrope, cijelog regiona i BiH, prisutne je pozdravila Anja Margetić Stakić, zamjenica gradonačelnice Grada Sarajeva, te gostima poželjela dobrodošlicu u Sarajevo.

Sastanak sa koordinatorom Misije 100 klimatski neutralnih gradova za Sarajevo, Garret Patrick Kellyjem, Sarajevo, 10.04.2023.

Gradonačelnica Benjamina Karić ugostila je 10.04.2023. godine u Vijećnici koordinatora Misije 100 klimatski neutralnih gradova za Sarajevo, Garret Patrick Kellya.

Povod ovog susreta bio je razgovor o prihvaćenju aplikaciji grada Sarajeva od strane Evropske unije, te trenutnoj fazi u kojoj se Sarajevo nalazi.

Sagovornici su se složili da je april 2022. godine bio veliki uspjeh, ali da pravi posao tek počinje, te da Misija ne iziskuje samo promjenu ponašanja, nego i promjenu pristupa u cilju čistijeg, zelenijeg, energetski efikasnijeg grada u kojem živimo.

Sastanak sa predstavnicima Međunarodnog foruma Bosna, Sarajevo, 10.04.2023.

Predstavnici Međunarodnog foruma Bosna, predvođeni predsjednikom Rusmirom Mahmutćehajićem, održali su 10.04.2023. sastanak s gradonačelnicom Sarajeva Benjaminom Karić, na kojem su razgovarali od održavanju Devete internacionalne konferencije *Sarajevo i svijet*, koja će biti održana u Sarajevu od 16. do 19.05.2023. godine.

U toku ove konferencije raspravljat će se o najvažnijim pitanjima sadašnjosti i budućnosti Sarajeva u skladu s UN Programom održivog razvoja do 2030. godine.

Prijem predstavnika Asocijacije BBE / Bourgogne Balkans Express u Vijećnici, 14.04.2023.

Zamjenica gradonačelnice Grada Sarajeva Anja Margetić Stakić je 14.04.2023. godine ugostila predstavnike asocijacije BBE / Bourgogne Balkans Express – Studentske asocijacije na fakultetu Sciences Po Paris – na čelu sa predsjednikom gđom Dorotejom Vujadin. Nakon obilaska Vijećnice, sastanak sa 25 studenata je održan u Svečanoj Sali Vijećnice, a neke od tema razgovora bile su politička struktura BiH, funkcionisanje i projekti Grada Sarajeva, nadležnosti zamjenice gradonačelnice, život u multikulturalnom gradu, problemi sa kojima se susreću mladi.

DiploForum i panel rasprava „Moderna diplomatska praksa: od retorike do akcije“ povodom obilježavanja Međunarodnog dana multilateralizma i diplomacije za mir, 24.04.2023.

Zamjenica gradonačelnice Anja Margetić Stakić sudjelovala je kao član panela u raspravi "Moderna diplomatska praksa: od retorike do akcije" povodom obilježavanja Međunarodnog dana multilateralizma i diplomacije za mir.

Ovaj događaj na Međunarodnom univerzitetu Burch je organizirao Centar za istraživanje društvenih nauka u saradnji s Odjelom za međunarodne odnose i evropske studije i Burch Diplomacy Clubom.

Prijem Muse Bajmaka, predsjednika Studentskog udruženja Bošnjaka Kosova, 24.04.2023.

Gradonačelnica Grada Sarajeva Benjamina Karić primila je 24.04.2023. godine predsjednika Studentskog udruženja Bošnjaka Kosova g. Musa Bajmaka.

Tema susreta je bila upoznavanje sa samim Bošnjacima Kosova i buduća saradnja dvije države kroz civilni sektor i društvo.

Izložbeni sajam svjetlosnih dekoracija – Dani otvorenih vrata – Gospodari svjetla, Samobor, Hrvatska, 28.04.2023.

Na poziv samoborske firme Blachere Illumination – Gospodari svjetla d.o.o., pomoćnik gradonačelnice za lokalno poslovanje Elvir Hadžiahmetović prisustvovao je Izložbenom sajmu svjetlosnih dekoracija – *Dani otvorenih vrata – Gospodari svjetla*, 28.04.2023. godine.

Obzirom da su u Budžetu Grada Sarajeva za 2023. godinu planirana sredstava za nabavku praznične rasvjete, posjet sajmu bio je u cilju upoznavanja s aktuelnom ponudom, inovacijama u oblasti svjetlosnih ukrasa i idejnim rješenjima koja bi bila su primjenjiva u Sarajevu.

18. Svjetsko prvenstvo dijaspore Bosne i Hercegovine u malom fudbalu/nogometu/futsalu.

U okviru realizacije Programa saradnje sa SSDBIH, održano je 18.Svjetsko prvenstvo dijaspore Bosne i Hercegovine u malom fudbalu/futsalu 13.05.2023. godine.

Također, održan je sastanak Glavnog odbora Svjetskog saveza dijaspore Bosne i Hercegovine, 12.05.2023. godine.

Ceremonija potpisivanja franšiznog ugovora za saradnju sa hotelima „Hampton by Hilton Sarajevo“ i „Hotel Neretva Tapestry by Hilton“, Berlin, 14.-16.05.2023.

Gradonačelnica Grada Sarajeva Benjamina Karić prisustvovala je ceremoniji potpisivanja franšiznog ugovora između Interšped d.o.o. Sarajevo i hotelskog lanca „Hilton“ sa hotelima „Hampton by Hilton Sarajevo“ i „Hotel Neretva Tapestry by Hilton“, čime je ozvaničen dolazak renomiranog brenda „Hilton“ na tržište Bosne i Hercegovine.

Pored gradonačelnice Karić, događaju su prisustvovali Mario Kordić, gradonačelnik Mostara, Salem Marić, predsjednik Gradskog vijeća Grada Mostara, Michael Collini, predstavnik kompanije Hilton, Simon Vincent, izvršni dopredsjednik kompanije Hilton

U središte grada Sarajeva, u ulicu Maršala Tita, dolazi Hampton by Hilton Sarajevo City Centar koji će vrhunskim sadržajem i uslugom obogatiti i upotpuniti turističku ponudu Sarajeva.

76. Filmski festival u Cannesu, 16.-19.05.2023.

Na poziv gradonačelnika Grada Cannesa Davida Lisnarda, gradonačelnica Grada Sarajeva prisustvovala je 76. Filmskom festivalu u Cannesu zajedno s gradonačelnicima UNESCO filmskih gradova i predstavnika filmske industrije.

20. godišnjica rada Centra za obuku pasa za otkrivanje mina u BiH, Sarajevo, 17.05.2023.

Svečano obilježavanje 20. godišnjice rada Centra za obuku pasa za otkrivanje mina u BiH (MDDC) održano je u sarajevskoj Vijećnici dana 17.05.2023. Proslava 20 godina rada MDDC-a održana je

na visokom nivou u prisustvu predstavnika US State Departmenta, vladinih institucija, diplomatskog kora u BiH i partnera iz SAD i regiona.

U okviru programa, prisutnima su se, pored zamjenika gradonačelnice Grada Sarajeva Harisa Bašića, obratili ambasadori SAD i SR Njemačke u BiH, Michael J. Murphy i Thomas Fitschen.

U svojim obraćanjima osvrnuli su se na projekat „Sarajevo bez mina” i ulogu svih partnera u njegovoj realizaciji i proces deminiranja. Navedeni projekat finansirale su Sjedinjene Američke Države, a implementiran je u saradnji sa Centrom za obuku pasa za otkrivanje mina u Bosni i Hercegovini (MDDC), ITF Enhancing Human Security i Marshall Legacy Institute.

Posjet firmi Blachere Illumination, Apt, Marsaej, R Francuska, 24.-26.05.2023.

Po pozivu Elektro tim d.o.o. iz Banja Luke, pomoćnik gradonačelnice za lokalno poslovanje Elvir Hadžiahmetović i Merima Hadžiabdić, šefica Odsjeka u Službi za lokalno poslovanje koja je realizirala projekat Praznično ukrašavanje u gradu Sarajevo, boravili su, zajedno s predstavnicima Grada Banja Luka, Brankom Mišićem i Suzanom Jović, u studijskoj posjeti firmi Blachere Illumination, Apt, R Francuska, u periodu 23.-28.05.2023. godine.

Posjet kompaniji Blachere Illumination predstavlja dobru osnova za idejna rješenja prazničnog ukrašavanja Sarajeva u sezoni 2023./2024. godina, a za što su predviđena sredstva u Budžetu Grada Sarajeva za 2023. godinu.

Prijem delegacije Univerziteta Ludwig Maximilian iz Minhena, Sarajevo, 25.05.2023.

Zamjenik gradonačelnice Grada Sarajeva Haris Bašić, ugostio je 25.05.2023. godine u Vijećnici delegaciju profesora i studenata Univerziteta Ludwig Maximilian (LMU) u Minhenu koju je predvodio dr. Moritz Pöllath.

Dogradonačelnik Bašić je sa univerzitetskim predstavnicima razgovarao o sistemu obrazovanja, podršci Grada Sarajeva projektima iz oblasti obrazovanja, aktuelnoj političkoj situaciji, ali i društvenim izazovima u BiH.

Prijem delegacije norveškog udruženja „Hvite Busser“, 08.06.2023.

Predsjedavajući Gradskog vijeća Grada Sarajeva Jasmin Ademović primio je 08.06.2023. godine delegaciju norveškog udruženja „Hvite Busser“ koju su činili Ingrid L.L.Rohme sa saradnicima.

Tokom sastanka razgovaralo se o više tema, a povod sastanka jeste projekat pokrenut od strane navedenog udruženja i Ambasade Kraljevine Norveške u Bosni i Hercegovini, koji za cilj ima obrazovno putovanje norveških školaraca u Bosnu i Hercegovinu, na historijske časove o genocidu i ratu u našoj domovini kao i holokaustu 1941. – 1945. godine.

Prijem delegacije asocijacije službenika Grada Kuala Lumpura, 09.06.2023.

Dogradonačelnica Margetić je u ime Grada Sarajeva, ugostila delegaciju asocijacije službenika Grada Kuala Lumpura (IKATAN DBKL) u Vijećnici, 09.06.2023.godine. Razgovarano je o inicijativi za održivo planiranje, klimatske akcije, o projektima za pametni grad i programi za nisku emisiju CO2 u Sarajevu.

Posjeta 20 učenika arhitekture Univerziteta Innsbrucka, 09.06.2023.

Zamjenica gradonačelnice Grada Sarajeva Anja Margetić Stakić, ugostila je 09.06.2023. godine u Vijećnici delegaciju profesora i studenata Univerziteta Innsbrucka koju je predvodila dr. Hilde Strobl, profesorica historije arhitekture na Arhitektonskom fakultetu Innsbruck.

Nakon obilaska Vijećnice, sastanak sa 22 studenata je održan u Svečanoj Sali Vijećnice a razgovarano o sistemu obrazovanja, podršci Grada Sarajeva projektima za mlade, projektima iz oblasti obrazovanja, aktuelnoj političkoj situaciji, ali i društvenim izazovima u Bosni i Hercegovini.

Prijem izbjeglica Ukrajine, Turske, Iraka, Indije i Sirije povodom 20. juna Svjetskog Dana izbjeglica, 20.06.2023.

Zamjenica gradonačelnice Grada Sarajeva Anja Margetić Stakić primila je u Vijećnici 40 izbjeglica iz Ukrajine, Turske, Iraka, Indije i Sirije povodom obilježavanja 20. juna – Svjetskog Dana izbjeglica.

Bosanskohercegovačka inicijativa žena (BHWI) je partnerska organizacija UNHCR- a koja više od 20 godina pruža psihosocijalnu podršku izbjeglicama i osobama u pokretu. BHWI je ove godine u Sarajevu organizirala okupljanje izbjeglica smještenih u Međugorju i Sarajevu kao i obilazak znamenitosti grada i posjetu Vijećnici.

Tokom susreta, dogradonačelnica Margetić Stakić iskazala je podršku snažnom angažmanu ove inicijative, te istakla da Grad Sarajevo želi biti aktivno uključen i pružati pomoć izbjeglicama u Bosni i Hercegovini.

Gradu Sarajevu uručena Evropska diploma Vijeća Evrope, Strasbourg, 22.06.2023.

Grad Sarajevo je dobitnik Evropske diplome Vijeća Evrope koja je uručena gradonačelnici Benjamini Karić na službenoj ceremoniji u reprezentativnoj Palais de l'Europe u Strasbourgu.

Priznanje ove međunarodne organizacije *Nagrada Evrope* osnovala je 1955. godine Parlamentarna skupština Vijeća Evrope u Strasbourgu kako bi nagradila općine koje su posebno aktivne u promicanju evropskog ideala.

Olimpijski dan – Podrška kampanji „Let's Move“, Sarajevo, 22.06.2023.

Međunarodni Olimpijski Komitet u saradnji sa Svjetskom zdravstvenom organizacijom je povodom 23. juna – Olimpijskog dana, pokrenuo globalnu kampanju pod nazivom Let's Move sa ciljem poticanja i razvoja svijesti i potrebe za kretanjem i bavljenjem sportom.

S tim u vezi, Međunarodni Olimpijski Komitet je pozvao Grad Sarajevo da bude dio ove globalne kampanje, projekcijom loga Let's Move na sarajevskoj Vijećnici, što je i učinjeno 22. juna, te se time Sarajevo svrstalo među sve ostale velike olimpijske gradove koji su učinili isto kao što su Pariz, Sidnej, Barcelona i svi prethodni i budući olimpijski gradovi.

Nastup kulturne grupe „Minyons de Terrassa“, Sarajevo, 09.07.2023.

Udruženje iz katalonskog grada Terrassa „Minyons de Terrassa“ izvelo je 09.07.2023. godine performans, spektakularne „ljudske tornjeve“, posvećen 30. godišnjici katalonske kooperacije u Sarajevu i 28. godišnjici sjećanja na žrtve genocida u Srebrenici s vjerom da se velika historijska tragedija nikada i nikome ne ponovi.

„Minyons de Terrasa“ je nastupio na Trgu Barcelone i na Trgu Prve brigade policije (Vijećnica) zahvaljujući podršci Vlade Katalonije i u saradnji sa Turističkom zajednicom Sarajevo, Centrom za informiranje o Međunarodnom krivičnom sudu za bivšu Jugoslaviju Grada Sarajeva i Udruženjem Obrazovanje građi BiH – Jovan Divjak.

Prijem Roya Gutmana, američkog novinara i publiciste, Sarajevo, 13.07.2023.

Gradonačelnica Sarajeva Benjamina Karić ugostila je 13.07.2023. godine u Vijećnici Roya Gutmana koji je sinonim za istinu, hrabrost, principe.

Ovaj poznati američki novinar i publicista boravio je u Sarajevu zbog prve promocije svoje knjige „Svjedok genocida“ u BiH, i to na 30. godišnjicu od njene objave. Izvještavajući o ratnim događanjima u Sarajevu i BiH, prvi je otkrio postojanje logora smrti, te svijetu obznanio istinu izvještajima kojima je sačuvao hiljade života.

18. Internacionalna ljetna škola Mladi i naslijeđe (ISSYH18) 28.07.2023

Gradonačelnica Sarajeva Benjamina Karić u Vijećnici je pozdravila sudionike 17. *Internacionalne ljetne škole Mladi i naslijeđe (ISSYH)* koja će se u naredne dvije sedmice realizirati u Sarajevu, Mostaru i Stocu. Oko 30 studenata iz zemlje i svijeta sudjeluje u različitim praktičnim aktivnostima koje su predviđene programom škole. Glavni cilj su dijalog i istraživanja kulturnog naslijeđa svijeta kroz obrazovne i praktične radionice.

Priključenje gradonačelnice Međunarodnom izvršnom odboru Mreže jakih gradova, 26.07.2023.

Gradonačelnica Grada Sarajeva Benjamina Karić priključila se Međunarodnom izvršnom odboru Mreže jakih gradova (ISC). Mreža jakih gradova je nezavisna globalna mreža od više od 180 gradova posvećenih borbi protiv svih oblika mržnje, ekstremizma i polarizacije na lokalnom nivou.

Grad Sarajevo, potpisnik „Deklaracije gradonačelnika za bolju prevenciju, pripravnost i odgovor na pandemije“, 29.07.2023.

Grad Sarajevo potpisao je „Deklaraciju gradonačelnika za bolju prevenciju, pripravnost i odgovor na pandemije“. Globalni parlament gradonačelnika i Geneva Cities Hub pozvali su gradonačelnike iz cijelog svijeta da potpišu Deklaraciju koju su pripremili u konsultaciji s vodećim svjetskim zdravstvenim stručnjacima. Ova ključna inicijativa ima za cilj jačanje saradnje između gradova, međunarodnih organizacija i država članica kako bi se osigurao efikasniji odgovor na buduće pandemije.

Dobrodošlica u Sarajevo učesnicima 12. Međunarodnog festivala folklor, 28.07.2023.

Zamjenik gradonačelnice Sarajeva Samir Avdić dočekaio je i poželio dobrodošlicu u Sarajevo učesnicima 12. Međunarodnog festivala folklor, koji su u narodnim nošnjama predstaviti tradicionalne plesove iz svojih domovina, a festivalskom pozornicom prodefilovati preko 600 mališana. Zemlje učesnice na ovogodišnjem festivalu su: Bugarska, Slovačka, Češka Republika, Crna Gora, Grčka, Makedonija, Ukrajina, Poljska, Srbija, Turska, te BiH kao domaćin.

Nastup banda „Frisare“ iz Prata na Live stage Music Festivalu, 28.07.2023.

Posredstvom Grada Sarajeva, band „Frisare“ je bio specijalni gost iz Prata na Live stage Music Festivalu koji se održao u Sarajevu od 27. do 29.07.2023. godine.

Sastanak sa izvršnim direktorom za poslovni razvoj iz Asocijacije Svjetskih trgovinskih centara, Sarajevo, 02.08.2023.

Gradonačelnica Benjamina Karić i predsjedavajući Gradskog vijeća Grada Sarajeva Jasmin Ademović ugostili su Robin van Puyenbroeck, izvršnog direktora za poslovni razvoj iz Asocijacije Svjetskih trgovinskih centara (World Trade Center Association), u Vijećnici 02.08.2023. godine. Povod susreta bio je razmatranje mogućnosti za dolazak i širenje brenda WTCA u glavnom gradu Bosne i Hercegovine. Istaknuto je da bi pridruživanje kompanija iz BiH WTCA-u služilo za

promociju sarajevskih potencijala, ali i cijelog bosanskohercegovačkog tržišta. Osnažilo bi ekonomsku aktivnost i rast grada te privuklo strane investitore.

Posjeta učenika gimnazije iz Tokija, Sarajevo, 04.08.2023.

Vijećnicu i Informativni centar o MKSJ dana 04.08.2023. godine, posjetili su učenici jedne od najrespektabilnijih gimnazija iz Tokija, Kaichi Nihonbashi Gakuen (KNG), u sklopu projekta razmjene učenika sa sarajevskom Trećom gimnazijom.

Gosti iz Japana su se upoznali sa historijom jednog od simbola bosanskohercegovačke prijestolnice, aktivnostima i radom Informativnog centra, a dobrodošlicu im je u ulozi domaćina poželjela gradonačelnica Benjamina Karić.

Događaj „Youth speak first“, Sarajevo, 10.08.2023.

„Mladi govore prvi“ – naziv je događaja koji su povodom Međunarodnog dana mladih organizirali IOM, Austrijska razvojna agencija i BHRI 10.08.2023. godine.

Zamjenik gradonačelnice Samir Avdić obratio se ovom prilikom prisutnim u Domu mladih, ističući da Grad Sarajevo kao institucija želi biti podrška mladim ljudima, te da sa njima dijeli viziju perspektivnije budućnosti.

Promocija stripa „Valter brani Sarajevo“, Historijski muzej, 10.08.2023.

U Historijskom muzeju BiH promoviran najtiražniji bh. strip i jedna od rijetkih bosanskohercegovačkih publikacija koja je pronašla svoje mjesto u Evropi – „Valter brani Sarajevo“, autora Ahmeta Muminovića na francuskom jeziku. Nezavisni izdavač iz Pariza Gilles Kraemer, objavio ga je u saradnji sa svojim kolegom Almirom Šehalićem, direktorom Agarthi Comics-a u Sarajevu.

Ovom prilikom, u ime Grada Sarajeva, prisutnim se obratio zamjenik gradonačelnice Samir Avdić koji je istakao neprikosnovenu vrijednost filma „Valter brani Sarajevo“ za bosanskohercegovačku, regionalnu, evropsku, pa i svjetsku kinematografiju.

Sastanak sa članom EUROHPC grupe za istraživanje i inovacije (RIAG) i PRACE industrijskog savjetodavnog odbora, 17.08.2023.

Gradonačelnica Benjamina Karić primila je u Vijećnici g. Almira Badnjevića i Tomi Ilijaša.

Gosti gradonačelnice Karić bili su osnivač i direktor naučnoistraživačkog instituta Verlab i novoizabrani direktor Agencije za identifikacione dokumente, evidenciju i razmjenu podataka BiH, te poduzetnik sa ljubljanskom adresom fokusiran na inovacije visoke tehnologije i osnivač Arctur-a, 30 godina stare hi-tech kompanije.

Razgovarano je o mogućnostima saradnje koja bi rezultirala inovativnim rješenjima i odgovorima na izazove s kojima se suočavaju u domenu digitalizacije i digitalne transformacije.

Učesnici projekta Future Western Balkan Leaders (FWBL) posjetilo Vijećnicu, 29.08.2023.

Dogradonačelnik Avdić je 29.08.2023.godine u Vijećnici primio grupu od 20 mladih ljudi, učesnika projekta *Future Western Balkan Leaders* (FWBL), koji su u Sarajevu boravili od 26. do 30.08.2023. godine. Humanitarno udruženje „*Ruku na srce*“ je domaćin, te ujedno i glavni nosilac pomenutog projekta. Isti se realizira zajedno sa partnerskim organizacijama iz 5 zemalja Zapadnog Balkana: NGO Prima iz Crne Gore, Youth Can iz Sjeverne Makedonije, Youth Center Drenas iz Kosova, Beyond Barriers iz Albanije te Zeleni Krug iz Srbije.

Sastanak s predsjedavajućom Odbora Grada Dejtona za saradnju sa Sarajevom, 30.08.2023.

Zamjenik gradonačelnice Sarajeva Samir Avdić upriličio je prijem za Bonnie Kling, predsjedavajuću Odbora Grada Daytona za saradnju sa bratskim gradom Sarajevom, u Vijećnici 30.08.2023. godine. Dogradonačelnik se zahvalio na uspješnoj dosadašnjoj saradnji Grada Sarajeva i Grada Daytona. Kling je predstavila trenutne aktivnosti Grada Dayton a koje se odnose na razmjenu studenata. Također, u fokusu današnjeg razgovora je bilo uspostavljanje novih modaliteta buduće saradnje na konkretnim projektima na osnovu Sporazuma o bratimljenju iz 1999. godine.

Studijsko putovanje u Gent – razmjena iskustava u vezi aplikacije Sarajevo Evropska prijestolnica mladih 2026, 12.-15.09.2023.

Predstavnici Gradske službe za obrazovanje, kulturu, sport i mlade boravili su u posjeti gradu Gentu gdje su sa predstavnicima tima Europske prijestolnice mladih iz Genta održali nekoliko sastanaka na kojima su razgovarali o njihovoj aplikaciji, misiji Grada Genta kada je riječ o mladima, te politikama kojim su se vodili pri izradi aplikacije. Također je bilo riječi o načinu na koji Grad Gent pristupa razvoju infrastrukture za mlade, te kako djeluje njihovo Vijeće mladih.

Prijem učenika i profesora Prve gimnazije i gimnazijalaca iz prijateljske Piacenze, Sarajevo, 19.09.2023.

Zamjenik gradonačelnice Sarajeva Samir Avdić, ugostio je 19.09.2023. godine u Vijećnici učenike i profesore Prve gimnazije na čelu sa direktoricom Velidom Tinjak, te goste gimnazijalaca iz prijateljske Piacenze.

Sastanak sa delegacijom Ujedinjenih nacija sa sjedištem u New Yorku, Sarajevo, 21.09.2023.

Članovi delegacije Ujedinjenih nacija sa sjedištem u New Yorku, sastali su u Vijećnici se sa zamjenikom gradonačelnice Samirom Avdićem. Razgovarali su o historijatu, mandatu, realiziranim aktivnostima i budućim projektima Informativnog centra Sarajevo koji je uspostavljen Memorandumom o razumijevanju između Grada Sarajeva i Međunarodnog krivičnog suda za bivšu Jugoslaviju u novembru 2016. godine.

Prijem delegacije Bošnjačkog nacionalnog savjeta, Sarajevo, 06.10.2023.

Delegaciju Bošnjačkog nacionalnog savjeta na čelu sa predsjednikom Berminom Meškićem, ugostio je u Vijećnici 06.10.2023. zamjenik gradonačelnice Grada Sarajeva, Samir Avdić. Ovo udruženje sa sjedištem u Zagrebu promovira bošnjačku nacionalnu manjinu u Republici Hrvatskoj, te nizom aktivnosti i realizacijom brojnih projekata rade na očuvanju tradicije Bošnjaka. Gosti su dogradonačelniku Avdiću zahvalili na srdačnom dočeku i razgovoru, ističući važnost institucionalne podrške i Sarajeva i Zagreba u njihovom djelovanju.

Prijem delegacije Šangaja, Sarajevo, 09.10.2023.

Zamjenik gradonačelnice Samir Avdić primio je 09.10.2023. godine delegaciju koju su činili predstavnici kineskih poslovnih kompanija zainteresiranih za ulaganje u Bosnu i Hercegovinu, i predstavnika kulturnih institucija iz Šangaja koje namjeravaju ostvariti saradnju iz oblasti kulture sa sarajevskim institucijama kulture i festivalima.

Prijem Howarda Tuckera, istražitelja u procesuiranju ratnih zločina pri Institutu za međunarodne krivične istrage (IICI), Sarajevo, 24.10.2023.

Gradonačelnica Sarajeva Benjamina Karić primila je 24.10.2023. godine u Vijećnici Howarda Tuckera, istražitelja u procesuiranju ratnih zločina pri Institutu za međunarodne krivične istrage (IICI) sa sjedištem u Holandiji.

U fokusu susreta su bila pitanja vezana za negiranje genocida, revizionizam i veličanje osuđenih ratnih zločinaca. Razgovor se vodio i o dosadašnjim i budućim projektima MKSJ Sarajevo koje je postalo mjesto edukacije, istraživanja, spoznaje historijskih činjenica.

Prijem Zajednice Albanaca u Bosni i Hercegovine 26.10.2023.

Gradonačelnica Benjamina Karić je u Vijećnici ugostila predsjednicu Zajednice Albanaca u Bosni i Hercegovine, gđu Elviru Dushi.

Posjeta predsjednice Dushi najava je konkretnije saradnje Grada i Zajednice Albanaca u BiH u realizaciji zajedničkih inicijativa, ali i bližeg povezivanja.

Prezentacija arhitektonskog projekta Muzeja ARS AEVI, Vijećnica, 30.10.2023.

U sarajevskoj Vijećnici je uz prisustvo i obraćanje predstavnika bosanskohercegovačkih, italijanskih, evropskih i međunarodnih vlasti i organizacija, održana završna prezentacija arhitektonskog projekta Muzeja ARS AEVI.

Čast da ovu manifestaciju otvore imali su gradonačelnica Grada Sarajeva Benjamina Karić, ambasador Italije u Bosni i Hercegovini, Marco Di Ruzza, Manoela Lussi ispred Italijanske agencije za razvoj i saradnju (AICS) na Zapadnom Balkanu, šef kooperacije u Delegaciji Evropske Unije u BiH, Stefano Ellero, premijer Kantona Sarajevo, Nihad Uk i načelnik općine Novo Sarajevo, Hasan Tanović.

Sarajevo grad filma UNESCO-a predstavljen na 18. filmskom festivalu u Rimu, 30.10.2023.

Sarajevo grad filma UNESCO-a predstavljen je 30.10.2023. na 18. izdanju filmskog festivala u Rimu, Rome Film Festu, u sklopu programa Roma Cinedays 2023.

Održan je panel na kojem se razgovaralo u kulturi i kreativnoj umjetnosti kao pokretaču urbane obnove grada, te povećanju kulturnih objekata kao što su centri i nova kina.

U tom kontekstu Sarajevo grad filma UNESCO-a je predstavio aktivnosti Grada Sarajeva u protekle četiri godine koje su doprinjele kulturnoj obnovi i razvoju.

Komemorativni skup povodom smrti Francisa Bueba, Sarajevo, 31.10.2023.

Na komemorativnom skupu održanom 31.10.2023. godine povodom smrti Francisa Bueba, u ime Grada Sarajeva i njegovih građana, oprostila se zamjenica gradonačelnice Anja Margetić Stakić, istakavši da je osnivanjem knjižare-galerije „Pariz-Sarajevo”, kultnog kulturnog centra „Andre Malarux”, Evropskih susreta knjige, Francis Bueb otvorio svijet prema Sarajevu i Sarajevo prema svijetu, sa porukom da su u tim teškim vremenima, i kultura i obrazovanje čin otpora, preživljavanja i dostojanstva.

Susret sa predstavnicima Bošnjačkog nacionalnog vijeća (BNV), Skoplje, 19.11.2023.

Gradonačelnica Sarajeva Benjamina Karić susrela se u Skoplju sa predstavnicima Bošnjačkog nacionalnog vijeća (BNV) u Sjevernoj Republici Makedoniji. Susret je bio prilika za razgovor o zajedničkim pitanjima Sarajeva i Skoplja, te jačanju saradnje između dva pobratimska grada.

Prijem predstavnika Sparkasse Grupacije, 20.11.2023.

Zamjenik gradonačelnice Sarajeva Samir Avdić ugostio je u Vijećnici 20.11.2023. godine, člana Uprave Grupacije i Steiermärkische Sparkasse AG iz Graza, Georga Buchera, predsjednika Uprave Sparkasse Bank dd BiH Amira Softića i direktoricu Direkcije za marketing, komunikacije i kvalitet usluge Sparkasse Bank dd BiH Elmiru Lalić.

Istaknut je interes Grupacije za podršku u kreiranju boljeg kvaliteta života i održivijeg razvoja ekonomije kako u gradu Sarajevu, tako i u Bosni i Hercegovini.

Prijem košarkaša „Fenerbahce“ iz bratskog Istanbula, Sarajevo, 23.11.2023.

Zamjenik gradonačelnice Sarajeva Samir Avdić poželio dobrodošlicu mladim košarkašima „Fenerbahce“ iz bratskog Istanbula, u Vijećnici 23.11.2023.

Zajedno sa košarkaškim klubovima „Bayern“ iz Münchena, „Budućnost“ iz Podgorice i domaćina „Ilidža“ učestvovali su na 3. Međunarodnom košarkaškom turniru za kadete U 16 „Ilidža 2023“ povodom Dana državnosti BiH.

Prijem košarkaša KK „Bayern“ iz Münchena, Sarajevo, 27.11.2023.

Zamjenik gradonačelnice Samir Avdić dočekaio je tim učesnika U 16 „Ilidža 2023“, košarkaše KK „Bayern“ iz Münchena, u Vijećnici 27.11.2023. Zajedno sa istanbulskim, košarkašima Podgorice i domaćina – košarkaškog kluba „Ilidža“, bili su dijelom 3. Međunarodnog turnira za kadete.

Povod je bio 25. novembar – Dan državnosti Bosne i Hercegovine.

52.Međunarodni šahovski turnir „Bosna 2023“ Sarajevo, 6.12.2023.

Dogradonačelnik Sarajeva Samir Avdić prisustvovao je otvaranju 52. Međunarodnog šahovskog turnira „Bosna 2023“, čiji je jedan od supokrovitelja Grad Sarajevo. Dogradonačelnik Avdić je pohvalio organizaciju turnira i kazao da je Grad Sarajevo počašćen što je ugostio šahovske (vele)majstore iz Hrvatske, Srbije, Crne Gore, Norveške, Azerbejdžana i Turske.

70 godina AIESEC-a u BiH i 75.godina Vividnog liderstva AIESEC-a na međunarodnom nivou, 22.12.2023.

U Vijećnici održana svečanost povodom 70 godina AIESEC-a u Bosni i Hercegovini. Istovremeno je obilježeno 75 godina Vividnog liderstva AIESEC-a na međunarodnom nivou. Svečanosti je prisustvovao zamjenik gradonačelnice Samir Avdić koji je u svom prigodnom obraćanju izrazio zadovoljstvo što je Grad Sarajevo dio ovog globalnog projekta.

Sastanak s predsjednikom udruženja „Ljiljan“ iz Italije g. Mirsadom Starčevićem, 29.12.2023.

Zamjenica gradonačelnice Grada Sarajeva Anja Margetić Stakić održala je sastanak sa predsjednikom udruženja „Ljiljan“, koje čine građani BiH porijekla koji žive u Italiji, Mirsadom Starčevićem. Povod sastanka bio je uspostavljanje saradnje između Grada Sarajeva i Općine Rogno

iz talijanske provincije Bergamo. Poziv za uspostavljanje saradnje je ranije upućen načelniku Općine Rogno Cristianu Molinariju na osnovu inicijative Gradskog vijeća Grada Sarajeva, te je dobiven potvrdni odgovor od Mirsada Starčevića, predsjednika udruženja „Ljiljan“, koje okuplja BiH dijasporu iz regija Bergamo i Brescia.

➤ AKTIVNOSTI GRADA SARAJEVA U OKVIRU MEĐUNARODNIH ASOCIJACIJA

Grad Sarajevo uspostavlja Regionalnu mrežu projektnih timova, Sarajevo, 07.02.2023.

Grad Sarajevo uspostavlja Regionalnu mrežu gradova za zapadni Balkan u okviru inicijative „Jačanje mreže projektnih timova odabranih gradova WB6 za efikasnije korištenje sredstava EU i drugih donatora”.

Ovu inicijativu finansira Njemačko savezno ministarstvo za ekonomsku saradnju i razvoj (BMZ), a provodi Njemačka kooperacija (GIZ), uz tehničku pomoć Mreže lokalnih vlasti Jugoistočne Evrope (NALAS). Prvi članovi Gradske mreže su devet gradova iz zemalja Zapadnog Balkana: Bar, Podgorica, Leskovac, Sveti Nikola, Novi Pazar, Priština, Elbasan, Mostar i Sarajevo.

Tri od navedenih gradova, Podgorica, Elbasan i Sarajevo, dio su Misije EU 100 klimatski neutralnih gradova, a ova povezanost će se posebno njegovati u radu Mreže.

Potpisan Memorandum o razumijevanju o uspostavljanju Mreže gradskih projektnih timova za Zapadni Balkan, Sarajevo, 07.03.2023.

Gradonačelnici Bara, Leskovca, Svetog Nikole, Elbasana, Mostara i Sarajeva, te predstavnici gradova Podgorica, Priština i Novi Pazar, u prisustvu dr. Daniel Stinsky, predstavnika njemačke ambasade u Sarajevu i Dr. Natalije El Hage, direktorice GIZ ureda u Sarajevu, okupili su se u Vijećnici 07.03.2023. kako bi ozvaničili uspostavljanje Mreže gradskih projektnih timova za Zapadni Balkan, potpisivanjem Memorandum o razumijevanju.

Grad Sarajevo inicirao je uspostavu ove Mreže gradova, koja će raditi na osnaživanju gradskih timova u procesu pristupanja EU i drugim fondovima, te koja će rezultirati zajedničkim aplikacijama i projektima koji su od koristi za sve građane.

Gradonačelnici i predstavnici devet gradova složili su se da ova Mreža ima veliki potencijal da doprinese razvoju regije Zapadnog Balkana.

MREŽA BALKANSKIH GRADOVA B40 – BALKAN CITIES NETWORK

Samit gradonačelnika B40 Mreže balkanskih gradova, Atina (Grčka), 22.-24.01.2023.

Godinu nakon osnivanja B40 Mreže balkanskih gradova u Istanbulu, Gradu Atini je pripala čast da preuzme Predsjedništvo za 2023. godinu. Stoga je na poziv gradonačelnika Atine Kostasa Bakoyannisa, gradonačelnica Grada Sarajeva Benjamina Karić sudjelovala na Samitu gradonačelnika B40 Mreže balkanskih gradova, koji je održan u Atini od 22. do 24.01.2023. godine.

Tokom dvodnevnog samita, učesnici su imali vrlo produktivne sastanke i diskusije, i što je najvažnije, gradonačelnici balkanskih gradova su ponovili poruku o važnosti gradova na uspostavljanju saradnje i prijateljstva na ovim prostorima.

Na marginama Samita, gradonačelnica je održala bilateralne sastanke sa gradonačelnicima Sofije, Atine i Istanbula, Yordankom Fandakovom, Kostasom Bakoyannisom i Ekremom İmamoğluom.

Mreža Balkanskih Gradova B40, 19.04.2023.godine, Online sastanak

Predstavnici Gradske službe za održivi razvoj prisustvovali su sastanku projektnog tima za TRIBUTE, te sastanku Mreže stakeholdera u okviru projekta TRIBUTE. Pored Grada Sarajeva, sastanku su prisustvovali predstavnici Politecnico di Milano, kao vodeći partner, te gradovi Zagreb, Podgorica, Novi Sad, Ljubljana, Maribor, Patras, Milano. Na sastanku se razgovaralo o dosadašnjoj implementaciji projekta, te su se konkretizovali dogovori u vezi nastavka aktivnosti, sa posebnim fokusom na implementaciju pilot aktivnosti, što je za Grad Sarajevo značilo uspostavljanje ostrva mobilnosti u okviru kojih se nalaze punionice za električna vozila, pametne klupe i parkinzi za bicikla.

MREŽA MEDITERANSKIH GRADOVA MEDCITIES

Vanredna Generalna skupština mreže MedCities, 31.01.2023.

Predsjedavajući Gradskog vijeća Grada Sarajeva Jasmin Ademović učestvovao je u radu vanredne Generalne skupštine MedCities-a koja je održana online 31.01.2023. godine. Tom prilikom je u ime Grada Sarajeva podržao bratske gradove Barcelonu, Dubrovnik i Izmir za članove Upravnog odbora ove mreže mediteranskih gradova.

Sastanak sa Generalnim sekretarom g. Josep Canals, 08.05.2023.

Predsjedavajući Gradskog vijeća Grada Sarajeva Jasmin Ademović i zamjenik gradonačelnice Grada Sarajeva Haris Bašić su 08.05.2023. godine u Vijećnici ugostili Generalnog sekretara MedCities-a Josep Canals-a i Erica Hauck-a, delegata Vlade Katalonije.

Canals je ukratko predstavio trenutne aktivnosti asocijacije koja sada broji čak 73 članice. Glavna tema sastanka je bilo moguće održavanje redovne Generalne skupštine MedCities u drugoj polovini novembra 2023. godine u Sarajevu.

19. Generalna skupština Mreže mediteranskih gradova MedCities, Sarajevo, 22.-23.11.2023.

Grad Sarajevo je 22. i 23.11.2023. godine bio domaćin dvodnevnog skupa Mreže mediteranskih gradova – MedCities. Učesnike ovogodišnje 19. Generalne skupštine i međunarodnog Seminara MedCities u ime Grada Sarajeva pozdravili su Samir Avdić, zamjenik gradonačelnice i predsjedavajući Gradskog vijeća Jasmin Ademović.

Ovaj događaj je okupio gradonačelnike i predstavnike gradova članica MedCities-a, među kojima su gradonačelnici pobratimskog grada Tripolija, jordanskih gradova As-Salta i Zarqa, turskog grada Hataya, albanskog grada Roskoveca, te zamjenici gradonačelnika francuskog grada Montpelliera, marokanskog grada Tetuana i bratske Pule. Skupu su prisustvovali i predstavnici gradova: Ancone, Antalye, Barcelone, Chefchaouena, Gaziantepa, Glyfada, Izmira, Jbell-Byblosa, Jerasha, Larnace, Limassola, Marseilla, Mersina.

GRADONAČELNICI ZA MIR

Online sastanak Europskog ogranka „Gradonačelnika za mir”, 16.02.2023.

Online sastanak Europskog ogranka „Gradonačelnika za mir” održan je povodom apela koji je Sekretarijat „Gradonačelnika za mir” objavio povodom godišnjice agresije Ruske Federacije na Ukrajinu. Na sastanku su sudjelovali predstavnici gradova članova Europskog ogranka iz Granollersa, Manchestara, Cervije, Hannovera, Grignyja i Biograda na Moru. Dogovoreno je da će

gradovi članovi Europskog ogranka umjesto objavljivanja vlastitog apela na web stranici i tweeteru Ogranka objaviti apel koji je uputio Generalni sekretarijat Gradonačelnika za mir iz Hirošime. Na sastanku je također bilo riječi o nadolazećoj konferenciji zemalja potpisnica Sporazuma o neširenju nuklearnog oružja na kojoj će sudjelovati i Generalni sekretarijat „Gradonačelnika za mir“ iz Hirošime, i predstavnici gradova članova „Gradonačelnika za mir“.

Europski ogranak „Gradonačelnika za mir“ online sastanak Upravnog odbora, 18.10.2023.

Zamjenica gradonačelnice Anja Margetić Stakić prisustvovala je online sastanku Upravnog odbora Europskog ogranka „Gradonačelnika za mir“. Nakon uvodnog obraćanja od strane Albe Barusnell gradonačelnice Granollersa, grada koji predsjedava Evropskim ogrankom „Gradonačelnika za mir“, uslijedilo je usvajanje izvještaja s prošlogodišnjeg sastanka Upravnog odbora gradonačelnika za mir i usvajanje Operativnog plana Europskog ogranka za 2024. koji je usklađen s Operativnim planom Sekretarijata „Gradonačelnika za mir“.

Izvršni gradovi „Gradonačelnika za mir“ pozvani su da prisustvuju Izvršnoj konferenciji koja će se održati u Manchesteru 28.-29.10.2024.

SVJETSKA UNIJA OLIMPIJSKIH GRADOVA (UMVO)

Online sastanak Izvršnog odbora Svjetske unije olimpijskih gradova (UMVO), 27.02.2023.

Na sastanku Izvršnog odbora Svjetske unije olimpijskih gradova (UMVO), koji je održan online 27.02.2023. godine, u ime Grada Sarajeva sudjelovala je zamjenica gradonačelnice Anja Margetić Stakić.

U skladu s agendom, razgovarano je o razvoju Unije, članarinama za 2022. godinu, Forumu o olimpijskom nasljeđu, Samitu 2023. godine, Samitu pametnih gradova i sporta, dodatnom putovanju, zahtjevu Salt Lake Cityja za članstvo u UMVO, Samitu 2025. godine.

Online sastanak Izvršnog odbora Svjetske unije olimpijskih gradova (UMVO), 21.06.2023.

Zamjenica gradonačelnice Grada Sarajeva Anja Margetić Stakić prisustvovala je online sastanku Izvršnog odbora Svjetske unije olimpijskih gradova (UMVO). Razgovarano je o trenutnim aktivnostima i pripremi Godišnjeg sastanka UMVO-a koji će se održati u novembru u Parizu.

Godišnji sastanak Svjetske unije olimpijskih gradova (UMVO) i Samit pametnih gradova i sporta, Pariz/Amsterdam, 29.11.-01.12.2023.

Na poziv predsjednika Svjetske unije olimpijskih gradova (UMVO) i gradonačelnika Lausanne Gregoire Junoda i gradonačelnice Pariza Anne Hidalgo, zamjenica gradonačelnice Grada Sarajeva Anja Margetić Stakić, boravila je u Parizu u periodu od 26.11. do 28.11.2023. radi učešća na Godišnjem sastanku Svjetske unije olimpijskih gradova (UMVO) i Samitu pametnih gradova i sporta koji će se održati u olimpijskom gradu Parizu, domaćinu Ljetnih olimpijskih igara 1900., 1924. i 2024.

➤ OCJENA STANJA

Fokusirajući se na razvojnu komponentu, Grad Sarajevo je značajno doprinio afirmaciji glavnog grada BiH kao političkog, privrednog, kulturnog, sportskog i turističkog centra regije i Evrope uopće, te se pozicionirao kao ravnopravan lider u određenim procesima.

Tokom 2023. godine međunarodna saradnja je bila veoma intenzivna, te sa mnogo potencijala, pozitivnih ideja i projekata usmjerena ka uspostavljanju, održavanju i unaprjeđenju postojeće saradnje s gradovima, asocijacijama ili međunarodnim institucijama u oblasti primjene smart city rješenja, ostvarivanja ciljeva održivog razvoja, kulture, turizma, privrede, obrazovanja, sporta i ostalim područjima od interesa za građanke i građane grada Sarajeva.

Ocjenjujući međunarodnu saradnju Grada Sarajeva tokom 2023. godine uspješnom u smislu unaprjeđenja postojeće saradnje i uspostavljanja novih pobratimskih i prijateljskih veza, ovoj oblasti i dalje treba pristupati s posebnom pažnjom, te je izuzetno važno nastaviti djelovati proaktivno i inovativno, ohrabrivati razmjenu iskustava i dobrih praksi, te bilateralne i multilateralne projekte sa gradovima i međunarodnim institucijama.

➤ ZAKLJUČNA RAZMATRANJA

Evropski trend regionalizacije i decentralizacije nameće ozbiljan pristup i posebno uvažavanje značaja diplomatije gradova, kao svojevrsne efikasne forme međunarodnih odnosa čiji je nosilac grad. Gradovi putem svojih višestrukih odnosa koji često nadilaze institucionalne forme saradnje, doprinose rješavanju zajedničkih problema, stvarajući tako trajne strukture, odnosno internacionalni dijalog, ne samo u okviru regije, nego i šire.

Kao rezultat provođenja ciljeva međunarodne saradnje, pored promocije Sarajeva, u izvještajnom periodu ostvareni su i konkretni benefiti ili je u toku realizacija konkretnih aktivnosti te su višestruko veći od uloženi sredstava u provođenju aktivnosti međunarodne saradnje Grada Sarajeva za 2023. godinu.

Neophodno je još intenzivnije nastaviti kontakte sa inostranim subjektima te aktivnosti iz oblasti međunarodne saradnje i rad na projektima EU i drugih fondova, jer otvorenost i međunarodni kontakti omogućuju trajno uspoređivanje s najboljima te prilagođavanje i implementaciju evropskih i svjetskih standarda u svim oblastima.